

بِرْدِيدَا

Pérdida

رواية

داليا أسامة



## كالحقوق محافظة

دار لوغاريتم للنشر والتوزيع

رقم الإيداع: 2019 /7529

I.S.B.N: 978-977-6642-67-6

تصميم الغلاف: حسن العربي.

الإخراج الفني: ضياء فريد.

المراجعة اللغوية: أميرة أسامة

المدير العام: إيناس ناصر.

المدير التنفيذي: شادي أبو شهبه

✉ [Logarithmpublish@gmail.com](mailto:Logarithmpublish@gmail.com)

٠١٢٨١٠٥٢٨٢٤

أهديها إلى قلب  
تحمل تقلبات مزاجي طيلة فترة كتابة  
العمل..

إلى روح لم تكثر سوى لنجاحه..  
إلى عقلٍ أثار ذهني لتعديل أخطائي  
المُتكررة.

إلى مَنْ أعانني على النهوض مجددًا بعد  
سقوطٍ حالك!  
ذلك العمل وما هو آتٍ ملكٌ لك..



# 1

21 مارس 2012

المسك 7:00 am

في إحدى شوارع تلك البلدة الهادئة ومع بداية الفصل البديع؛ الشوارع تبدو كحديقة غناء؛ حيث تتعرف عائلات الأزهار على بعضها بروائحها المنبعثة في أرجاء أزقة المدينة، تنمو الأغصان هزيلة القوام معلنة حضورها، الآن ونحن في فصل الألوان؛ والأزهار التي بدأ نَسيمها يتسلل ببطءٍ لإحدى النوافذ الزجاجية لتنتهك وبدون استئذان حاسة الشم الخاصة بـ (ميرا)..

ميرا فتاة الشرق الأوسط أو كما ينطقونها في المكسيك Chica de oriente medio، إحدى فتيات عروس البحر المتوسط وابنة أحد أكبر رجال الأعمال في المكسيك، هي الكبرى والأولى والوحيدة لـ (فريد الخولي)؛ تدرس الفنون بالجامعة الوطنية المستقلة في مكسيكو العاصمة، عيناها العسليتان سر هوس شبان المكسيك بها فقلما تجدهما في فتاة مكسيكية الأصل، بشرتها قمحية متناثر عليها ما يدعونه بالنمش،

لكن وجنتيها تبدوان كالأرض المبعثر عليها رمال الجنة، ليست طويلة أو قصيرة لكن شقيقتها تبدو عليها بوضوح مما أضفى على جمالها جمالاً من نوع آخر، نعم تشبه أزقة الإسكندرية وحواريها الدافئة، هي شتاء لا يطل بمكانٍ إلا والتفت لنقائه رمال الأرض!

استيقظت في السابعة من صباح الجمعة بالقليل من نسيمات الهواء التي تحضر خصيصاً لمداعبة رقبتها بتحريك خصلات شعرها الأسود اللامع كالدر؛ فتنبه لتلك المداعبات الرقيقة ويبدأ الهواء عمله برؤية عينيها وهما ينفتحان وينغلقان ببطء.

نهضت من فراشها بابتسامةٍ واثقة وذهبت إلى الحمام، وبعد غصون دقائق كانت قد أنهت استحمامها وشرعت في ممارسة إحدى هواياتها التي تمسكت بها منذ طفولتها؛ وهي تحضير الإفطار الذي اعتادت تحضيره منذ اقترابها من أدوات المطبخ، أضاءت نور غرفة والدها وخطت داخل الغرفة برفق، ثم بدأت في مناداته بصوتها الناعم حتى يستيقظ ويتناول معها الإفطار قبل مغادرته المنزل.

- بابا، قوم الفطار جاهز، يلا علشان ما تتأخرش ع الشركة.

فتح فريد عينيهِ فاستطردت:

- صباح الورد يا بابا، عايز دلح كل يوم ولا إيه؟!

ابتسم لها متأملاً بجانب عينيهِ، ومن ثمَّ أخبرها بإشارةٍ من يديه أن تذهب وسوف يلحق بها إلى السفارة على الفور.



كان فريد الخولي طالب بكلية الآداب جامعة الإسكندرية، ولد بالمعمورة ونشأ مع أسرته في شقة متواضعة بإحدى الحواري وهم ليسوا بالأغنياء، منذ أن تفتّح وعيه وهو ينظر للحياة من أفقٍ بعيد تمامًا.

عمل فريد بعد تخرجه بإحدى شركات السياحة مع صديق عمره نوح، هناك رأى لأول مرة فتاة بأوائل العشرينات من عمرها تصغره بثلاث سنوات، مكسيكية الجنسية، تُدعى لورين، وقع فريد في غرامها كما أخبرها أو ربما غرام جسدها وجنسيته،

وفي خلال ثلاث سنوات تزوجها وانتقل معها إلى المكسيك، حصل هناك على الجنسية التي طالما حلم بها شباب جيله، عمل في الكثير من المطاعم والمحلات التجارية إلى أن تحصّل على مبلغ ساعده على بناء شركة استثمارية خاصة به، خلال سنتين أصبح من أصغر رجال الأعمال سنًا في مكسيكو وأكبرهم مركزًا ونجاحًا، عند بلوغه سن ٣١ أنجبت له لورين ابنته الأولى ميرا، نعم قد كبر به السن لكن استثمارات فريد وبناء كيانه واسمه أهم وأولى من كونه أبا أو أن يُولي اهتمامًا لبيته وزوجته التي أصبحت كقطعة خردة في مصنع مهجور.

بعد خمس سنوات من ميلاد ميرا طلبت منه لورين الطلاق فهو لا يصلح أن يكون أبا أو زوجًا مثاليًا؛ هو فقط رجل أعمال في ذروة المثالية، أطلق فريد سراح لورين لكنه أصر على الاحتفاظ بطفلته.

جلس فريد وابنته على السفرة بعد أن ارتدى بدلته الرمادية وتناول جريدته الصباحية؛ ليطمح الأخبار كإحدى عاداته اليومية، وبعد لحظاتٍ بدا على وجهه الامتعاض فزفر قائلاً:

- إيه اللي بيحصل دا؟

- خير يا بابا؟
- أسهمنا بتنزل كل يوم بشكل مش طبيعي أبداً.
- يا بابا ما هو كل يوم تطلع وتنزل إيه الجديد؟!
- يلا خير.. ما قولتليش، لابسه كدا ورايحه على فين؟
- جاية معاك الشركة، النهاردة الجمعة ومفيش دراسة وفاضية وأصحابي مشغولين؛ فقلت آجي أونسك ولا هضايقك يا سي بابا؟

ضحك عاليًا، ثم أجابها:

- لا طبعًا دي شركتك تنوريها وقت ما تحبي.

منذ فترةٍ لم تذهب ميرا مع والدها لترى ما يدور بالشركة فانشحرت حياتها في ثلاثة أشياء ليس إلا؛ الأولى: دراستها؛ فهي موهوبة منذ نعومة أظافرها في رسومها، واندماج ريشتها بالأوراق سحريٌ يبدل مجرى تفكير من ينظر إليها؛ لذلك التحقت بكلية الفنون أملًا أن تُحقق شيئًا عظيمًا في هذا المجال، أما الثانية: فهي الموسيقى؛ ف (ميرا) كالكثير من فتيات بلدها تهوى الموسيقى بل تعشقها، لكن اختلف ذوقها عن أصدقائها، فمنهم من عشق الجاز، ومنهم من أحب الروك، لكن ميرا كان لأذنيها وحسها الفني رأيًا آخر، فأصبحت ألحان بليغ حمدي تتغلغل في شرايينها كالأكسيجين، وتلك الأهازيج الجميلة التي تبعثها فيروز لتداعب أوتار قلبها، أما الثالثة: فرغبتها في العودة لمصر، لم تر ميرا مصر من قبل، أصدقاؤها في مصر قلة، تعرفت عليهم عن طريق مواقع التواصل الاجتماعي كـ Facebook، instgram وغيرهما، لكن ومع ذلك لديها رغبة عارمة في زيارة تلك الأرض التي تُعد وطنًا لها أو ربما سمعت أنها كذلك!

دخلت مع والدها الشركة وحيّت الموظفين تحيتهم المعتادة بالأسبانية  
Buenos dias، واتجها لمكتب والدها:

- حبيبي تقدرني تقعدني في مكتبك من زمان ماتفتحش.  
- حاضر ولو احتاجت حاجة السكرتارية موجودين وانا موجودة.  
في مكتبها؛ جلست على ذلك الكرسي الجلدي وقررت أن تستخدم  
حاسوبها لتشاهد ما يدور في Facebook الخاص بها، لا بُدَّ أن هناك  
الكثير والكثير من الإشعارات والرسائل من أصدقائها وكذلك متابعيها؛  
فهي لم تفتح ذلك الموقع المزعج منذ أربعة أيام؛ لأنها انشغلت بأمرها  
الدراسية.

٨٥ إشعار و٤ رسائل تنتظرها، فقط ٤ رسائل!  
قبل أن تفتح تلك الرسائل قامت بتشغيل إحدى أغنياتها المفضلة  
لفيروز:

«البت الشلبية.. عيونها لوزية»

بحبك من قلبي.. يا قلبي انتي عينا

حد القناطر.. محبوبي ناظر

كسر الخواطر.. يا ولفي ما هان عليا»

بدأت في فتح الرسائل بوجهٍ مقتضب، لكن قد بدا عليها السعادة  
بعد سماع الألحان الفيروزية، إنها من صديقتها في الحي المجاور لحيها  
روز ستيفان:

- Where are you Mira? I miss you, I haven't  
seen you since that day.

- I'm sorry I was very busy. I miss you too, dear.

- Will you come to tonight's party?
- No, Rose, I'm so tired. I'll stay at home.
- OK darling. See you later.

أغلقت ميرا حاسوبها بعد أن سئمت هذا النوع من المحادثات السخيفة، واعتري وجهها الامتعاض والكثير من التساؤلات عن تلك الحياة التي يعيشها الآخرون، حفلات، ورق وسهر وشرب وفتيان، ثم ينتهي بهم الأمر لارتكاب إحدى الأخطاء أو إلى الاكتئاب الحاد، ما هذا؟!

أيقظها من تساؤلاتها صوت (فيروز):

«يا حبيبي أنا عصفورة الساعات..»

أهلي نذروني للشمس والطرفقات..»

فتحت مرة أخرى ذلك اللاب توب لتجد صفحة أحدهم، أحد هؤلاء الشخصيات ذا الكثير من المتابعين على Facebook، لا تعلم ما الذي جذبها لتقوم بفتح تلك الصفحة لكنها استجابت لرغبتها وفتحتها، وجدت مجموعة من تلك المنشورات البائسة كـ (كان يشعر بالوحدة) و(يخذلك الجميع.. إذا لا مفر لك من الوحدة) و(الواحد حرفياً يعيش أسوأ أيام حياته)، بدأت ميرا تكتب تعليقاً على آخر منشور له: "الحياة مش كلها بؤس، بص على الجانب الإيجابي شوية"، ثم قامت بمسح التعليق؛ فهي تعلم الكم الهائل الذي ستعرض له من المهاجمات؛ فأعدت إغلاق الفيسبوك.



«قولي بس موافقة ومن الفجرية هابقي عندك، بحبك يا مريم»،  
قالها أحمد وصوته يتراقص من فرط السعادة، ثم أغلق الهاتف.

جلست مريم تُفكر في ذلك الحلم الذي لطالما تمنته منذ أن كانت في الصف الأول الإعدادي، حلمها بأن تتزوج حبيبها وزميل دراستها، رفيق كفاح تسع سنوات بأكملها، لكن ما الذي طرأ على قلبها؟! لماذا تشعر وكأنها لا تريده؟! لماذا تشعر وكأنها تُدمر حياته بيديها؟! ماذا فعل لها أحمد ليعتريها ذلك القلق؟! أغلقت مريم هاتفها الخليوي، وارتدت التنورة السوداء وتلك البلوزة الحمراء القصيرة التي لطالما عشقها أحمد، وذهبت لصديققتها المقربة أمل، وعندما التقت عيناها انفجرت مريم في البكاء بين ضلوع أمل، ثم نظرت إليها في قلقٍ وعينين باكيتين:

- أنا مبقتش عارفة أنا رايحه على فين، اتعلقت بيه أكثر مما تخيلت، مَلَك قلبي، بقيت بصحى كل يوم وانا عندي أمل بسبب وجوده بس!

- لازم تقولي له، لازم يعرف بمرضك، محدش ها يُقف جنبك ولا ها يستحمل قد أحمد، وبعدين رفضك إنك تعملي العملية هو اللي وصلك للمرحلة دي.

- يستحمل إيه؟ يستحمل إنه يعرف إن عندي سرطان؟ طب يستحمل إنه يتجوزني ومايجبش أولاد ولا يبقى أب زي ما حلمنا علشان هшил الرحم؟ إنتي فاهمة بتقولي إيه يا أمل؟

- طب اهدي بس اهدي.

أخذت عيناها تذرف جهدها بين أحضان أمل في قهرةٍ وألم، مرض مريم ليس مجرد مرض جسدي؛ بل هو مرض بعشق أحمد؛ فحبها الحقيقي جعلها تتجاهل وجود الموت وأصبحت الحياة بالنسبة لها لا تُحتمل، كأن قلب أحمد عاش الدهر ملحدًا وهي أول من آمن بها، في داخلها دمع يكفي لينبت ألف وردة وشجيرة ياسمين.

بعد أن هدأت مريم قامت بفتح صفحتها على فيسبوك لتكتب ما بداخلها كما يفعل البعض لعلها تشعر ببعض الارتياح!

كيف سيتحمل أحمد صدمة فقدان حبيبته؟ وإذا نجت ولم يفقدها كيف سيتحمل الحياة من دون أن يصبح أبًا؟ بل كيف ستستطيع مريم إخباره؟ بالطبع لن تستطيع إخباره بسبب نفورها، لكنها قررت أن تكتفي بالانسحاب، ستسحب مريم من حياته، من حبه.. من صداقاتها.. من عائلتها.. ستسحب هروبًا من مواجهة الواقع المؤسف.

- الحقني يا أحمد أنا في مصيبة الحقني.

قالتها أمل بعد أن اعترأها الفزع من هول ما رأت.

- إيه في إيه يا أمل؟

- مريم قاطعة النفس وما بتنطقش.

- بتقولي إيه؟! طب انتوا فين؟ طب حصل إيه فهميني؟

- أنا واخداها وطالعين ع المستشفى، تعالي بسرعة مريم بتموت.

ما إن سمع أحمد تلك الكلمات المريعة حتى أصبح تائهاً ضائعًا لا يرى سوى غماماتٍ سوداء لن يكبحها سوى رؤية مريم تضحك وتلعب وتجادل فهو يكره هدوءها.

(لا أريدك صامتة، أفيقي وثرثري وتزمتي ولا تتساهلي معي، أفيقي  
وغرّدي بصوتك كما كنتِ تفعلين، لا تفري في ذاك السبات) قالها عقل  
أحمد..

قصد أحمد المستشفى اللعينة لعله يطمئن على حبيبة عمره، لا بل  
هي ذاك الوطن الذي لطالما عارك الحياة لينعم به، جرى بين طرقات  
المستشفى ضائعا لا يستحوذ عليه إلا رؤيتها «مريم.. مريم.. مريم..»  
«أين أنتي يا زهرتي البرية؟»

رأى أمل تخرج مسرعة من تلك الغرفة، بالطبع تلك هي الغرفة التي  
حُجزت بها مريم، ما هذا الشرود الذي خيم على أمل؟ أيعقل أن يكون قد  
أصاب مريم مكروها؟ أيعقل أن تُجرى عملية مفاجئة؟! نظر أحمد إليها  
وقد اغرورقت عيناه بالدموع:

- مريم فين يا أمل طميني؟ مريم حصل لها إيه؟! فاقت صح؟  
قولي إنها بقت كويسة ما توجعش قلبي.  
لمح أحمد الحزن الساكن في نظراتها وعدم قدرتها على النطق أو  
توضيح ما حدث، ثم اتجه إلى الطبيب في لهفة.  
- لو ربنا ادانا أمانة وحب ياخدها، نعترض؟  
نظر أحمد للطبيب في دهشة:

- في إيه يا دكتور؟ مريم إيه اللي حصل لها؟!  
- البقاء لله، للأسف دا حصل نتيجة جرعة مهدئات زائدة، ومن  
الواضح إنها كانت معتادة على المهدئات دي، لكن الجرعة  
المعتادة مابقتش بتأثر فأخذت جرعة زيادة عن اللزوم، الدم  
تسمم وانتشر بسرعة وبسبب أسها وضعف إرادتها عملنا اللي  
علينا ومقدرناش نلحقها.

نشبت كلمات الطبيب كالحريق في خلايا قلبه، وقعت عليه وقع الصاعقة المهلكة، «ما الذي يحدث؟! أتركتني حبيبة روحي وغادرت، أم أنها غفلت بعض الوقت؟! لا بد أنها تمزح، أو أنها غارقة في نعاسها لفترة طويلة من اليوم كما تفعل دائمًا!» رُدَّت تلك الكلمات في ذهن أحمد، التفت إلى أمل ومسك ذراعيها بفتك وقسوة وكاد أن يسبح في دموعه:

- مخيبة إيه عليا؟
- مريم كان عندها.. cancer..
- إيه؟
- مريم اكتشفت بس من ٣ شهور؛ نزيف مش طبيعي.. ألم مش ييفارقها.. ألم.. ألم.. زهقت وقررت تكشف وتعمل الأشعة والتحاليل المطلوبة، وكانت صدمة عمرها.. سرطان في الرحم في مرحلة متقدمة والحل حاجة واحدة؛ الاستئصال، الوجع بقي ٣؛ وجع المرض، ووجع إنها مش ها تبقى أم، ووجع بعدها عنك اللي كان عندها يقين إنه بيقترب.
- أكملت أمل بعد صمتٍ دام لثوانٍ:
- خوفها ماكانش من الموت، خوفها كان عليك، خوفها كان من الفراق، كانت بتقول: «محتاجة أقول والحوجة للقوالة وجع»، رفضت تعمل العملية، رفضت تقول لك، حتى أهلها رفضت تحكي لهم، رفضت تشوف الوجع في عيونكم، كانت بتقول: «بحب رُعبه وقلقه عليا بس دا مش قلق، أنا لو قلت له هقتله بإيدي».

نظر لعينيها وقد أصابه العجز وأوشك على الانهيار، هوى أحمد أرضاً  
في صمتٍ.

- جت لي البيت امبارح منهاره م العياط.. حكت لي إنك بقيت  
مستعد وقادر تخطبها في أسرع وقت وما بقتش عارفه تعمل إيه؟  
تفرح علشان حلم حياتكم ها يتحقق وها تملكها وتملكك،  
ولأ تحزن علشان مش قادرة تقول لك؟ سبتها تعيط لحد ما  
نامت، صحيت الصبح لقيت علبة المهدىء فاضية وهي واقعة  
على الأرض، وحصل اللي حصل.  
تأملًا بعضهما ولم تكف دموعهما عن التحرر من أعينهم وكاد الألم  
يشق صدريهما.



- آسفة يا بابا ما كنتش أعرف إن عندك حد.  
قالتها ميرا عندما دخلت مكتب والدها في منزلها الفاره، ذلك  
المنزل الذي فاق جميع معاني البهاء والوقار.  
- لأ تعالي، لسه كنت هنا ديلك.. أعرفك (سائر النقراشي) من  
أصغر وأنجح رجال الأعمال والعملاء اللي بيتعاملوا معانا.  
مد سائر يده ليسلم عليها، ثم قام بتقبيل يدها مُحافظاً على اتيكيت  
التعامل مع المرأة.

- Bonjour آنسة ميرا..

- Bonjour أستاذ سائر..

تأمل سائر عينيها لثوانٍ، ثم استطرده:

- إنتي أجمل من كلام كثير سمعته عنك.  
نظرت له في امتنانٍ:
- شكراً كثير أستاذ سائر، دا من ذوقك بس.  
تدخّل فريد ليقاطعهما:
- سائر من اسكندرية يا ميرا زيبي، أعتقد لحد دلوقتي مقابلتيش  
هنا حد من اسكندرية.
- تقريباً يا بابا.. على كل حال فرصة سعيدة جداً.. أستاذنكم.  
لم تهجر عينا سائر الفتاة إلى أن انصرفت خارج المكتب، كالإرهابي  
حين يصنع فتنة طائفية؛ فنتت ميرا فريد وعقله وقلبه وعينه.
- كدا اتفقنا يا سائر، تقدر تيجي الشركة بكرة نمضي العقود.  
قالها فريد واستطرد:
- نورت.  
ثم مد يده مُصافِحاً..
- بابا أنا احتمال أتأخر النهاردة شوية، في حفلة عند روز ولازم  
أكون هناك النهاردة.
- ماشي يا حبيبي، أهم حاجة تكوني مبسوطه.  
- ربنا يخليك ليا.  
- ويخليكي ليا يا بنتي.
- انصرفت ميرا استعداداً للذهاب لحفل صديقتها المكسيكية روز،  
لم تضع مساحيق التجميل كما الفتيات اللائي لا يثقن في جمالهن، بل  
اكتفت بوضع القليل من الكحل ليبرز جمال عينيها السوداوين، تركت  
شعرها الأسود يتحرر على كتفيها، وارتدت فستاناً أسوداً طويلاً يبرز جمال

أنوثتها، لم ترتد الكعب العالي، بل ارتدت حذاءً أسوداً لامعاً مفتوحاً  
يكاد يلامس الأرض، وشرعت في الذهاب للحفل.

لم تُقرر الذهاب للحفل لأجل روز، لكنها سئمت الوحدة، سئمت  
الحياة الروتينية، قررت الذهاب لعلها تتعرف على أناس جدد، لعلها  
تخرج من وحدتها ولو لساعاتٍ معدودة.

- كنت بدأت أزهدق من الحفلة.

تفوّه بها سائر في الحفل عند رؤيته ميرا تنظر حولها في ضجر،

التفتت إليه:

- أستاذ سائر، مش معقول! شفتك مرتين في يوم واحد!

قال سائر مازحاً:

- لو أزعجتك أنا ممكن أختفي حالاً.

- لا أبداً مقصدش.. استغربت مش أكثر.

- مليتي؟

- جداً.

في تلك اللحظة صعدت إحدى مقطوعات الموسيقى الشرقية التي  
لطالما عرفت روز بعشق ميرا لها، وإذ فجأةً أحكم سائر ذراعه حول  
خصرها وجذبها نحوه، تأملت عيناه عينيها جيداً وبدأت أقدامهما في  
التحرك بانسجام مع تلك الألحان الساحرة، علمت ميرا حينها أنها بين  
يدي إنسان يجيد العزف على أوتار الجسد ببراعة.

وتوقفا بعد غضون دقائق.

- سرحتي في إيه؟

قال سائر لتعود ميرا من شرودها؛ فتأففت قائلة:

- متجوز؟
- لأ لسوء حظي.
- ليه؟ إنت شخص ناجح ووسيم.
- تقدري تقولي مالقتش المواصفات اللي عايزها!
- لو سألت أي حد ها يقول كدا على فكرة، أنا عايزة أعرف السبب الخفي.. اللي ما بيتقالش على طول.
- مقضيها.
- نعم!
- زي ما سمعتي، كل يوم بحكم شغلي ببقى في حفلات زي دي، تبدأ علاقة وتخلص تاني يوم الصبح على سريري.
- وطبيعي إنك تقول الكلام دا لواحد ما تعرفهاش إلا من ساعة وما تعرفش عنها غير اسمها!؟
- يمكن عشان إنتي غير أي حد.
- نظرت له بسأم من تلك الكلمات المعتادة التي لطالما سمعتها بكثرة، ثم استطرد:
- وحده.
- مش فاهمة.
- عيونك بتنطق وحدة.
- نظرت له ميرا في حنق، ثم فرت مسرعةً إلى سيارتها تاركةً الحفل والناس وذلك المُتصنّع.
- السعادة الزائفة؛ ما أبشعها!

كنت شبه نائمة أو في يقظة، رأيت غابة فخمة ممتدة، أضواء تتلألأ، أضواء تنبعث، ضحكات تنطلق في لهو وبهجة، في ضجيج وجرأة. أناس يذهبون ويحضرون، يتمايلون، يتدافعون، ما تلك المناسبة؟ كيف أتيت لهذا المكان؟ لا أدري..

ألن أغترف من السعادة قبل أن أغادر هذا المكان؟ ما زلت أجول في المكان أبحث عن عناصر السعادة التي توافقي.. لا لست أعرفهم، ليسوا لي بأصحاب، هناك أغاني وموسيقى، لا لن أشارك فيها، الكؤوس والأكواب تتلألآن تحت الأضواء، أنظر إليهم.. إنهم يتبادلونها ويتداولونها، يبدون في غاية النشوة، لا إنني لا أشبههم، لا أريدهم» جال هذا في ذهن ميرا.. نهضت من فراشها في حنقٍ ومن ثمّ ذهبت لوالدها لتخبره بما قررت محاولةً نسيان تلك الليلة الماضية:

- أنا هنزل مصر.

حدّق بها في صدمةٍ من واقع قرارها، متى ولماذا اتخذت هذا القرار؟ بل ما الذي ذكرها بمصر؟!

- إنتي بتقولي إيه؟! إزاي قررتي كدا وكأنني مش موجود؟!!

- لا دا أكيد بعد موافقة حضرتك طبعًا، أما ليه دي بقى فأنا ملّيت

هنا، لفيت كتير وشف كتير بس مصر عايزة أشوفها، عايزة

أعرف شكل الوطن!

- ما عنديش مانع.

نظرت له في امتنانٍ فاستطرد:

- تقدري تبدأي تجهزي الإجراءات من النهاردة لو حبيتي.

قبَّلته قبلة شكرٍ ثم انصرفت لغرفتها، بمعنى أبرز «عالمها الخاص»، قامت بتشغيل إحدى أغانيها المفضلة التي تسمعها عند شعورها بالانتصار أو السعادة..

”قلته لا تخاف اتطلع شوف الشمس اللي رح تطلع..“

اتطلع عالغاب وشاف امواج الحرية بتلمع..

شاف جوانح عم بتزقزق من خلف ابواب العلية..

شاف الغابة عم بتحلق على جوانح الحرية..“

قالتها (عايدة الأيوبي) وكانت ميرا تتمايل وتعلو وتُحلق كالفراشة الحرة في نشوة.



كان قد مر أربعة أيام على وفاة مريم، دخلت والدته لتوقظه من نعاسه:

- أحمد اصحى.. اصحى خد العلاج حتى!

نظر لها أحمد في عبوسٍ بعد أن هزَّ رأسه بـ لا، نعم هز رأسه!

فقد أحمد القدرة على النطق منذ ذلك اليوم إثر صدمة عصبية.. لا بل

إثر عدة صدمات مروعة، موجعة، قاتلة!

- لازم تفوق يا حبيبي وترجع لحياتك، عارفة إنها صعبة أوي

ومهما حصل محدش هيحس بوجعك، بس ماتقهرش قلب

أمك عليك!

سمعت والدته جرس الباب، ذلك الجرس المزعج عطلها عن استبطان

ما بداخل وليدها الوحيد، اتجهت مسرعة لتفتح الباب وفوجئت بأمل

صديقة مريم الأولى والوحيدة، نظرت لها في شجنٍ وزفرت:

- اتفضلي يا بنتي.
- ازيك يا طنط، وأحمد إيه أخباره؟
- أحمد بيروح مني يا أمل.
- بكت أمل حين تذكرت ذلك المشهد اللعين، ذاك اليوم الدميم.
- الصدمة ما كانتش واحدة يا طنط، كانوا ٣ وأخذهم ورا بعض،  
أحمد وجعه ما حدش ها يحس بيه، كانت وما زالت بالنسبة له  
كل حاجة.

سيطر الصمت بضع دقائق، أكملت الفتاة:

- هستأذن أنا يا طنط واتمنى إنه يبقى بخير في أسرع وقت.
- فيكي الخير يا بنتي، يا رب يبقى كويس.
- هكلمك اتظمن عليه ولو احتاجتوا أي حاجة أنا موجودة، مع  
السلامة.

انصرفت أمل مودعة تلك الأم الشاجنة، تُرى ما الذي يشعر به أحمد بعد أن ذهب من أوجدت معنى لحياته؟ ذهبت من كان يتنفس هواءها..  
ذهبت بلا رجعة.



- مش هاقدر أنزل ورايا شغل كثير جدًا.
- زفر بها فريد عندما طلبت منه ميرا أن يأتي لمصر معها، لكنه كان في  
عناد تام؛ فالأمر ليس مجرد انشغاله بالشركة أو بالصفقات، شيء ما يجعله  
عند سماع اسم مصر تتبدل حالته تمامًا..

- تمام، كان نفسي نروح سوا علشان مبقاش لوحدي مش أكثر  
ونتبسط سوا.

هدأ فريد بعدما أدرك أنه انفعل بشدة ودون داع، ثم قبّل رأسها  
واستطرد:

- عايزك تتبسطي هناك.

بدأت ميرا في تجهيز إجراءات السفر، في كل خطوة لها كانت تشعر  
أن هناك شيئاً ما ينقصها؛ لن تجده إلا عندما تذهب إلى مصر، لذلك البلد  
الذي لم تخط إليه منذ أن أتت إلى هذا العالم.



- بعد إذنك ممكن تشيلي موبايك علشان أقعد؟

قالها رامز صفوان في الطائرة المتجهة لمصر، ستصل أرض مصر  
في غضون سويقات قليلة، تلك الطائرة التي تحمل العديد من الأجناس  
والألوان من البشر.

- آاه طبعاً اتفضل.

تطلعت ميرا جوارها لتلتقي عيناها بعيني رامز! لا لا ليسا بعينين؛  
إنهما مجرات، مجرات لامعة فتنتها، كلمعان السلاسل، كلمعان سيوف  
ميادين القتال، لم تستطع إبعاد نظرها عنه، من هذا؟! من أين أتى؟!  
كما فُتن هو أيضاً بها، فُتن بهدوئها، وجمالها البسيط الأخاذ، ورقة  
صوتها الذي كاد يشبه هديل الحمام، ورائحتها كما القهوة أشد من تأثير  
الكافيين على خلايا المخ، وكأنهما لم يريا بشراً من قبل، وكأنهما يولدان.



- رامز صفوان.
- ميرا فريد الخولي.
- نظر لها رامز وكان في صدمةٍ من هول ما سمع، وقد اعتراه شيءٌ من الإرتباك والاضطراب، فأكمل هو:
- بنت أشهر رجل أعمال مصري في المكسيك؟! اتشرفت بمعرفتك.
- حقيقي وانا كمان.
- تحبي تسمعي وتعرفيني أكثر ولأ هزعجك؟!
- لأ أرجوك تتكلم، مستحيل ها تزعجني.
- نعم!
- ردت وقد بدا عليها شيءٌ من الخجل وارتعش صوتها:
- أقصد... اتفضل مفيش إزعاج ولا حاجة.
- رامز صفوان، ابن مراد صفوان، واحد من المستوردين في مصر ووالدي صاحب واحد من مطاعم إسكندرية، بالتحديد في المعمورة.
- قاطعته في دهشة:
- بجد؟! أنا من المعمورة.
- أكمل ممتناً لما سمع:
- خريج كلية ألسن قسم English، عندي ٣٠ سنة.
- أكمل وهي تتأمله في هدوء:
- ماسك مطعم بابا وحالياً بحضّر الماجيستير وبشتغل على إني أستقل.

- جميل، إنسان ناجح، بتفكرني بـ بابا.  
رد متجاهلاً تلك العبارة:
- طبعاً ها تسألني بعمل إيه في المكسيك وهي مالهاش علاقة  
بحياتي الخاصة ولا بشغلي، في الحقيقة أنا كنت هناك سياحة..  
تغيير جو.. كنت عند صديق ليا هناك.
- متجوز طبعاً.
- لأ، وشايف إنه لسه بدري، لسه مالقتش اللي تخطفني، تخطفني  
من الدنيا كلها وتجبرني بعيونها بس أحارب العالم علشانها.  
قالها وهو يتأمل عينيها في شرود، لكنها قاطعت شروده قائلة:
- زي ما قلت لك، اسمي (ميرا فريد)، بنت فريد الخولي  
الوحيدة، أمي تقدر تقول معرفش عنها حاجة غير اسمها، بابا  
هو كل حاجة في حياتي، أنا ٢١ سنة.  
قاطعها في صدمة:
- هاتقولي لي يا Uncle على كدا!  
ضحكت في انسجام وقد بدا عليها الارتياح.
- إيه دا! ضحكك حلوة جداً!  
قالها بعد أن فتنته ضحكات شفيتها، فكانا يُشبهان عناقيد العنب  
المتدلّية.
- ها يا ستي، كمّلي.
- اتولدت في المكسيك، ودخلت المدرسة هناك والكلية طبعاً،  
أنا في كلية الفنون، أول مرة أنزل مصر، ما شوفتهاش أبداً.

- يااااه، يبقى أبوكي من المعمورة وراجل بيسافر دايمًا وماتشوفيش بلدك ولا مرة!
- بالظبط.
- طب وليكي حد هناك ولا لأ، ونازلة فين؟
- لأ ماليش، ماليش غير واحدة صاحبتني، إحنا أصحاب من ٣ سنين، عرفتھا من Facebook ونازلة في أوتيل أسبوعين مش أكثر.
- طب أطلب منك طلب لو تسمحي؟!
- أكيد.
- أي حاجة ها تحتاجيها كلميني على طول، أنا ابن بلدك بردو، ولا إيه؟
- قالت مبتسمة:
- أيوه طبعا، أوعدك أي حاجة هاعوزها هكلمك على طول.



«حمد الله على السلامة، نورتي مصر» قالها موظف الجوازات في ابتسامة مصطنعة كتلك التي يتسمونها في الحفلات والمناسبات الاجتماعية؛ تلك الابتسامة الساذجة!

ركبت ميرا سيارة الأجرة ذاهبةً إلى المعمورة، لم تشعر بهذا الشعور من قبل، شعور بالرغبة في احتضان ذلك الهواء، يتملكها الإحساس بالانتماء لتلك الأرض.

قد وصلت إلى العروسة، أقصد هنا قد وصلت إلى عروس البحر الأبيض المتوسط، إسكندريتنا العزيزة، رائحتها أشبه بحضن الأم الذي لم تتذوقه ميرا من قبل.

- باقي قد إيه وقت؟

قالتها لسائق الأجرة، فرد في مللٍ وتأفف من زحمة الطريق وطول المسافة:

- بتاع ساعة ونص أو ساعتين كدا يا آنسة، آديكي شايفة الزحمة.

- زحمة كدا على طول؟

- كل يوم وكل ساعة يا آنسة.

- فتحت جهاز ال I pod الخاص بها لتستمع لبعض الأغنيات لمطربتها المفضلة فيروز، لتُذهب عنها ملل الساعة ونصف القادمين وهي تتأمل شوارع عروس البحر المتوسط.

«بُعدك على بالي.. يا قمر الحلوين.. يا زهر بتشرين.. يا ذهبي

الغالي»

أغمضت عينيها لوضع دقائق، ثم فتحتها مسرعةً في فرع، ما هذا الذي رأت؟! إنه رامز وهو يتسم تلك الابتسامة الساحرة، حقًا! حقًا! لم تغب عن بالها منذ أن رأتها، ما الذي فعله بها؟! لقد اجتاحتها!، نعم ذلك هو الاجتياح.



- أنا مش مصدقة نفسي، إنتي متأكدة ولاً بتضحكي عليا؟! قالتها (رهف عبد الحميد) وهي تُحدث ميра هاتفيًا.
- أيوه أنا هنا وبكلمك من أوتيل في المعمورة، وعازيزة أشوفك ونخرج واشوف إسكندرية.
- سكتت للحظات، ثم تابعت في حزن:
- إسكندرية اللي معرفش عنها غير اسمها مش أكثر.
- نازلة في أوتيل! إزاي بس وانا رُحت فين؟! إنتي ها تيجي عندي من بكرة.
- لا لا مش ها ينفع يا رهف، خليني على راحتِي هنا، غير إني كدا كدا معرفش غيرك هنا.
- خلاص على راحتك، تحبي أجيلك دلوقتي أساعدك في حاجة؟
- لا شكراً، هارتاح النهاردة علشان تعبانة من السفر، ومن بكرة الصبح ألاقكي في وشي ها!
- إنت تؤمر يا قمر.
- ضحكت ميра ضحكةً خافتة، ثم أغلقت الهاتف، وذهبت ميرا إلى سريرها لترتاح بضع ساعاتٍ قبل أن يُقبل صباح اليوم التالي، فهنا اليوم يعني لها الكثير والكثير، سترى أقرب أصدقائها إلى حدٍ ما.



## 2

- يعني مش ناوية تتكلمي يا سمر وتقولي روحوا فين وحصل إيه؟!!

- أمل سييني في حالي بقى، أنا مش غلطانة، وعارفة بعمل إيه كويس أوي.

- إنتي بتقولي إيه يا أم ١٧ سنة انتي! عشنا وشوفنا والله، جيل إيه المهيب دا؟!!

- ممكن تسييني أذاكر!

- أنا هسيبك، بس أقسم بالله مش ها ييجي الليل النهاردة إلا وبابا عارف، أنا بحاول أساعدك واخلصك من كل دا وانتي رافضة، يبقى منك لأبوكي بقى.

نظرت لها وتأففت، خرجت أمل من غرفة أختها الصغيرة بعد أن أغلقت الباب خلفها في عنفٍ، كيف لها أن تتحمل وفاة أقرب صديقاتها، وما حدث لـ أحمد إثر صدمته، وزاد على هذا ما تفعله شقيقتها سمر، أخبرتها صديقة سمر أنها رأتها تركب مع شاب سيارةً فارهةً أكثر من مرة

بعد انتهاء يومهم الدراسي، وعندما سألتها أكثر من مرة كانت مرة تنفي ومرة تتهرب إلى أن سئمت ذلك الجدل بدون فائدة، فقررت استخدام أبيها كوسيلة ضغط على سمر لتخبرها من هذا؟! وإلى أين كانا يذهبان؟! وماذا فعلا؟! وما علاقتها به؟ ومتى بدأت؟!!



- بابا عايزة أتكلم معاك في موضوع كدا.
- سمعت سمر تلك الكلمات التي زفرت بها أختها الكبرى فمدق قلبها وارتعشت من فرط الرعب، ثم نادتها في خوف:
- أمل تعالي عايزة آخذ رأيك في حاجة.
- عن إذنك يا بابا هشوف سمر بسرعة واجيلك تاني.
- دخلت الغرفة وأغلقت عليهما الباب بإحكام، ثم قالت:
- عرفتي إن انتي ما بتجيش غير بالتهديد؟!!
- أنا هحكى، بس توعديني الكلام ما يوصلش لبابا!
- أوعدك، اتفضلي.
- شرعت سمر في البكاء، ازدادت انهيارًا وبدأت تحكي في أنينٍ بعد أن زاد قلق أمل وتوترها:
- اسمه رامي، عنده ٢٣ سنه، خلص كلية تجارة، والعربية اللي كُنا قاطعتها في عصبية:
- هو انا بستعلم عنه في الأحوال المدنية؟! خلصي وقولي عرفتيه إمتى وإيه اللي بينكم؟!!

- حاضر، بنحب بعض، عرفته من ٣ شهور أما كنت في خطوبة أخت صاحبتني في الكافيه، اتكلمنا أول أسبوع في التلفون بس. سكتت لثوان؛ فناولتها أمل كوب ماء، ثم أكملت:
- بعد كذا بدأنا نتقابل، كنت بغيب من دروس كتير علشان أشوفه، جالي كذا مرة المدرسة بس كان بيستناني بعيد، ماتوقعتش إن حد يشوفني، واما كنت بركب معاه كنا بنروح نقعد في كافيه شوية، بس.

زفرت سمر كلمة «بس»، ثم نظرت لها أمل بعد أن رفعت وجهها وقالت:

- متأكدة إنه «بس» يا سمر؟
- أيوه بس هايكون في إيه يعني!؟
- قالتها سمر في حنق، فأمسكت أمل بيد أختها وقالت:
- إيدك اللي بترتعش دي مش بتقول كذا ومش قادرة أقتنع.
- من أسبوع ويومين الدروس كلها اتلغت، واليوم كان عندي فاضي، فقررت أكلم رامي علشان مش عايزة أروح البيت، فقلت يمكن نخرج، جالي بالعربية ومشينا لحد ما وقف قدام عمارة، وماكانش في مطاعم ولا كافيهات في الشارع، سألته قال لي انزلي، طلعا ووقفنا قدام شقة، طلعت شقته طبعا ومفيش حد عندهم في الشقة، قلت له لأ أنا همشي قال لي لأ ها نقعد الساعتين بتوع درس الإنجليزي هنا وترؤحي واهو أشوفك واشبع منك، طبعا دخلنا وقعدنا ربع ساعة نتكلم في هدوء لحد ما اطمنت إن خلاص، فجأة بدأ يلمس شعري ويقول لي «شعرك حلو أوي»، وبعدين قرب مني وبدأ..

سكتت سمر دقائق بعد أن كادت تنهار من البكاء، فقاطعتها أختها:

- حصل إيه كمان؟

- لا محصلش، مشيت بسرعة وبس.

حمدت أمل الله في سرها، لكنها لم تتمالك أعصابها فصفعتها على وجهها بعنف، ثم نظرت في الأرض محاولةً أن تتماسك حتى لا يلاحظ والدها ما يحدث بالداخل، خرجت في صمتٍ بعد أن حاولت رسم بعض السعادة الزائفة على شفثيها لكي تبدو طبيعية لأقصى حد، لكن ما كان بعينها وقلبها من همومٍ وأحزان كان أقسى من أن يختفي بسهولة.



- طيب قولي لي عنوان الأوتيل يا ميرا وهاتلاقيني عندك علشان

هاتتوهي لو خرجتي لوحدك.

استجابت لصديقتها ضاحكةً، أخبرتها ميرا بالعنوان وجلست في الريسيشن الخاص بالأوتيل في انتظارها بعد أن وضعت السماعات المتصلة بال I pod في أذنيها لتملأ لحظات الانتظار المملة التي لطالما بغضتها، ومن لا يبغضها!

بدأت (فيروز) أو كما يلقبونها بياسمينة الشام في تغريد إحدى مقطوعاتها الفاتنة:

يا هوا يا هوا ياللي طائر بالهوا..

في منتورة طاقة وصورة..

خدني لعندن يا هوا..

لمست تلك الكلمات أوتار قلب ميرا إلى حد الدموع، نعم فجعلتها تلك الكلمات تدمع دموع اشتياقٍ لبلادها، دموع ألمٍ لفراقها تراب تلك البلد الذي لطالما أحبته رغم البعد..

رأتها قادمة من بعيد.. رأته رهف آتية تبحث عنها في لهفةٍ للقائها لأول مرة، لم تتخيلها ميرا بهذا الجمال، في الواقع هي أجمل بمراحل من الصور التي رأتها ميرا على مدار الـ ٣ سنوات الماضية، نادت على رهف فالتفت لها وأتت مسرعة، ارتسمت على شفيتها البهجة، ثم لم تمض ثوانٍ إلا وكانت ميرا بين ذراعي رهف وقد بدأتا في نوبةٍ نشيجٍ متواصلة؛ حتى كاد نزلاء الأوتيل أن ينتبهوا، ثم هدأتا بعد عناقٍ دام دقائق:

- ياه، أول مرة حد يوحشني كدا، بس انتي أجمل من الصور بكتير.

- على فكرة إنتي اللي أجمل بكتير، إنتي مش شايفة نفسك ولا إيه؟

ابتسمت ميرا وقالت:

- أحبارك إيه؟!!

- أنا الحمد لله كويسة وبقيت كويسة أكثر لما شفتك.

- طب يلا نمشي من هنا، مش متخيلة مشتاقة أشوف إسكندرية قد إيه.

انطلقت الفتاتان في سعادةٍ بالغةٍ لتقضيا أطول وقت ممكن في أحضان الإسكندرية سوياً.



- ها تحبي تاكلي إيه يا ست ميرا؟
- قالتها رهف لصديقتها في إحدى مطاعم المعمورة التي اتسمت بنقوش مملوكية كالتي توجد داخل قبة مسجد «المرسي أبو العباس» المبني على الطراز العربي والأندلسي.
- ها كل على ذوقك، بس حاجة مصري ١٠٠٪ ومفيهاش غربي خالص علشان ملّيت الغربي.
- أتى الجرسون بعد أن نادته رهف، نظر لهما في ابتسامةٍ واسعة وقال:
- أهلاً آنسة رهف نورتي المكان، تؤمري بإيه؟
- ربنا يخليك والله، شوف بقى.. الآنسة ميرا أول مرة تيجي مصر وعازين نظبطها، عازاك تجيب لي ملوخية بالأرانب وكفتة ع الفحم وظبطنا سلطات من اللي قلبك يحبها.
- تؤمري بحاجة تانية؟
- لا شكراً.
- انصرف الجرسون، ثم أكملت رهف:
- هتاكلي هنا اللي هايكيفك وعلى ضمانتي.
- هانشوف.
- شرعا في شرب عصير البرتقال المفضل لدى رهف.
- بس إيه دا؟ إنتي طلعتي مشهورة هنا، إنتي بتيجي هنا على طول؟
- أنا بصحى هنا وبنام هنا وحياتي كلها هنا.
- إممم واضح.
- لم تكمل ميرا جملتها، تطلعت أمامها في دهشةٍ، ما هذا الذي تراه؟!!

- إيه يا بنتي تَنَحِّي كدا ليه؟!  
لم ترد عليها ميرا، فهي لم تسمعها في الحقيقة، شردت سريعًا فيما  
رأت، نظرت رهف خلفها لترى ما الذي خطف ذهن ميرا هكذا.
- رامز تعالي.
- قالتها رهف عندما رأت رامز يقف خلفها فانتبهت ميرا لما سمعت:
- إنتي تعرفيه يا رهف؟  
- استني جاي اهو واسألينه، بس خدي هنا! إنتي تعرفيه منين؟!  
قاطعها رامز:
- يااااه، مرتين في أسبوع واحد أشوف بنت (فريد الخولي)!  
- إزيك يا رامز.  
قالتها ميرا في نشوةٍ مفرطة.
- أنا! كويس جدًا.  
سكت لحظات وأكمل:
- جدًا جدًا يا ميرا.  
- أنا هنا يا شباب على فكرة!  
تفوهت بها رهف في ذهول.
- أخبارك إيه يا رهف وأخبار عمي إيه؟  
- إحنا تمام يا سي رامز بس فهمني كدا، إنت تعرف ميرا ازاي  
ومن إمتي؟  
- أعرفها يا ستي من حوالي كدا يوم وكام ساعة.  
نظرت له في دهشةٍ فأكمل:
- في طيارة أول امبارح، إنتي ناسية يا بت إنني كنت في المكسيك!

- أهاا فهمت.
- رامز يبقى ابن عمي يا ميرا.
- أيوه بالظبط كدا أنا ابن عمها بس بتعاملني كأني جوز أمها!
- ضحكت ميرا وردت:
- أنا مش عارفه إيه الصدمات والصدف الجميلة اللي حصلت لي النهاردة دي! بس كدا أقدر أستنتج إنك مشهورة هنا علشان دا مطعم أبو رامز.
- بالظبط كدا، اسم الله عليكى نبيهه يا بت!
- جلس معهما رامز وأخذوا يتحدثون ويضحكون كما لم يعرفوا الضحك من قبل!
- هاستأذن أنا بقى عشان عندي شغل كثير، وبصراحة مش قادر أسيب القعدة الحلوة دي بس غصب عني.
- تلفظ بها رامز بعد ساعة ونصف من الشرثرة المتواصلة، فردت ميرا متسرة في انفعال:
- طب خليك شوية بس.
- ثم استطردت:
- قصدي.. نكمل كلام يعني.
- فنظر لها وقد ملاً عينيه السرور ورد في رقة:
- أكيد هاشوفك تاني.. أكيد.
- أكملت رهف:
- طيب احنا كمان هانستأذن علشان نلحق نلف في البلد شوية قبل ما الوقت يتأخر.

رد بدون انتباه لوجود ابنة عمه:

- سلام يا ميرا.



- إنتي بتأوئي ليه؟!

قالتها أمل لأختها الصغيرة سمر، ردت سمر:

- هاتقولي لبابا؟

- وهو المفروض أسكت على اللي جنابك عملتيه؟!

- والنبي يا أمل.. والنبي ما تقولي لحد علشان خاطري.

زفرت بها سمر في استعطافٍ وكان قد غلبها البكاء.

- تمام أنا مش هقول لحد.

صمتت لثوانٍ، ثم أكملت:

- بس بشروط؛ أول حاجة: مفيش دروس، أنا هذاكر لك هنا لحد

ما السنة دي تخلص، والمادة اللي ها تصعب عليا هاجيب لك

مدرس فيها هنا، تاني حاجة: الموبايل هاخده مش هاتشوفيه

إلا اما تتعدلي، أما أبوكي وامك أنا هعرف أفهمهم، ما هما مش

ناقصين.

نظرت لها سمر نظرةً ترجوها بخفض العقاب لكنها لا تجرؤ على

الاعتراض، فما فعلته يستحق أن تُعاقب عليه بالقتل وليس الحبس فقط.

- اللي تشوفيه.. حاضر يا أمل حاضر.

- تمام، أما اشوف يا سمر.

اقتربت أمل من أختها، ضمتها إلى صدرها، انفجر شلال من عيون  
سمر ندماً على ما فعلت.

- عارفة يا سمر أنا بحبك قد إيه؟

- أيوه عارفة.

- طب وبتعملي فياً كدا ليه؟! أنا بموت بالبطيء من يوم ما مريم

ماتت، وانتي بتموتيني أسرع، عملتي كدا ليه؟! ليه يا بنتي؟!

- أنا آسفة يا أمل، مكنتش فاهمة وفكرته بيحبني فعلاً، أنا آسفة.

- خلاص يا حبييتي اللي حصل حصل ومش ها نعرف نمحيه ولا

نغيره.. بس نعرف نغير اللي جاي للأحسن.. ولا إيه؟!

- أيوه صح، عندك حق.

- خلاص يبقى نتفق وتوعديني.

- أوعدك.

- أنا هطلع بقى وهاسيبك تذاكري شوية، ولو عايزة أي حاجة أنا

برا.

- ماشي حاضر.

مضت أمل محاولة إخفاء ما بقلبها من ندباتٍ وجروح، مضت لترى

ما الذي ينتظرها، ما الذي يُخبئه لها هذا العالم المُفزع من أوجاع، تلك

ليست أوجاع كأوجاع الجسد؛ بل أوجاع روح.



- مالك يا أمل؟ حالك مش عاجبني يا بنتي، عددي كثير على وفاة

مريم وانتي زي ما انتي كأنها ماتت امبارح!

ما إن سمعت أمل والدها يذكر اسم مريم حتى بدأت في نوبة بكاء متواصلة، مريم لم تكن كأبي شخص بالنسبة لها، فقد كانوا أصدقاء منذ المرحلة الابتدائية؛ صديقة عمرها، وصاحبة ذكرياتها، من كانت تكشف سيئاتها عند مواجهتها بعينيها، خانها الزمن وأخذ منها من كانت حرفياً قطعة من روحها.

- مريم وحشتني أوي يا بابا، أنا ناقصني كثير أوي من يوم ما مشيت.

- أنا عارف هي بالنسبالك إيه، وعارف موجوعه عليها قد إيه، وعارف كمان إن اللي شفتيه من ليلة ما باتت عندك لحد يوم العزا التالت منها ومن خطيبها اللي اتدمر بردو مش هين ولا سهل، بس انتي بنتي، فاهمة يعني إيه بنتي؟! يعني ماقدرش أشوفك كدا واسكت، اسمعي مني بس، الدنيا مش بتقف على حد، شوية والدنيا هتاخدك وها تشتغلي، مش قصدي طبعاً إنك ها تنسي، لا مستحيل ها تنسي، إنتي ها تفتكريها وها تدعي لها بالرحمة، قصدي متعمليش في روحك كدا، حاولي تضحكي وتغيري جو، حاولي علشانني، وعلشان أمك الغلبانة دي، وبعدين خدي هنا يا بت، هو الواد خطيبك دا بيكلمك ولا لأ؟ وعاملين إيه مع بعض؟!!

تذكرت أمل خطيبها، خطيبها الذي لم يُحدِّثها منذ أن ماتت مريم سوى مرتين ليس إلا، خطيبها الذي بدأ الجفاء يتملك منه، خطيبها الذي لا تعرف عنه سوى تلك الدبلة فقط!

- الحمد لله يا بابا كويسين وبيكلمني، ربنا معاه في شغله أكيد وراه هموم كثير، ومسيره يعني يفضى خالص فترة.
- ربنا يهديكي يا بنتي ويسعدك.



- إيه يا سائر مش ناوي تنزل بقى! عايزة أشوفك، سائر المفروض إنت تبقى أول حد جمبي في الظروف دي، المفروض كمان إنني ما قولش الكلام دا.
- تلفظت أمل بتلك الكلمات وهي تُحدِّث خطيبها في الهاتف، قالتها في حنقٍ منتظرة من يخفف عنها، من يكون بجانبها في أصعب أيام حياتها، أجابها:
- أنا مش فاضي يا أمل، وبعدين ما انتي مع أبوكي وأمك أهوه يعني مش محتاجة أكثر من كدا، أنا عندي كذا صفقة الأيام اللي جاية، يخلصوا بس وهتلاقيني عندك.
- إنت متأكد من اللي بتقوله؟! وجودي مع أبويا وأمي معناه إنني مش محتاجة أكثر من كدا!
- بقول لك إيه، اطلعي من دماغي دلوقتي، هاخُلِّص اللي في إيدي وبتكلم في متأكد ومش متأكد.
- بجد! طيب يا سائر بيه، سلام.
- أغلقت أمل الخط مسرعةً في انفعال، ما هذا الكائن الذي لا يستطيع مجرد المحاولة أن يشعر بها؟ بل وما هذا الحب الملعون الذي جعلها



لست أدري ما الذي في العالم أكثر إبداعاً بين مُسمّيات العلاقات أكثر من الصداقه، مهما كثرت فروع شجرة العلاقات في حياة أي شخص سيظل الصديق الحق وحده من بإمكانه القيام بجميع الأدوار، وحده يستطيع امتصاص غضبك، تقبُّلك كما أنت، وكذلك احتضانك وقتما يشوبك الوهن ولا تستطيع مواجهة العالم!



- إزيك يا طنط.  
- الحمد لله يا حبيبتى، حمد الله على سلامتك.  
- الله يسلمك يا طنط.  
قالتها ميرا، وحيّت باقي أفراد المنزل، ثم اتجهتا إلى غرفة رهف مسرعين.

- ها هتغيري هدومك هنا ولا في الحمام؟  
- لأ هغيرها هنا.  
- خلاص هطلع بره، خلّصي ونادي بس.  
انتهت ميرا من تبديل ملابسها، ارتدت عباية بيضاء مليئة بالفراشات البنفسجية.. وتركت شعرها ينسدل على ظهرها في انسيابية مفرطة، لم تضع نقطة واحدة من مساحيق التجميل؛ فهي حقاً ليست في حاجة إلا للنظر إليها مُطوّلاً استمتاعاً بجمالها الأخاذ، كانت كالقمر ليلة تمامه، لن يستطيع (شهر يار) بذاته تمالك نفسه أمام فنتتها!



- اتأخرت عليكم؟! -

قالها رامز عندما وصل منزل عمه.

انتفضت ميلا من مقعدها، فلم يكن هناك غيرها في الصلاة، فقد ذهبت رهف للمرحاض، أما والدتها فكانت تعد الطعام في المطبخ..

- إيه دا! ميلا عامله إيه؟ -

- كويسة الحمد لله.

أكمل رامز وقد بدا عليه الارتباك وتلجلجت حروف كلماته:

- وحشتيني.. أقصد.. بقالي ٤ أيام ما شوفتكيش واحنا ما تعودناش على كدا.

ردت ميلا ضاحكة:

- وآديك شوفتني يا رامز.

- إحم إحم أنا هنا.

قالتها رهف بعد أن شاهدت ذلك المشهد من خلف الستار..



«أنا مش فاهمة بيقرّب منها بالشكل دا ليه؟ رامز ليا أنا، ميلا مش

هتاخده مني، ميلا مش هتاخده مني مهما عملت».

دارت تلك الكلمات بذهن رهف وكادت النيران أن تُعلّق قلبها، ف رهف تعشق رامز منذ صغر سنّها، قامت بالكثير والكثير لتلتفت انتباهه أو تكسب قلبه لكنها لم تستطع؛ ف رامز صعب المنال، بلغ الثلاثين عامًا ولم تستطع أية فتاة حيازة قلبه، كيف لـ ميلا أن تحظى بتلك المشاعر منذ أول لقاء؟! كيف لـ ميلا أن تملك كيانه بهذا الشكل؟! -

بالطبع هو لم يُصرِّح بمشاعره لكن بفضل الحاسة السادسة الخاصة  
بالأنثى استطاعت رهف معرفة ما يدور بقلب رامز.

بعد أن انتهى هذا اليوم عادت ميرا إلى الأوتيل في المساء لترتاح؛  
فربما الغد شاق، ربما سترى رامز مرة أخرى، وربما ستذهب لتُبدل ميعاد  
رحلتها للمكسيك؛ فهي تريد البقاء أكثر، تريد استنشاق هواء بلدها العزيز،  
تريد المكوث مع رهف أكثر، تريد الاستمتاع بعيون رامز أكثر!

استرخت ميرا على سريرها بالأوتيل بعد أن استبدلت ملابسها، قامت  
بتشغيل إحدى أغنياتها المفضلة لمطربتها الفاتنة فيروز.. تلك الأغنية  
التي كانت تستمع إليها في شرفة منزل رهف عندما فاجأها رامز بقدومه  
وأخذ يُدندن معها بعد أن أحضر لها القهوة التي لطالما عشقتها.

في قهوة عالمفرق.. في موقدة وفي نار..

نبقى أنا وحببيي.. نفرشها بالأسرار..

جيت لقيت فيها.. عشان اتنين صغار..

قعدوا على مقاعدنا.. سرقوا منا المشوار..



بدأ عقل ميرا في استرجاع ما دار بينهما من حوار:

- تفتكري أنا ماتجوزتش ليه لحد النهاردة؟!
- إنت قلت قبل كذا علشان ما لقيتش اللي تخطفك..
- وتفتكري هافضل مستني اللي تخطفني كثير؟!
- معرفش، الله أعلم.
- بس تعرفي.. أنا اتخطففت يا ميرا.

- ومين سعيدة الحظ؟
- إممم.. عايزة تعرفي يعني؟
- والله دي حاجة خاصة بيك وانت حر.
- طب اسمعي، هقول لك مواصفاتها.
- سكت لبرهه، ثم أكمل متأماً عينيها:
- عينيها زي نقطتين قهوة في كوباية لبن.. كل ما بقرب منها متر  
بشم ريحة الجنة.. أقرب..
- اقترب منها أكثر واستطرد:
- الله!
- إيه في إيه؟
- ريحة الجنة؛ حلوة بشكل!
- وضع كفها الأيسر بين كفيه واستطرد:
- إيديكي متلجة كدا ليه؟! دا حتى القهوة سخنة والجو جميل!
- ارتجفت ميرا وعقد لسانها عن الحديث، جذبها إلى حضنه في  
اندفاع، همس في أذنها بعد أن تأكد من أنها استسلمت لحضنه:
- خطفتيني يا ميرا.
- أجابت بعد تنهيدةٍ طويلة:
- بحبك!



الحب من أول نظرة أو أول لقاء يجعل الناس يفقدون عقولهم  
ومنطقهم في غضون بضع ثوانٍ، هو إحساس قوي جدًا حتى أنه في بعض  
الأحيان يصعب السيطرة عليه، يمكن أن يحدث في أي وقت ، وفي  
أي مكان؛ في الحافلة؛ في الشارع؛ وفي الطائرة! الإحساس بحرقه حب  
فريدة، زوبعة من العواطف، لقد أصبح كل شيءٍ مختلف، «أنا أبكي، أنا  
أضحك، تحت المطر، في البرد، لا أفكر إلا في شيءٍ واحد.. هو أنت..  
أنا حرفيًا وقعتُ في حبك!

وكانت أغانينا حواس

عينك، يا معبودتي، منفي

نفيت أحلامي وأعيادي

حين التقينا فيهما

محمود درويش



- إزيك يا طنط.. أنا أمل، إيه أخبار أحمد النهاردة؟
- أحمد جاله انهيار عصبي امبارح، وانتقل مستشفى للأمراض  
النفسية، ابني بيروح مني يا بنتي.
- زفرت أم أحمد تلك الكلمات في حنقٍ، ثم أكملت:
- مش بياكل ومش قابل كلام من حد، طول الوقت منهار، وينغلب  
على ما بنهديّه، بيهدى بالعلاج وبس!

- مش عارفة أقول لك إيه يا طنط، بس اللي في أحمد فيًا، يمكن  
أنا ماسكة نفسي شوية، أنا كل فترة هاروح المستشفى اطمن  
عليه، ربنا يرجعه لكم بالسلامة يا رب.. سلام.  
- يا رب يا بنتي.. سلام.

مرارة الفراق المؤلمة، ذاك الجرح الغائر الذي لا تمحى آثاره حتى  
بمرور الوقت، كالحياة بلا ماء، الفراق كالطيران بلا أجنحة، ألم يمزق  
الأحشاء، دموع تنسكب، لقاء فرحيل؛ فوداع يحطم القلوب.



قررت أمل الذهاب لأحمد في المستشفى لتطمئن على حالته، وقبل  
أن تذهب بساعتين هاتفها سائر على غير العادة:

- إزيك يا حبيبي.  
- حبيبي! على كل حال أنا كويسة الحمد لله.  
وبعد السؤال عن أحوال أسرتها وعملها وأحوال مصر بأكملها سكت  
للحظات، وأكمل:

- عندك حاجة النهاردة؟  
- أيوه، نازلة كمان شوية.. رايحة مستشفى المعمورة.  
- خير يا حبيبي فيكي حاجة؟  
- لأ، رايحة أزور أحمد واشوفه بيتحسن ولا لأ.  
زفر بعد أن بدا على صوته الغضب:  
- هو كان من بقية عيلتك يعني علشان تزوريه؟ إنتي بتستعبطي  
أكيد.

- لأيا سائر مش يستعبط، وهو مش من بقية عيلتي، بس مريم قبل موتها قالت لي أسأل عليه على طول، غير إن هو زي أخويا من زمان، إنت ناسي إنه بيحب مريم من زمان وكنا في مدرسة واحدة سوا!

- بس اللي أعرفه إنك واحدة مخطوبة وعلى وش جواز، واللي بتعمله دا ما ينفعش.

- والله! طب هو فين خطيبي دا؟! سأل عليا كام مرة؟ عرف إن أنا تعبانة ونزل من سفره يشوفني؟ طب سأل إيه اللي فيا تاني بعد موت مريم ما عدأ عليه كتير؟! طب بيكلمني أكثر من مرتين في الأسبوع؟ فين خطيبي دا؟

صمتا لبرهة، ثم تابعت حديثها:

- أنا نازلة يا سائر، سلام.

- حسابنا بعدين، خدي بالك من نفسك، سلام.

هذا هو سائر يتحدث متى يروق له، كائن لا يمت للآدمية بـ صلة، يتصنع الغيرة وقتما يحلو له، لا يحب أمل على الإطلاق، ولا يشعر بحبها له برغم ما يفعله بها، يعشق اللعب بمشاعر من هم حوله، لطالما قالتها له أمل لكي يعي ما يفعل «كما تدين قدان»، ولكن عقله الفاسد لا يستطيع تقبل تلك الكلمات، فهو لا يلعب بالفتيات؛ بل يلعب بنفسه لأنه عديم الثقة بذاته.. يشك في أقربهم منه، يستطيع ترك حفر في وجه أي روح صافية، قد يفقد سائر الطرف الآخر الإحساس بوجوده، يتظاهر بالحب والقلق على أمل عندما يسنح له عمله بالفرصة، يكذب ويعلم أنه كاذب.



ظلت أمل تحاور نفسها تائهة ضائعة: «الناس بتتمنى تخلص من الوجد النفسي علشان ترتاح، بس أنا تقريبًا متعتي في الألم دا ووجد القلب، أنا مش هفضل كدا، لازم أدوس على كل اللي بييجي عليا حتى لو بحبه أوي، لازم».

ستظل تقنعهم أنها بخير حتى تجد نفسها مستيقظة في الرابعة فجرًا تُفكر في كل شيء وفي اللا شيء في الوقت ذاته، فبعض الأوجاع لا تُحكى؛ تبقى في الجوف ليس إلا.. فما أروع الصمت في دهرٍ مليء بالثرثرة!



مضى يومان على ميرا وكأنهما أول أيام حياتها بعد ولادتها، كالطفلة التي لا تبحث إلا عن السعادة، لا يشغل ذهنها سوى البسمة التي تُرسم على شفيتها؛ والتي ترسمها في قلب رامز..

- إيه سرحانه في إيه؟

- مفيش، البحر جميل أوي.

صمت لبرهة واستطردت:

- زيك يا رامز.

- أسألك سؤال؟

- أكيد.

- إيه مفهوم السعادة بالنسبة لك؟

- السعادة عندي عامة من فترة كدا بقت تتمثل في كلمة واحدة

بس، رامز!

لف يديه حول خصرها من الخلف، ثم رفعها لأعلى حتى أن قدميها صارتا محلقتان في الهواء، جال بها كثيراً، لم يتركها إلا بعد أن طلبت منه بإلحاح.

- إيه، مبسوطه؟

- أنا عمري ما كنت مبسوطه زي وانا بين إيديك.

نظر لها وقد اتسعت حدقتا عينيه، اقترب منها حد الالتصاق وبدأت عيناه تذرفان دموعهما، انتشرت الدماء على قميص ميرا الأبيض، أمسكت برامز في لهفة:

- إيه اللي حصل يا رامز؟ رامز في إيه؟ مين دول؟ مين اللي عايز

يقتلك ويبعدك عني؟

- م... م... ميرا، أنا بحبك!

كانت تلك آخر كلمات نطقها قبل أن ترحل روحه للقاء ربها، رحل وكأنما تحققت أمنيته الأخيرة، هلك وهو بين ذراعي حبيبته الأولى والوحيدة والأخيرة، لكن ما هذا الغباء؟! يبدو كأنه لم يكن يعلم أنها ستهلك معه.

نظرت له في ثوانيه الأخيرة وأخذت تتأمل ذرات وخلايا وجهه للمرة الأخيرة، مسحت على شعره ووجهه؛ فهي لا تريده أن يرحل وهو يبكي، قبضت على جسده في حضنها الذي أصبح كالسكاكين تقطع بها دون رحمة، نظرت للسماء، لم تذرف عيناها دمعاً واحدة، أخذ قلبها ذلك العهد اللعين؛ لن تبكي، لن تبكي الآن على رامز؛ فلم يحن الوقت بعد!



هذه الروح تشتاق إليك  
هذه الروح لك تشتاق  
ومضيت وكأنما أعجبك الفراق  
وتركت الذي كان بيننا للنار والاحتراق  
هي الروح، هي الروح تشتاق

محمود درويش



بعد مرور يومين على وفاة رامز..

لم يتبدل حال ميرا لا للأسوأ ولا للأفضل، كما هي لا تبكي.. لا تُحدِّث أحداً سوى رهف، أدركت أنها ولدت لتبقى وحيدة، أدركت أنه لن يكون لها من تحيا لأجله، من تترك العالم بمساوئه وما به من فراق وبؤس لتبقى معه، وعندما وجدته رحل هو الآخر، يا لقسوة هذا الكون.

عندما تدق ساعة الرحيل معلنة الفراق، تلك البداية فقط، فهو رحيل يتفنن في شواء المشتاق، يهلك مستودع الذكرى، هدوء.. سكون قاتل.. نظرات شاردة باهتة غابت عنها كل تعابير الكون، تتنفس الصعداء وتزفر بها كل ذاك الوجع، كارثة تدعى الرحيل.. هي أنت!

لم تكن وحدها تتألم؛ كان ألم رهف يُشبه ألم ميرا؛ فقد كان ابن عمها.. حبيبها.. صديق طفولتها الذي لطالما حاولت اجتذاب قلبه ولكن لم يعطه إلا لميرا!

ذهبت رهف إلى ذلك الشاطئ؛ فهي تعرف بوجود ميرا هناك، جلست بجوارها، فقالت ميرا:

- إيه اللي انتي لابساه دا؟ إنتي اتجننتي؟! لابساه إسود ليه؟  
دمعت عينا رهف وأكملت:

- رامز يا ميرا رامز.

- لا البسي ألوان، رامز ما ماتش، رامز اتقتل، رامز اتقتل وانا  
مش ها سيب حقه، مش ها سيب اللي قتله يفلت بعملته، مش  
هانزل دمعة ولا هلبس إسود وانا مرتاحة إلا لما اللي خد مني  
رامز يتعذب قدام عيني ويترجاني أخلصه، دا رامز يا رهف،  
ماتفتكريش إني مش فاهمة إنك بتحبي رامز، اللمعة اللي  
شفتها في عيونك أول مرة قابلناه سوا في المطعم قالت لي، واما  
اتعزمت عندكم كل ما كان يقول لي حاجة واحنا ع السفارة كنتي  
بتردي عليها انتي، طب أقول لك حاجة كمان!

- اسكتي، كفاية، كفاية.

- لا مش كفاية، أكيد طبعا عمرك ما هتتسي في آخر اليوم اما كنا  
في البلكونة ورامز شدني لحضنه إنتي كنتي واقفة بعيد وشايفة،  
كنتي شايفة يا رهف!

وضعت رهف كفها على شفتي ميرا لتجبرها على السكوت وصرخت

في وجهها:

- اسكتي بقى كفاية، إنتي ليه مُصرة توجعيني وجع فوق الوجع؟!!

- أنا عارفه هو بالنسبة لك إيه، وعارفة قد إيه قلبك محروق عليه،  
هقول لك حاجة، أنا مش هرتاح غير اما حقه يرجع، مش هرجع  
اللي راح لكن هرجع حقه، واتمنى من كل قلبي تكوني معايا.

- أنا معاكي، مش هاسيبك، كل اللي هاتقولي عليه ها يتنفذ.

نظرت لها وابتسمت بسمة خافتة قائلة:

- كنت متأكدة.

- نسيت اديكي حاجة مهمة، رامن قبل ما يتقتل بيوم واحد جالي..  
كصاحبة يعني وأقرب حد ليه، وساب لي ٧ جوابات، قال لي  
علشان أنا لو مش موجود أو مسافر أو حصل حاجة وميرا  
مخنوقة أو زعلانة تديها جواب جواب، وكأنه كان حاسس  
باللي ها يحصل، خديهم، ما تفتحهمش مرة واحدة، كل ما  
تتخني أو حاجة تقف قدامك افتحني واحد، دي كانت آخر  
حاجة طلبها مني.

- هاتي بسرعة، هاتي يا رهف.

أعطتها الأظرف وتركتها عائدة إلى المنزل، فتحت الجواب الأول؛  
فاشيتاقها إلى رامن جعلها في أشد لهفتها لرائحته ولكلماته، وجدت مُرفق  
مع أول جواب سلسلة فضة صغيرة جدًا، فتحتها ليجعلها القدر ترى ما  
زاد آلام قلبها ضعف الألم؛ صورة لطفل يبدو أنه في الثالثة أو الرابعة من  
عمره استنتجت أنها حتمًا صورته، قبّلتها برفقٍ ومن ثمّ ارتدتها على الفور،  
وبدأت في قراءة الجواب:

”يوم ما عرفتك حسيت إني عارفك من زمان أوي، مش من زمان؛  
من يوم ما اتولدت، إنتي يا ميرا شمسي وقمري، صوتك بيداوي مليون  
وجع في القلب، تعرفي؟ بحبك أما بتتعصي فتقومي نافخة في الهوا  
فتطير خصلة شعرك اللي بتنزّل على وشك، واما بتفكري في حاجة فـ  
عيونك تبص لفوق وتمسكي صوابك وتطرقعيها لحد ما توجعك، بحب  
حضنك اللي ما يفرقش عن حضن أمي كثير.“

نظرت ميّرا للسماء، ثمّ تقدمت عدة خطوات وأكملت الجواب بعد شهيقٍ طويلٍ:

”أنا عايزك جمبي على طول، عايزك ضهري وسندي، نفسي ما تطلعيش بره اسكندرية غير في إيدي ومعايا، بحبك“.

احتضنت الورقه في حقيبتها وغادرت الشاطئ بعد نظرة عميقة إلى السماء دامت لدقائق.

- أخبارك إيه؟

التفتت ميّرا خلفها لترى من ينادي عليها:

- سائر! إيه اللي جابك هنا؟ آسفة، قصدي جيت من إمتي؟

- تقدري تقولي بعد ما جيتي بأسبوع تقريباً، بس سيبك من كل

دا، واحشاني جداً، طمنيّني إيه أخبارك، ووشك مرهق كدا ليه؟

سكت لثوانٍ، ثم مزح قائلاً:

- جمالك وصحتك مش بيعجوا إلا على بلاد بره.

ثم أكمل ملاطفاً إياها:

- إنتي جميلة في كل وقت يا ميّرا.

- شكراً، هاستأذّنك أطلع أوضتي أرتاح شوية عشان تعبانة جداً.

- خلاص ماشي، بس لازم أشوفك بكرة ونخرج.

- ربنا يسهل، سلام.

ما هذا السائر؟! كما يقولون في مصر «بيرومي دبش»، سائر غير قادرٍ على ربط لسانه أمام الغرباء، لم تكن بحاجةٍ لرؤيته أو لسماع كلماته اللزجة، اتجهت لغرفتها معلنة الاستسلام لسريرتها، لم يرغب رامن عن

بألها لآظة واحءة؁ بءأت مبرا فب ءربء ءلك الكلماء ءب سمعءها عنب  
عوبءها أرض الوطن لأول مرة على سربها فب الفنءق..

بعءك على بالب.. با قمر الءلوبب

با سهر ببشربب.. با ءهبب العالب

بعءك على بالب

با ءلوا با مغرور.. با ءبب ومنبور

على سءءبب العالب

اشءباقها لرامز ءفعها لفتح البواب ءالبب؛ فهبب ءربء أن ءسمع رامز؁  
نعم فهبب ءقرأ كلماءه بصوبه الءب بءربء فب أءنها لبلاً ونهاراً.



### 3

اتصل الطبيب الخاص بأحمد في المستشفى بوالدته ليخبرها بما  
يريده أحمد على الفور:

- أحمد عايز يروح يزور قبر مريم ياخذ معاه ورد من اللي كانت  
بتحبه.

- ابني اتكلم يا دكتور؟ اتكلم وطلب كدا صح؟

- لأ لأ هو لسه رافض الكلام، هو كتب، جنبه ورق وقلم طول  
الوقت وطلب كدا عن طريقهم.

- وحضرتك شايف إننا ننفذ رغبته ولا لأ؟

- والله أنا شايف إنه لازم يروح، بس حد يروح معاه وفي نفس  
الوقت يسيبه لوحده.

قاطعته قائلة:

- يسيبه ويمشي وهو في الحالة دي يا دكتور؟ إزاي!

- أكيد مش ها يمشي، لكن ها يستناه بعيد، وعينه عليه علشان لو  
حصل أي حاجة يكون جنبه.

- خلاص اللي تشوفه يا دكتور.
- أحمد طلب إن أمل اللي تاخده للمقابر.
- حاضر أنا هقول لها حاضر.
- أغلقت والدته المكالمة وقامت على الفور بالاتصال بأمل:
- أمل عايزاكي ضروري.
- خير يا طنط، أحمد حصل له حاجة؟
- لا لا خير، تعالي بس لو فاضية دلوقتي ضروري.
- ربع ساعة واكون عندك.. سلام.



### في اليوم التالي..

- دكتور.. أحمد جاهز؟
- أيوه، تقدري تاخديه بس أرجوكي عينيكي عليه طول الوقت، وأعتقد والدته شرحت لك.
- ما تقلقش يا دكتور هنفذ كل اللي قُلته.
- استقبلت أمل أحمد وأخذته في سيارته التي استعارتها من والدته، أجلسته في المقعد الأمامي بجوارها وانطلقت بالسيارة مسرعةً لمحفل الورد الذي اعتاد أحمد شراء الورد البيضاء والبنفسجية لمريم منه، بدأت أمل تتحدث معه في محاولةٍ أولى بائسة منها أن يستعيد رغبته في الحديث:
- تسمع معايا الأغنية اللي مريم كانت بتحبها؟
- سكتت دقائق معدودة، ثم تابعت:
- تفكر يا أحمد سكوتك دا ها يخليها ترجع من الموت؟

- أمل أنا آسف بجد.
- نظرت له محدةً في اندهاش، أحمد بدأ يتحدث ثانية! وعلام يعتذر؟
- أحمد إنت رجعت تتكلم؟ طب اتكلم وقول كل اللي انت عايزه.
- كادت المفاجأه تجعل أمل تقوم بحادث؛ فتوقفت فجأة وأكملت:
- بتأسف على إيه؟
- على اللي حصل مني يوم المستشفى، على عدم اهتمامي إني أسألك عنها على طول من وراها، آسف على حاجات كتير.
- قاطعته في انفعال:
- إنت بتقول إيه؟ أولاً إنت مالكش أي ذنب في حاجة، ثانياً اللي حصل كان غصب عنك.
- بكي أحمد بحرقه واستكمل:
- أنا حاسس إني السبب، أنا اللي ضيعتها من أيدي.
- لا طبعاً دي أقدار وربنا عايزها في الميعاد دا يبقى محدش يقدر يعترض ولا حد ليه دخل.
- يللا يا أمل علشان ألحق أقعد هناك شوية.
- حاضر.
- ذهبا لإحضار الأزهار، وعندما وصلا إلى المقابر أخبرته أمل بأنها ستقرأ لها الفاتحه وتذهب لانتظاره في السيارة.
- بعدها ذهبت أمل جلس أحمد إلى جوار القبر وبدأ يُرتب الأزهار حوله في شكلٍ بيضاوي، ثم شرع في الحديث معها:
- وحشتيني يا مريم، مشتاق لضحكك أوي، مشتاق لعصيتك أما بعمل حاجة مش على مزاجك، وصريخك واحنا في الملاهي

علشان بتخافي من الساقية.. وحشتني كلمة «حبيبي»، طب  
تعالى قولها وامشي تانى وانا مش هعترض!  
أكمل بعد أن التقط أنفاسه من فرط البكاء:  
- بصي أنا هاغنيلك الأغنية اللي كنتي كل ما تزعلي علشان  
اتأخرت عليكى تقوليها: «حبيبي حن عليا.. حبيبي طل  
عليا.. آاه اسأل عليا.. آاه دا انا منسية»  
تنهد طويلاً واستطرد:  
- عايز أشوفك.



يوم واحد تبقى لميرا على فراق الإسكندرية، لكنها لن تطيل البقاء  
في المكسيك، ترغب في الاطمئنان على والدها ومن ثم تعود لاستكمال  
قضيتها.

قضيتها التي قررت أنها لن تتخلى عنها مهما كانت الظروف، ذهبت  
إلى رهف؛ فهي تُريد قضاء بعض الوقت معها قبل السفر، تريد أن تسمع  
ما اعتادت رهف أن ترويه لها عن رامز منذ أن توفى.. لا.. منذ أن قُتل!  
اتفقا أن يسيرا على ذاك الشاطئ، ذاك الشاطئ المشؤوم، لكن برغم  
ما حدث عليه فقد عشقته ميرا، خطى عليه رامز أثناء سيره معها، غنى  
في أرجاء ذرات هوائه، قضت مع رامز أجمل ساعات حياتها على ذلك  
الشاطئ، فلا مانع من اصطحاب شخص من عائلته على ذلك الشاطئ  
ليتحدثا عنه، ليتذكرا أفعاله سوياً، خاصة إذا كان هذا الشخص هو  
رهف.. ف رهف كانت تعشقه وما زالت مثلما عشقته ميرا، رهف هي  
طفولته البريئة، رهف هي أخته التي لم تنجبها أمه، كالشقيقة ولكنها

ليست كذلك، كالحبيبة ولكنها ليست كذلك.. كان يعلم بعشقها له، لكنه لم يُرد جرحها، لم يُرد زرع الآلام بداخلها.

أوشكت الشمس على الهرب من السماء، فقد بدت السماء كصندوق ألوانٍ حارة فاندمج الأحمر مع البنفسجي والأصفر وترك السحاب مكانه ذاهباً لجزءٍ آخر من السماء لعله يبكي وتنهمر دموعه.

- خلّصتي الجوابات ولا لسه؟

قالتها رهف محاولة إظهار بعض اللا مبالاة.

- تقريباً باقي واحد بس.

- وما قرأت هوش ليه؟

- بليل بقي أو بكرة قبل ما امشي.

- طيب.

- حاسة إنك عاوزة تقولي حاجة وخايفة أو متوترة.

ردت رهف في ارتباك:

- آه في حاجه مهمة، الظابط اللي بيحقق في قضية قتل رامز

كلمني امبارح.

- مش قلت لك ما تسمعيلهمش، مش ها يوصلوا لحاجة، مش

هايجيبوا حقه.

- طب اسمعي اللي قاله وبتكلم!

زفرت ميرا متأففة:

- ها، سمّعيني.

- الطب الشرعي قال إن الطلقة اللي انضرب بيها رامز خرجت من

مسدس ميري.. يعني اللي ضربه مش زيي وزيك.

نظرت لها ميرا مذهولة مما سمعت:

- إزاي؟ رامز له عداء مع حد من الداخلية؟ ولو له؛ ها يقتله  
وبمسدسه!

- للأسف دا اللي ها يجنني، رامز مالوش عداء في أي مكان، كان  
أكثر كائن مسالم في الدنيا، ولو له فمن الغباء إنه يقتله بمسدسه،  
بس تعرفي، الحكاية مالهاش إلا تفسير واحد من وجهة نظري،  
إنها كانت مشاجرة بين الشرطة وأي شخص مدني، فالطلة جت  
فيه بدون قصد.

شردت ميرا متأمة الغروب فنبهتها رهف:

- بتفكري في إيه؟ فكري معايا يمكن أفيدك.  
- الحكاية مش كدا إطلاقاً، في حاجة أنا مش فاهماها، بس  
هاوصلها.

- طب مش عايزة تجيبي حاجة قبل ما تسافري من هنا؟  
- لا لا أنا يدوب أجهز شنطتي وأنام شوية، واعدك مش هاتأخر.  
زفرت تلك الجملة في حنقٍ وودعتها، أطالت البقاء في حضنها،  
وكأنها تحتضن قطعة ملابس اختلط بها بقايا رائحة رامز، تحتضن قلبًا  
لطالما عشقه ولم ولن يتردد في التضحية من أجله.



أعدت ميرا شنطتها، ارتدت ذلك الفستان الأبيض المليء بالأزهار  
الحمراء واستعدت للذهاب للمطار، وصلت مطار «بورج العرب» بعد  
ساعة ونصف؛ بعد أن مرت على موظف الجوازات وقامت بالإجراءات

اللازمة قبل مغادرتها الإسكندرية، جلست على ذلك المقعد الحديدي منتظرة أن يحين موعد ركوبها الطائرة، مرت نصف ساعةٍ أخرى، بدأت ميرا الغرق في بحر من الضجر، فتحت هاتفها الخليوي تتصفح المواقع الإخبارية، سئمت أكثر، قررت وبدون تردد أن تقرأ آخر جوابٍ تركه لها. الجواب السابع:

”ميرا، قبل أي كلام عايز أفكرك بحاجة عارف إنك مش بتنسيها؛ أنا بحبك، بحبك أوي، أكيد سألتني وبتسألني نفسك أنا سببت الجوابات دي لرهف ليه بالذات، لازم أوضح لك حاجة مهمة، في كلمتين أنا قلتهم لرهف واتفقت معاها تقول لك غيرهم، قلت لها لو حصل لي حاجة الجوابات تروح لميرا ضروري، الجواب دا طالما بقى في إيديكي يبقى أنا عند ربنا، أنا عارف إنني هاموت، ومش عايزك يا حبيبتني تعرّضي نفسك لخطر، لو بتحبيني فعلا اقري الكلام دا واعرفي الحقيقة وبس، أرجوكي“.

توقفت عن قراءة الجواب في صدمةٍ مما تقرأ، نظرت حولها ببطءٍ، المسافرون يغادرون صالة الانتظار، رفعت رأسها لأعلى متأملةً اللا شيء، لا تستطيع استيعاب ما تقرأ، أكملت:

”خدي رهف وروحي شقتي وادخلوا أوضتي، ورا البرواز في خزنة، افتحها وانتي هاتعرفي كل حاجة.. بعيداً بقى عن كل دا، هاتوحشيني والله، أنا غرقان في بحرك ومش عايز حد يطلعني، إنتي أول أجمل حاجة في حياتي، لو حصل لي حاجة مش هزعل، مش هزعل غير علشان هابعد عنك.. خطفتيني والله، الكلام خدني ونسيت أقول لك ليه سببت الجوابات دي لرهف، هي أجدع وأجمل إنسانة هاتقابلها، رهف البنت

اللي لو بتحب فمهما عملتي ضدها هاتفضل تحبك وترضيكى وبس، ودا اللي كانت وما زالت وها تفضل بعد ما أموت تعمله معايا، ما تكرهيهاش أبداً، أرجوكي“.

ما الذي يحدث؟ رامز يعلم أنه سيقتل ولم يخبرها، ما هو ذلك السر الذي لم يخبرها به وهو على قيد الحياة؟ تلك هي الأسئلة التي دارت بذهنها، ولم يكن هناك مفر من التشتت والحيرة.

أوشكت أن تصاب بالجنون، تحسست وجنتيها لتجدهما غارقتان في الدموع، تبقي خمس دقائق فقط، لن تعود، لن تذهب إلى المكسيك، ستستكمل رحلتها، ستعلم الحقيقة.

فتحت هاتفها لتتصل برهف:

- رهف قابليني كمان ساعة بالظبط ع الشط.
- اهدي كدا بس وواحدة واحدة وفهميني، إنتي مش طيارتك المفروض تطلع كمان عشر دقائق؟ وصوتك ماله وبتعطي ليه؟
- مش هاسافر، والباقي ها تعرفيه أما أشوفك..



- خدي اقري الجواب دا.
  - مش دا جواب من جوابات رامز ليكي؟ أقرأه أنا ليه؟
  - اقره وبتكلم بعد ما تخلصيه.
- تناولته وبدأت في القراءة، ظلت ميرا تتأمل تقلبات ملامحها، اعترتها هيستيريا البكاء فقط، أكان ذلك الجواب بين يديها ولم تقم بفتحه ومعرفة تلك الكارثة التي تهدد حياة حبيبها الأول والوحيد والأخير! أم منعها أمانتها من اكتشاف تلك الفجيعة!؟

- رهدف إحنا لازم نروح شقة رامز حالاً.
- أنا دلوقتي بس فهمت ليه عمل كدا.
- عمل إيه؟
- يوم ما خدت الجوابات منه، ساب نسخة من مفتاح شقته، حاولت أعرف ليه بس دماغه كانت عنيدة ومقالش حاجة.
- يبقى يللا بسرعة نروح.

ركبتا سيارة أجرة منطلقتين إلى منزل رامز فلم يطيقا صبراً ورغبتهما في معرفة من قتل حبيبهما كانت أقوى كثيراً، وما كان أقوى هو تلك العلاقة التي جمعت بين الفتاتين، فما ذلك الرابط العجيب؟ استطاع الجمع بين قلبين أحبباً نفس الشخص، فمن الطبيعي أن يصبحا عدوتين، ولكن سماحة ميرا ولين قلب رهدف استطاعا تقوية ذلك الرابط، ذلك الرابط هو رامز.

وصلتا إلى منزل رامز ويد كل منهما ترتعش من فرط القلق، بدأ يتصبها عرقاً، نزلا من السيارة مطالبين السائق أن ينتظرهما بعض الوقت. بخطواتٍ بطيئة تقدمت ميرا نحو غرفة المعيشة، تتأمل صور رامز، تلك الضحكات الطفولية البريئة، تركت هذا العالم وذهبت لما هو أرحم وأفضل، تركت حضانها ومضت بلا رجعة، نبهتها رهدف بعد أن شردت في هذا العالم العجيب الموجود بعينه:

- يللا يا ميرا، إنتي نسيتي احنا جينا هنا ليه ولا إيه؟
- لا لا مانسيتش، يللا تعالي.

تحركتا متوجهتين إلى غرفته، نظرتا حولهما في ذهول:

- برواز! دول ٦ أو ٧ براويز، رامز محيرني معاه حتى بعد ما سابني.

قالتها ميرا مبتسمة، التفتت تجاه صوت رهف:

- ميرا ميرا بصي.

- إيه لقيتي حا...

لم تكمل عبارتها فاستولت دموعها على كلماتها، ذلك البرواز الرائع،  
كانت آلامها تزداد كلما علمت كم كان يعشقها، كانت صورتها!

- أنا متأكدة إنه يقصد البرواز دا.

- تفتكري!

- تعالي نشوف كدا.

صعدت رهف على سريرها، ورفعت صورة ميرا من على الحائط.

- الخزنة، هي دي الخزنه.

- افتحيها بسرعة!

فتحت الخزانة مسرعة، وجدت بعض الأوراق داخل ملف، وهاتف  
محمول حاولت فتحه لكن دون جدوى، حاولت فتحه العديد من المرات  
لكنها كانت تفشل في كل مرة.

- طيب هانعمل إيه دلوقتي؟ أنا مش فاهمة حاجة.

- افتحي الملف بصي فيه.

ليتها لم تفتح ذلك الملف، وجدت ما لم تتوقعه يوماً.



- سائر إنت مشيت حتى من غير ما تعرّفني ولا تسلم عليا؟

قالتها أمل وهي تُحدّث سائر بعد أن سئمت من أفعاله، يسافر دون  
أن يخبرها، يلاطفها ويعاملها برفقٍ وقتما يحلو له؛ حتى إنه نادرًا ما يفعل

ذلك، إنه ذلك الحب اللعين الذي يجعلها تصبر وتحمل وتصبر وتحمل فقط، هو الحب الذي يدفع ميرا للانتقام، وكذلك الذي زاد الرابط بين رهف وصديقتها قوة برغم عشقهما لنفس الرجل، لعنة الحب التي دوّمًا تدفع الجميع لأفعال خارجة عن المنطق، أفعال تفوق قدرتنا النفسية على تحمّل نتائجها.

يفعل ما يفعل إلى أن يقتلع جذور قلبها فتدبل وتموت تدريجيًا تلك الزهرة الوفية، أجابها سائر بعد أن تأكدت أن قلبه لن يتوقف عن معاملتها بقسوة:

- إنتي هاتحددي لي أروح وآجي إمتى؟ شغل يا أمل ورايا شغل.
- شغل إيه اللي يخليك امبارح بتتغدى عندنا والنهاردة تكلمني من هناك واتفاجيء، حس بيّا شوية يا سائر!
- حاضر أما افضى إن شاء الله، سلام.
- سيظل يقسو ويقسو كالصبار ويقتلها ببطءٍ دون أن يشعر أنه يقتلها، لا يشعر أنها لا تحتاج أحدًا سواه، قلبها أصبح كالطفل التائه من بين أحضان أبيه، أرادت فقط عناق سائر!



«قالت أمي مرة؛ الذي يحبك هو من رأى فيك ٩٠٩ عيبًا وخصلة جميلة، أحب الخصلة وترك العيوب»

محمود درويش



- يا آنسة أمل أنا بحبها، بحبها جدًّا والله، والفترة اللي بعدت فيها دي مش بإرادتي، واللي حصل والله والله كان غصب عني، أنا آسف، آسف بجد، أنا عندي استعداد آجي أخطبها من بكرة.
- أولًا البنت صغيرة جدًّا على إنها تتخطب، ثانيًا ودا الأهم؛ إنت بتعتذر على إيه؟! إنت لو قدامي مش عارفة كنت هاعمل فيك إيه، إنت تحمد ربنا إني مابلغتش عنك.
- اديني فرصة واحدة بس، أنا بحبها، بحب أختك والله يا آنسة أمل. ساد الصمت لبرهة، ردت على رامي في ضجر:
- اقفل يا رامي دلوقتي، اقفل لو سمحت.

لم تنتظر منه ردًّا وأغلقت هاتفها على الفور، عادت إلى التفكير في أختها وما سيجري معها، اعتدلت أمل في جلستها، ثم بدأت في الحديث مع نفسها، تتحدث مع عقلها، ومع ضميرها:

”أولًا: سمر لسه صغيرة على دوامة خطوبة ومسئولية زي دي، ثانيًا: هو رجح وماختفاش ولا سابها وهرب ولا قال هي اللي حبت أو سابت نفسها، مطلعش ندل من الآخر، رجح وعنده استعداد يصلح اللي عمله ويشيل المسؤولية، بس لأ هو لو عاقل ماكانش ها ياخدها البيت أساسًا، بالتالي ماكانش عايز مصلحتها ولا خاف عليها! بس مغيش حد فينا معصوم من الغلط، كلنا بنغلط وكلنا من حقنا فرصة كمان، زي ما هو غلط سمر غلظت إنها راحت معاه من الأساس“.

يدور برأسها الفكر ونقيضه، صراع بين رغبتها في إعطائه فرصة جديدة، وأيضًا صغر سن سمر الذي أصبح يُعرقل فكرها.



- بتحبيه يا سمر؟

نظرت إلى أمل مرتبكة بائسة لا تدري لماذا تسألها أختها هذا السؤال بعد أن أغلقت الموضوع منذ فترة، دار برأسها العديد من التساؤلات، لكن أجابتها أمل على تلك التساؤلات بعد أن رأتها في عينيها:

- رامي كلمني.

قاطعتها سمر ملهوفة:

- إيه! كلمك ازاى؟ ولأ إمتى؟ وعايذ إيه؟ طب كويس ولا لأ؟

ردت أمل متعجبة:

- كويس ولا لأ؟! هو بعد اللي حصل بتسألني كويس ولا لأ؟

مكفا كيش اللي حصل يعني؟

طأطأت رأسها أرضاً ولم تستطع الرد؛ فأختها على حق؛ ألم يكفها ما فعله؟ ألم يكفها هروبه؟ ألم يكفها حرمانها من أصدقائها ودروسها وهاتفها؟ رفعت رأس سمر ممسكة بذقنها، ثم تأملت عينيها البريئتين جيداً، وقد تسللت إليهما الدموع، ثم أكملت:

- بتحبيه؟

لم تتحكم سمر في أعصابها؛ فانفجر شلال دموع من عينيها الزرقاوين، ارتمت بين ذراعي أختها، أختها التي لطالما أرادت ذلك الحزن، أجابتها سمر:

- بحبه، برغم اللي حصل لكني بحبه وهفضل أحبه..

تركتها أمل بعد أن هدأتها قليلاً دون أن تجيبها ما الذي تنوي أن تفعله، لكن سمر كانت على يقين أنه لن يعود، لن تراه مجدداً.



لم يعد بمقدورها استكمال ذلك اليوم الشاق، حقاً هي لا تقوم بمجهود بدني لكن عقلها يعمل كالآلة على مدار الساعة، عقلها مرهق ويرغب في سرقعة بعض الراحة التي لطالما اشتاقت لها، عذمت على النوم مبكراً لتذهب في الصباح وتحضر الورود؛ لتذهب إلى قبر مريم تشكو لها ما حل بها، فأمل تطمئن وهي تجلس بجوار صديقتها الراحلة.

قررت أنه لا مفر من سرد علاقة سمر ورامي لوالديها، بالطبع ليست القصة كاملة، لكن على الأقل ما يدور بقلبيهما!

جاءت في المساء وقد رتبت كلماتها وجلست جوارهما وهما يشاهدان التلفاز، سمر نائمه والمنزل هادئ، لم تخبر سمر قط بأنها ستحدث أبيها بشأن رامي، كانت سترفض خوفاً من رد فعل أهلها، فهم كتلك العائلات في مجتمعنا الشرقي؛ تربط الحب بالشرف؛ كتلك العقول التي تسلب من بناتها حقهم في الاختيار؛ اعتقاداً منهم أنه تلويث للسمعة والشرف، لا يدركوا أن ما يفعلونه هو الذي يعطي لبناتهم الفرصة الأولى لارتكاب أخطاء لا يعرفون مخاطرها، ستخبرهم فهي لا تستطيع تحمل قرار آخر، قرار مصيري في حياة أختها الصغيرة والوحيدة بعد وفاة مريم. تقدمت في هدوءٍ وأغلقت التلفاز، وبدأت حديثها:

- بابا.. ماما.. بعد إذنكم عايذة أكلمكم في موضوع مهم جداً.

قاطعها والدها في قلق:

- خير يا بنتي، إنتي وسائر زعلانين ولّا حاجة!

طأطأت أمل رأسها أرضاً حزينة على ما يحدث بينها هي وسائر، ولكنها استجمعت قواها ورفعت رأسها وهزتها نفيًا وأكملت:

- لا خالص يا بابا، الموضوع بخصوص سمر، وقبل ما تقاطعني  
اسمعي للآخر أرجوك.

سردت أمل كل ما لديها من أحداث، لكنها لم تذكر ما حدث في  
منزل رامي، وبعد انتهائها نظرت إلى والدها ووالدتها منتظرة ردهما على  
حديثها.

- أولاً أنا احترمت سمر لأنها صارحتك بحاجة زي كدا.  
قالها والد أمل، فقد أقنعت أن سمر هي من روت لها عن حبها، ثم  
استطرد حديثه:

- بس حب إيه اللي تحبه في السن دا، هي اتجننت ولا إيه؟  
- لا يا بابا، الحب عمره ما كان عيب أو حرام، الحب غريزة،  
فطرة خلقها ربنا فينا، ولما ربنا اتكلم عن العلاقات ما حدش  
سن نحب ونختار فيه، دا ارتباط أرواح مش بإيدينا، هو مش  
بردو حضرتك وماما كنتوا جيران وحييتوا بعض من زمان؟ لأ  
دا من يوم ما وعيتوا ع الدنيا، وفي الآخر اتجوزتوا يبقى ليه أما  
بنتك تحب تبقى اتجننت؟

نظر لها والدها نظرة اقتناع بما تقول، فأكملت:

- الحب مش مكروه في ديننا، ربنا سبحانه وتعالى قال: «وهو  
الذي خلقكم من نفس واحدة وجعل منها زوجها ليسكن  
إليها»، أباح الحب ويبقى غلط كبير لو احنا منعناه بمزاجنا  
أو قلنا عيب أو حرام، الصح إننا نسيها تجرب قدامنا، يمكن  
يحصل نصيب ويمكن لا، بس تبقى اتعلمت!

صمت للحظات مُحاوله استجماع كلماتها، ثم أردفت:  
- بابا أنا خلصت كلامي ومش عايزة أعرف أي رد دلوقتي، أكيد  
هعرف الرد من قرارك وتصرفاتك خلال الوقت، فكر كويس  
يا بابا وبلاش تظلمها.

تركت والدها يعيد تفكيره في مصير ابنته الصغيرة، وذهبت لغرفتها  
تستقبل رفيقها الأول والوحيد الذي أصبحت الحياة لا معنى لها بدونه؛  
إنه «النوم» رفيق وعشيق البائسات أمثالها..



أوراق أوراق أوراق، تاهت ميرا بين تلك الأوراق، من شهادة ميلاد  
رامز وشهادة ميلاد أبيه وشهادات استثمار والكثير من الأوراق عديمة  
الفائدة! تأففت مرارًا إلى أن وقعت عينها على اسم مأثور بالنسبة لها،  
ورقة بيضاء لا يوجد بها إلا ذلك الاسم الذي توقفت عنده متسائلة عن  
علاقته المجهولة برامز؛ إنه فريد الخولي والدها.

تبادلت ميرا ورهف كل منهما نظرات تائهة وإجابات ضائعة، يومان  
مرا عليهما في شقة رامز فقد عجزا عن الحركة منذ أن وجدا اسم فريد  
الخولي.

يومان من البحث في جميع أركان المنزل عن أي خيطٍ يمكنهما  
تتبعه لكن دون فائدة.

عادت مع رهف إلى منزلها تفكران فيما سوف تفعلاه في علاقة  
فريد برامز المجهولة، وفي الرقم السري الخاص بالهاتف الذي وجدها  
بالخزنة، فتحت ميرا هاتفها فوجدت عشرات المكالمات التي لم ترد  
عليها منذ دخولها منزل رامز؛ إنه والدها، نعم فهي لم تعد ولم تخطو

خطوة واحدة داخل الطائرة ومع ذلك لم تتصل بوالدها لتخبره عن أسبابها أو تطمئنه عليها، أرسلت له رسالة عبر برنامج «WhatsApp» تخبره أن القليل من المشاكل واجهت صديقتها لذلك لم تتمكن من تركها.

أغلقت ميرا هاتفها تماماً؛ فهي لا تريد من أحد أن يزعجها أو يقوم بتشتيت تفكيرها، ترغب في تفريغ ذهنها فقط لما يحدث ولتلك الألغاز التي تحاوطها من جميع الجهات منذ أن دخلت تلك البلدة.

انتظرت سويغات إلى أن نامت رهف، تأكدت من نعاسها وارتدت فستانها الأزرق وخرجت متسللة على أطراف قدميها كالفئران، أوقفت سيارة أجرة وطلبت من سائقها أخذها إلى إحدى مراكز الهاتف المحمول؛ جالسةً في مقعد السيارة الخلفي وحدها تنظر إلى الشوارع والأضواء الساطعة ليلاً، الناس تذهب وتأتي، ضحكات أطفال، أيادي المتحابين متشابكة، وابتسامات بأكثر من معنى، اشتدت رغبتها في سماع أغنية لتملأ فراغ وحدتها، فتحت هاتفها فوجدت رسالة من أحد الأشخاص على Whatsapp وفتحتها؛ رسالة من والدها وعلى الأرجح كان غير مهتم على الإطلاق بوجود ابنته، كان نص الرسالة: «ماشي طميني أما تقرري تحجزي طيارة»، تجاهلت تلك الرسالة باستهتار، ثم لفت نظرها آخر محادثة لها مع رامز وبدأت في قراءتها من بدايتها، لاحظت إحدى الأغنيات التي كان قد أرسلها لها رامز لتستمع إليها ولكنها لم تحظ بوقت كافٍ، ضغطت على زر التشغيل، لم تمر دقيقة كاملة إلا وقد أخذت في البكاء..

”أطواع في هواك قلبي، وانسى الكل عشانك

وادوق المر في حبي بكاس صدك وهجرانك

ويزداد الجوى بيا بيان الدمع في عينيا

ويكثر في هواك اللوم

وابات ابكي على حالي»

قالتها أم كلثوم بحرقةٍ فارتفع صوت نحيبها كما ارتفع صوت أم كلثوم في ذاك المقطع: «وابات ابكي على حالي»، لم تكن في وعيها الكامل فأيقظها من غفلتها:

- يا آنسة.. يا آنسة!

- أيوة.

- حضرتك كنتي بتغني والظاهر إنك اندمجتي وصوتك علي جداً.

- بجد! أنا آسفة جداً والله بس ما حسنتش.

- ولا يهملك، ع العموم احنا وصلنا أهوه.

نزلت ميرا من السيارة متجهة إلى المركز الخاص بالهواتف المحمولة، قالت لأحد الموظفين:

- أنا كنت عايزة أستفسر عن حاجة.

- اتفضلي.

- أنا مش عارفة Password الموبايل دا، هو موبايل حد من

قرايبي بس توفى، عايزة أفتح الموبايل من غير ما يتمسح من عليه حاجة، ينفع؟

- حضرتك تسيبيهولي هنا وتقدري تاخديه بكرة.

ذهبت ميرا بعد أن تركت الهاتف عائدة إلى المنزل مسرعةً حتى لا تشعر بها رهف، دخلت المنزل فاستقبلتها رهف قائلةً:

- كنتي فين يا ميرا؟

- كنت بتمشى شوية.. عايزة أشم هوا.
- طب وما قلتش أنزل معاكي ليه؟
- لقيتك تعبانة ومرضتش أصحكي.
- طيب غيري هدومك على ما اعمل حاجة نشربها، تشربي إيه؟
- نسكافيه ممكن.

اتجهت رهف إلى المطبخ لتعد النسكافيه بينما ذهبت ميرا لتبديل ملابسها، شعرت ميرا أن لوالدها يد في مقتل رامز؛ لذلك لم ترد أن تكون رهف معها، أحست أيضًا أن هذا الهاتف يحوي إحدى الأدلة أو سر أخفاه رامز عنها ويتعلق ذاك السر بوالدها، رغبت ألا تعرف صديقتها الوحيدة والأقرب أية معلومة تهدد علاقتها بها، نظرت لهاتفها، كان هناك متصل ما، إنه سائر! ليس وقت اتصاله، إنها ليست على استعداد لتسمع كلماته السخيفة التي يلقيها ويلقيها في كل مكالمة دون أن يشعر أنها لا تتقبلها على الإطلاق، قررت الرد عليه فورًا؛ فإن لم ترد سوف يهاتفها مرارًا ويشتت تفكيرها.

- إزيك يا حبيتي؟
- حبيبتك؟
- قصدي أخبارك إيه يا ميرا؟
- كويسة.
- بجد كويسة؟
- آه الحمد لله.
- ماجيتيش ليه؟ أنا على حد معلوماتي إنك كنتي جاية من يومين.
- إيه دا، إنت عارف أهوه!

- هو في حاجة تستخبي عليا؟ المهم ماجيتيش ليه؟
- إيه دا! إنت مش هنا في مصر؟! سافرت إمتي؟
- بتردي على السؤال بسؤال بس ماشي، أنا هنا من فترة وكنتي مشغولة ومش عارف ألاقكي ف طبعًا معرفتش أقول لك.
- أنا هاجي قريب، مش هطول هنا، قدامي كذا حاجة هخلصها وعايضة أشبع من صاحبتني وآجي بإذن الله.
- طيب هاستناكي.
- سكتت ثوانٍ، ثم أكملت:
- هقفل دلوقت ونتكلم بعدين.
- أغلقت ميرا المكالمة مستغيثة بالمولى: « يا الله»، والتقطت شهيقًا ثم زفرته وجلست على الأريكة مسترخية..



- Good night، Baby..

قالتها روز إلى سائر، مسحت على وجهه بأطراف أصابعها في رفقٍ، ثم جذبت الملاءة على جسدها العاري بجواره وأغمضت عينيها مبتسمة.. روز صديقة ميرا إلى حدٍ ما في المكسيك، كان قد تعرف سائر على ميرا من خلال حفلتها، لكن روز تختلف جذريًا عن ميرا شكلاً وطباعاً وأخلاقاً، لم تستطع ميرا التأثير فيها بأية صفة وبأي شكلٍ من الأشكال. جلس سائر ساندًا ظهره على ظهر سريره، ثم أضاء ذاك الضوء الخافت جوار سريره وأخرج سيجارهُ الأسود الداكن من نوع captain black، زفر النفس الأول، الثاني، والثالث.. أزال الملاءة عنه بعد أن تأكد أن روز

غرقت في أحلامها؛ فهو لا يحب القيود؛ لا القيود الفكرية ولا الدينية ولا الأخلاقية ولا أيضًا قطعة القماش الموضوعة على نصف جسده السفلي! كل يوم تنتهي إحدى صفقاته فيذهب لنادي ليلي من نواديه المفضلة حيث يشرب الويسكي إلى أن تذوب مفاصله؛ فتلتقطه إحدى الفتيات العاريات وتقود سيارته الفارهة من نوع «Ferrari» إلى منزله لقضاء ليلة ممتعة كما يظنها سائر، كل يوم سهرة أخرى وفتاة أخرى وذنوب أكبر، كل يوم يفعل ما يهوى ولا يدري كيف أو لماذا؟ لكن تلك الليلة لم تكن كسابقته، كانت معه تلك التي يرغب فتيان المكسيك بأسرهم معاشرتها؛ روز ذات الشعر الكستنائي، جسدها ذاك الشراب البارد الذي يسلبهم أذهانهم، لعينيها لغة خاصة تملك كيان الرجل، روحه، جسده، وعقله!

اعتاد أن يكون بجوار فتاة في سريره وعقله مع أخرى، جسده كان ملوثًا، ولكن قلبه كان كالفتاة العذراء! يعشق ولا يمنعه عن البوح بعشقه سوى شيئين ليس لهما ثالث؛ الأول: أفعاله البذيئة التي أصبح لا يستطيع العيش بدونها؛ فهي كالبلازما في دمه، والثاني: هو خطيئته؛ يعلم أنها تعشقه وتسعى لإسعاده لكنه منذ أن رأى ميرا فقد القدرة على إسعاد أمل أو على الأقل معاملتها برفق، يعلم أنه ظلمها ويظلمها معه دومًا، لكنه لا يعشق سوى الامتلاك، يمتلك المال والكيان والفتيات، يحصل على ما يريد ممن يريد وقتما يرغب، وعند شعوره بالوهن والتراجع للحظات يرتمي بين أحضان كلمات من تمده بالقوة.. أمل!

نهض من الفراش وارتدى بنطاله وقميصه وأخذ مفاتيح سيارته الثمينة وانطلق فجرًا بحثًا عن فضاء يتحمل قاذورات روحه، الناس نيام ولا يملأ الطرق سوى القطط الصغيرة، والسحب تشوب السماء، سحب كثيفة تنذر بقدوم المطر بعد دقائق قليلة.

توقف سائر على إحدى الكباري القريبة من خليج المكسيك ونظر في السماء شاردًا في شجونه السائرة، أخرج زجاجة النبيذ التي لا تتعدى الربع لتر وبدأ في الشرب.



- تعالي يا سمر عايزك في حاجة مهمة.

قالها والد سمر وهو ينظر لها نظرة حادة، قالها بحزم وانصرف إلى غرفته في خطوات سريعة، خرجت خلفه ونظرت حولها فلم تجد أمل أو حتى والدتها، اعتقدت أنهم مجتمعين في غرفة أبيها؛ فتقدمت بهدوء لتلك الغرفة لترى ما ينتظرها هناك، جالت عينيها بالغرفة تفحصها جيدًا لكن لا يوجد سوى أبيها، شعرت بالتوتر واعتراها الخوف؛ فقررت أن تسأله عن أختها وأمها لعلها تهدأ من هذا القلق قليلًا:

- أمل وماما فين يا بابا؟

- عند خالتك وشوية وجايين.

زاد قلقها، فما الذي يريده أبيها يستدعي عدم وجودهما، فاستطردت:

- خير يا بابا؟ شكلك عايزني في حاجة مهمة.

- بتحبي رامي؟

نظرت لوالدها نظرة صادمة وحاولت النطق ولكنها تهتت للحظات، فأكمل أبيها بعد أن أمسك بذراعها في رفق:

- ماتخافيش أنا أبوكي، عمري ماهاذيكي، قولي وماتخافيش.

شعرت أن والدها سيحتوي ما بداخلها وسيتفهمها، لكنها ما زالت متوترة، فوالدها جعل أمها وأختها تذهبان من المنزل وهذا غير مبشر

بالخير، لكنها استجمعت قواها وقررت أن تصارح والدها، فمهما حدث سيظل والدها..

- آه بحبه.

نظر لها والدها نظرة جادة فدب الرعب في خلايا جسدها، ثم تراخى بعد أنفاس متصارعة وغضب ملامحه واستكمل:

- أختك حكمت لي كل حاجة، كان ها يبقى أفضل لو حكيتي

إنتي لماما، بس جدعة إنك اتعاملتي مع أختك زي صاحبك

وماقولتيش لحد غيرها، أول حاجة أنا لا هاعترض ولا هازعق

ولا هعمل أي حاجة إنتي متوقعاها، بس دلوقتي يا بنتي إنتي في

فترة دراسة، يعني أكبر نسبة من تركيزك لازم تبقى في مذاكرتك،

أنا سألت عليه وطلع شخص محترم وابن ناس محترمين، ودا

طبعا كان أول مقياس أو بمعنى أصح الشرط الأهم، تاني حاجة؛

أختك قالت لي إنه عنده استعداد يخطبك، وطبعاً دا ها يبقى

أفضل؛ لأن زي ما انتي عارفة في مجتمعنا البنت لو علاقتها

بولد ارتباط من غير خطوبة أو حاجة رسمي؛ كل واحد بيطلع

كلمة على مزاجه والبنت مالهاش إلا سمعتها، فأنا قررت أتكلم

معاها واشوف ناوي على إيه، ولو زي ما أختك بتقول خايف

عليكي وعازي يطلبك مني يبقى مفيش مشكلة..

اندفعت سمر لحضن أبيها باكية، وقالت:

- إنت أحسن أب في الدنيا.

رد والدها بحزم:

- بس زي ما هعمل لك اللي ها يبسطك وفي نفس الوقت يحافظ

عليكي؛ تديني حقي وما تقصريش، مذاكرتك ثم مذاكرتك

ثم مذاكرتك، لو أي حاجة من اللي قلتها أثرت على مذاكرتك بنسبة ١٪ هبوظ كل حاجة ومن غير ما أخذ رأيك، وأظن أنا كذا عادل، إديتك حَقك وهاخذ حقي.

- معاك حق، أوعدك مش هقصر في حاجة.

ابتسم لها والدها في نظرة رضا، ثم جذبها وقبّل جبينها وأكمل:

- يللا روحي أوضتك كملّي اللي كنتي بتعمليه.

نهضت لكي تنصرف فنادها والدها قبل أن تصل إلى الباب:

- تعالي، نسيت أقول لك حاجة.

- نعم يا بابا؟

- أنا بحبك ومهما حصل هافضل أحبك علشان إنتي بنتي، واللي

يزعلك هايزعل مني وها يشوف وش وحش جداً؛ حتى هو لو

عمل حاجة زعلتك أو شفت دمعة على خدك بسببه ماتلومنيش

على اللي هاعمله!

- اللي تشوفه يا بابا.

دخلت سمر غرفتها وعقلها وقلبها في قمة نشوتها من فرط السعادة،

ارتمت على سريرها وتأمّلت سقف غرفتها، كان يحتوي على دميّتين؛

الدميّتين الخاصتان بأختها وبعض النجوم اللامعة، نظرت لهم وكأنها

تحلق بالسماء ليلاً، لم تمضِ سوى بضع دقائق من النشوة، ثم ذهبّت في

سُبَاتٍ ساحق.



- أحمد إنت لازم تكون موجود في قراية فاتحة سمر، إنت عارف مريم كانت بتحبها ازاى، وأكيد ها تفرح أما تعرف إنك جيت، روحها ها تبقى معاك ومعانا.

قالتها أمل في إحدى زياراتها له في المستشفى، نظر لها بدون رد، ثم أدار وجهه تجاه العصافير الواقفة على أغصان الأشجار في حديقة المستشفى، فاستطردت بعد عدم رده عليها:

- ها تيجي؟

- هاجي يا أمل.

- تنورني، هستناك.

انصرفت أمل تاركة أحمد، ثم ذهبت للطبيب لتسأله عن حالته التي يبدو أنها لم تتحسن بعد، أخذت شهيقاً، ثم سألت الطبيب:

- أحمد حالته عاملة إيه يا دكتور، وقدامه قد إيه ويرجع كويس زي الأول؟

- بصي يا آنسة أمل، هو زي ما انتي عارفه عنده trauma؛ بمعنى أصح عنده صدمة نفسية، اللي مريبه مش حاجة سهلة، التوتر بقى صديق ليه، وكمان بقى عنده مشاعر عجز ورعب وعصبية زائدة مش عادية، نفسياً بقى بيحاول يهرب بعقله عن حاجات كتير أولهم حادثة مريم أو الموقف كله يعني، أحياناً ما بيعرفش يسيطر على سلوكه وبيتشنج وطبعاً بنضطر نديه مُهدئ، وكل الحاجات دي علشان تختفي تدريجياً هتاخذ وقت كبير، طبعاً مش عايزين نلجأ للعلاج الدوائي والمهدئات والحقن باستمرار اللي موالها ما بيخلصش، لكن في طرق كتير للعلاج وكله بقى

على حسب مدى استجابته، واحنا طبعًا هانعمل اللي علينا، هو الحمد لله إلى حد ما يرجع يتكلم ولو قليل بس في استجابته، وإن شاء الله ها يرجع أحسن من الأول.

نهضت مستعدة للرحيل ومدت يدها لتصافح الطبيب قائلة:

- شكرًا يا دكتور، هاستأذنك.

- دا واجبنا، انفضلي.

غادرت المستشفى يائسةً مما قاله لها الطبيب، قررت الذهاب لإحدى الشواطئ لتلتقط بعض الهواء النقي بعيدًا عن زحمة المدينة وبؤسها التي لطالما تساءلت عن سر غمِّه للمدينه، ركبت تاكسي وأخبرته باسم الشاطئ؛ الشاطئ الذي لا تجد السكون والراحة إلا فيه، الشاطئ الذي كانت ترتاده هي ومريم دائمًا عندما يشعران بالضغط، الشاطئ الذي ذهبت إليه سمر مع رامي في إحدى المرات، لا أدري أذهبت إليه أمل لتهرب من تلك القصص؟ أم لتستعيد ذروتها في ذهنها؟ أم لتستحضر روح مريم التي عشقت ذلك الشاطئ ووقعت في غرام مياهه قبل أن تقع في غرام أحمد؟ وصلت وبدأت تخطو على رماله الصفراء، أمعنت نظرها في أبعد نقطة رأتها عيناها في البحر، تساقطت قطرات دمعاتها على وجنتيها، فمنذ مدة لم تبك قط! ازدادت شدة قطرات دموعها إلى أن أصبحت شلالاً متدفقًا على خديها، هبطت بركبتيها على الرمال أمام الشاطئ، ونظرت إلى السماء وزفرت في حُرقة:

- يا رب اديني الصبر يا رب، أنا تعبت أوي أوي، ياا رب.

سكتت قليلًا وأطرقت رأسها أرضًا، ثم أكملت عاجزة:

- مريم.. وحشتيني أوي يا مريم، محتاجالك أوي، تعالي  
ماتسيينيش لوحدي، طب عايزة آجي عندك، عايزاكي يا مريم.  
قالت تلك الكلمات يائسة، فلا رجعة لمن مات، أملها الأول والأخير  
أن يأخذها الله عنده لترى صديقتها، بل لتستريح مما تواجهه، لتلقي  
بهمومها بعض الوقت في البحر لعلها تهدأ!  
يد ناعمة تمتد على كتفيها في رفق لتهدئ من بكائها، انتفضت أمل  
قائلة:

- مريم؟

نظرت خلفها لترى لمن تلك اليد الناعمة، ابتسمت ابتسامة واسعة من  
شدة مفاجأة من رأت، قالت متلهفة:

- رهف! وحشتيني، عرفتني ازاى إني هنا، وبتعملي إيه هنا؟

- أنا جيت هنا صدفة يعني، أنا باجي هنا كتير أنا وصاحبتي، بس  
مقابلتي ليكي النهاردة هي اللي أجمل صدفة، قومي قومي هاتي  
حضن.

قامت مسرعةً وارتمت بين أحضان صديقة طفولتها باكيةً، نعم فهما  
أبناء نفس الحي، كانا أكثر من مجرد صديقتين لكن ظروف عمل والديهما  
اضطرتهما للانتقال لأحياء أخرى، فابتعدتا عن بعضهما قليلاً، كانا  
يتواصلان إلى أن انقطع التواصل بينهما وانشغلت كل منهما في دوامتها،  
طال حضنهما دقائق قاربت الربع ساعة؛ فاشتاقيهما لبعض غلب على  
مشاعرهما الأخرى تجاه ما يمرُّ به، جلسا على إحدى المقاعد بالشاطئ  
البعيدة عن المياه وبدأتا في الحديث:

- أخبارك إيه يا أمل احكي لي، ومريم بتشوف فيها ولا لأ؟ وحشتني  
أوي هي كمان واشتقت لقعدتكم جدًّا، وسمر إيه أخبارها؟  
نظرت أمل لعيني رهف، تمالكت أعصابها، ثم شرعت في الحديث:
- سمر بخير، بقت في تانية ثانوي، ادعي لها بقى.  
- بسم الله ما شاء الله، كبرت وبقت عروسة.  
سكتا للحظات متأملين البحر، ثم أكملت:
- سألتك عن مريم، اوعي تكوني ما تعرفيش عنها حاجة؟  
- مريم!  
- آه مريم، مالك ارتبكتي كدا ليه، مالها مريم؟  
- مريم ماتت يا رهف.  
وقعت عليها تلك الكلمات كالصاعقة، تحررت إحدى دمعاتها، ثم  
ردت:
- إزاي يا أمل، ماتت ازاي؟  
- ماتت قريب أوي بالكانسر، لا لأ.. الكانسر ما مؤتھاش، هي  
مصبرتش، ماتت بالمهدئات.. ماتت يا رهف وسابتنى.  
أمسكت رهف بكف أمل وردت حانقة:
- كل اللي عشقناهم سابونا ومشيو، ربنا يعجل بموتنا بقى علشان  
نروح لهم بسرعة.. كفاية، حياتنا من غيرهم وحشة ومالھاش  
طعم.  
- قصدك إيه بكل اللي عشقناهم سابونا؟  
تنهدت رهف وأجابتها:

- حبيب عمري، اللي قررت إني مش هاكون لغيره حتى لو  
ما كنتش لحد، اللي من يوم ما وعيت ع الدنيا وعنيا فتحت وانا  
ما شفتش غيره وماليش غيره.. سابني يا أمل ومشي.

- رامز؟!!

- اتقتل.

ساد الصمت بعد أن سمعا تلك الأخبار من بعضهما التي أصبحت  
كقذائف المولوتوف المتتابعة، الموت.. الفراق.. وما أقسى الفراق!



# 4

- شكرًا جدًا، أستاذن.

قالتها ميرا لموظف مركز الهواتف بعد أن أخذت الهاتف وكان قد تم فتحه بنجاح بدون أن يحذف من عليه ملف واحد، انصرفت مسرعةً؛ فهي من أقنعت رَهف بالذهاب إلى الشاطئ بعض الوقت لتكون وحدها وهي تُحضر الهاتف، ركبت سيارة الأجرة، وقالت للسائق:

- خدني لأي حته وهديك اللي انت عاوزه، بس لف كتير.

- حاضر يا آنسة.

وضعت سماعات الهاتف ذات الأسلاك، ثم بدأت في فحص الهاتف، فتحت الجزء الخاص بمقاطع الفيديو فوجدت مقطعين، تأكدت أن هذا هو ما يرغب رامز أن تعرفه، علمت أن لتلك المقاطع علاقة بما حدث لحبيبتها، بدأت يداها ترتعش واقتربت بسبابتها تجاه المقطع الأول.

- حفرنا كتير يا باشا في البيت دا ومفيش حاجة، شكل الراجل

دا طلع نصاب، تعاويد وسبح وحاجات غريبة وفي الآخر

مانلاقيش حاجة، أنا هاجيبه.

- خليك كدا تفكر في الحاجة اللي مش ها توصلنا لنتيجة وتسبب المهم، اسمعني كويس وركز في اللي هقوله وما تهورش وتعمل غيره، البيت دا يتباع في أسرع وقت، وتدور في نفس الوقت على الأرض اللي فيها حت كثير وتبدأ تحفر بسرعة، لو مأنجزتش إحنا اللي ها نتضر هنا، فاهم يعني إيه ها نتضر هنا؟ بلاش أقول لك بس مفيش غير حل من اتنين؛ يا فلوس ونعيم ما تتخلوش إنت وأهلك، يا مش ها يطلع عليك نهار يا سائر!

- أوامرك يا باشا، ها تسمع أخبار حلوة قريب يا فريد بيه.  
«فريد بيه»! إنه اسم وصوت والدها، إنها عيناه ويدها وشعره، إنه والدها بكل ما فيه من تفاصيل، ومن هذا الذي نطق أبيها باسمه؛ سائر..  
سائر النقراشي!

أوقفت الفيديو للحظات مذهولة، أسائر ووالدها يتاجران ويبحثان عن الآثار؟ أيرتكبان تلك الجرائم بحق؟ إذا سائر يعمل تحت يد أبيها، وأبيها يعمل تحت يد أحدهم، وقد يكون كبيرهم، أيقوم أبيها بتبديد ثروة البلد الحضارية من أجل أهدافه المادية؟ أوصل حال أبيها إلى تلك الدرجة من الخيانة والدناءة؟ وبرغم ما فعل سمح لسائر بالتقرب منها؟ سمح لذلك الخائن بالتقرب من ابنته الوحيدة؟ ما ذلك المبرر الذي سمح له بفعل هذا؟ استفاقت ميرا من شرودها وتساؤلاتها وقامت بفتح المقطع مرة أخرى لتستكمل ما كانت تسمعه من صدماتٍ وأوجاع:

«آسفة يا بابا ما كنتش أعرف إن عندك حد»، تذكرت ميرا ذاك اليوم، فكان سائر يتحدث مع أبيها وتوقفا عن الحديث فجأة عندما دخلت المكتب، الثامن والعشرون من مارس، ذلك اليوم الذي عرفها أبوها عليه،

أغلقت ميرا ذلك المقطع؛ فهي لا تريد سماع شيئاً آخر، كما أنها تعرف تماماً ما دار من حديث بعد أن دخلت المكتب.

هذا الإحساس الغريب من التوهان، ثمة مشاعر متداخلة تملكت منك، كشعور المريض المحموم الذي يهذي أو كالمستفيق من بنج العمليات، تصبح كالغاطس تحت سطح الماء؛ يرى الناس تتحرك وتتحدث ولكنه لا يسمع سوى همهمات غير مفهومة، كأنك تنظر للناس من خلال كاميرا؛ تراهم ولا يرونك، تشعر بهم ولا يشعرون بك، بل هم أصلاً لا يعبئون لوجودك، لو تكلمت أو صرخت فلن يلتفت إليك أحد!

- يا آنسة، بقالنا ساعة بنلف ومش عارف أنزلك فين لحد دلوقتي. قالها سائق التاكسي لـ ميرا، لكن شرودها وصراع عقلها حجب الأصوات عن أذنيها، ناداها مرةً أخرى لعلها تلتفت إليه وتجبب أسئلته:

- يا آنسة ردي، أنزلك فين؟ يا آنسة!

- أنا آسفة جداً ماخدتش بالي، حضرتك كنت بتقول إيه؟

- بقول لك بقالنا ساعة بنلف ومش عارف ها تنزلي فين؟

أخبرته ميرا على الفور بعنوان الشاطئ غير متذكرة أنها أرسلت رهف هناك لترخي أعصابها؛ فتلقائياً هذا المكان الذي يخطر على عقلها لتفكر وتهدأ، ولكن تلك المرة كانت غير سابقتها من المرات، ازدادت التراكمات وازدادت الألغاز وحيرة ميرا، ازدادت أوجاعها إلى حد أنها لم تصبح أوجاع روح فقط؛ أصبحت أوجاع روح وجسد!



- تعالي عندي البيت شوية نتكلم عشان الجو بدأ يبرد.  
 قالتها رهف وكان قد سرقهما الوقت، أربع ساعات متواصلة إلى  
 أن حل الغروب وفرد أجنحته على سحب سماء الإسكندرية، يتحدثان  
 وكأنهما يسكبان النفط في المياه العذبة، وأرواحهما تتدمر ببطء.
- لا لا يا رهف، أنا يدوب أروح البيت أدي لماما علاج الضغط  
 علشان ها تنسى، بس تعالي نتمشى شوية لحد ما اركب واهو  
 نتكلم شوية.
- خلاص ماشي يلا، ألف سلامة على مامتك يا أمل.
- الله يسلمك يا حبيبي.
- هبًا للسير سويًا بعد أن خيم الحزن على ملامحهما أضعاف السابق،  
 تشابكت أصابعهما وأخذتا يتحدثان ثانيةً بعد أن ساد الصمت لدقائق:
- سمرها تتخطب قريب.
- بتقولي إيه؟! البنت صغيرة لسه تتخطب ازاي؟ ولأ دا غصب؟
- اهدي اهدي وافهمي الأول، هو بيحبها جدًّا وهي كمان بتحبه  
 أوي.
- قاطعتها رهف معارضة:
- يا بنتي دي مراهقة، يعني مش حب، دا إعجاب، بس علشان  
 في سنها قلبها مفتوح ومفيس قيود، تقوموا تخطبوها!
- أجابت أمل في اندفاع:
- طب ما انتي من يوم ما وعيتي ع الدنيا بتحبي رامز، حذرناكي  
 كثير إنه مراهقة وهو مش ها يحبك، بس انتي فضلتني تحبيه

برغم كلامنا ولحد النهاردة أهوه! يبقى مش كل حب في السن  
دا مراهقة يا رهف ولا أنا غلطانة؟  
امتلات عينا رهف بالدموع بعد ما قالته أمل وكأنها تهاجم خصمها،  
تذكرت عشق رامز لميرا، تذكرت فراق رامز لها، فارقها رامز بدون سابق  
إنذار، حتى بدون أن يودعها.  
شعرت أمل أنها ارتكبت خطأ فادحًا بان دفاعها الغير محسوب هذا؛  
فاستطردت بعد ثوان معدودة:

- أنا آسفة يا رهف مش قصدي، والله مش قصدي.
- ما يهمكيش، عادي كملي محصلش حاجة يعني ما هي دي الحقيقية.
- أنا قصدي إن الحب مالوش سن، وانا شفت الحب في عيون سمر، حاولت أبعداها عنه بس اتأكدت إنها بتحبه، وهو كمان كلمني وأصر يخطبها علشان خايف عليها من أي كلمة تتقال عليها بره؛ فأقنعت بابا وهو ما مانعش طالما كله قدامهم، وحط لها شروط علشان الموضوع يكمل.
- وافرضي بعد الشر سابها أو هي حبت حد غيره؟
- تبقى اتعلمت، وكل خطوة بتحصل لحد مننا بياخد بيها خبرة، فهي بتتعلم، ولو ربنا كرمها والموضوع كمل على خير؛ يبقى اختيارها كان صح، خصوصًا إن الولد شاريتها.
- على كل حال ربنا يتمم لها على خير ويطلع نصيبها أحسن من نصيبي ونصيبك.

سكتت لحظات شاردة، ثم استطردت:

- ونصيب مريم الله يرحمها في الدنيا.

- يا رب يا رهف يا رب.

أوقفت أمل سيارة أجرة مشيرة له إلى عنوان منزلها، وودعت رهف بحضنٍ طويلٍ إلى حدٍ ما، ثم ركبت التاكسي ومضت إلى منزلها، أوقفت رهف تاكسيًا آخرًا وذهبت للمنزل اعتقادًا منها أنها تأخرت على ميرا. في نفس اللحظة وصلت ميرا إلى الشاطئ، وقبل أن تخطو داخله رأت من بعيد رهف وهي توقف السيارة، فهمت أن رهف عائدة للمنزل بعد أن تذكرت أنها أرسلتها للشاطئ حتى لا تأتي معها، اختبأت ميرا خلف إحدى أعمدة الكهرباء إلى أن ذهبت رهف.



- مش عارف أشكرك ازاي يا سائر، إنت تستاهل تبقى راجل من رجالتني.

قالها فريد في مكتبه بمنزله في المكسيك، أجابه سائر:

- العفو يا باشا، أنا نزلت لـ (٣) مهمات والحمد لله كنت قدهم.

- الأهم من كل دا إنك طمنتني على بنتي، كنت عايزك تستنى هناك شوية، بس الشغل هنا محتاجك بردو!

سكتت للحظات، ثم أكمل بنبرة خبثٍ خافتة:

- زي شغل امبارح كدا، بقى يبقى معاك شغل مهم كدا وماتقوليش!

دي حتى حبيبتنا ومش غريبة علينا، ولا إيه؟

أدرك سائر تلقائيًا أن فريد يقصد روز صديقة ابنته، رد قائلاً:

- لولاها يا باشا ما كنتش أنجزت المهمة الأهم بالنسبة لك، هي اللي عرّفتني على ميرا ولازم أديها حقها بردو يا فريد بيه.
- صمت لحظات، ثم أكمل بتلك الجملة الخاصة بفريد:
- ولا إيه يا باشا؟
- نظر فريد لسائر نظرة تعجب من ذكائه الشديد، وخبرته في العبث بالكلمات، وردّ:
- جدع يا واد.
- دلوقتي يا باشا أنا نفذت المطلوب وعايز حقي، أعتقد أنا ما قصّرتش؟
- حقك ها يوصل، خمسة مليون دولار ها يروحوا حسابك النهاردة بليل.
- خمسة مليون إيه يا باشا، دول تمن إيه بالظبط ولا إيه؟
- دا اللي اتفقنا عليه قبل ما تنزل مصر، ولا إيه؟
- لا لا دا تمن عمليتين بس، وبالنسبة لميرا؟
- إنت اتجننت! عايز إيه تاني أكثر من كدا؟
- ٧ مليون.
- فكر فريد للحظات، ثم أجابه:
- ماشي يا سائر، موافق.
- نهض سائر مبتسمًا وقال:
- أستأذن أنا يا باشا.
- هه.. مع السلامة.

خرج من منزل فريد مسرعًا؛ فالفتاة تنتظره منذ فترةٍ لا بأس بها،  
جلس بجوارها وسألها:

- تيجي البيت عندي ولا نخرج يا روز؟

- البيت يا حبيبي طبعًا.

قالتها روز بهمسٍ مقتربة من شفثيه بعد أن حررت أزرار قميصه  
الأولى، وحركت أطراف أصابعها الملساء على صدره، أبعدها عنه ببطءٍ  
قائلاً بصوتٍ خافت:

- نروح البيت الأول وخدي راحتك هناك.

Okay -



- عايزة أروح شقة رامز يا رهف.

قالتها ميرا شوقًا إلى رامز، رغبت أن تذهب لمنزله لتشتم رائحته  
في أركان المنزل، لتتأمل صورته المعلقة على الحائط، كم اشتاقت لعيني  
رامز.. كلماته.. وكذلك حضنه!

أجابتها رهف:

- ليه، خير يعني؟

- عادي، عايزة أروح، محتاجة أروح، محتاجة أبقى في المكان  
اللي كان بينام فيه، عايزة أحس بوجوده، ما تنكريش إن انتي  
كمان محتاجة كدا، ما تنكريش يا رهف إن رامز وحشك.

- أنكر! أنكر إيه؟ أنكر إني متشاقة لحتى مني بعد ما فقدتها؟

هانروح يا ميرا هانروح حاضر، ساعة بس وقومي البسي.

انصرفت رهف بعد أن ابتسمت إلى ميرا بهدوء، شعرت ميرا أن لوجودها في بيت رامز نتائج هامة، أحست أن شيئاً ما سيبدو إذا تواجدت هناك، ملأت التراكمات عقلها وقلبها بدايةً من موت رامز.. انتهاءً بذلك المقطع، دب فيها هذا المقطع مشاعر متناقضة، مشاعر متفرقة، أوجاع تحاوطها من جميع الجهات، صراع في عقلها بين عدم رغبتها في إيذاء والدها، ورغبتها الأقوى في أن تنهي وجود حقارتهم من هذا العالم، بدأت تفكر مرة أخرى في الأسئلة التي جدت على ذهنها، من أين حصل رامز على ذلك المقطع؟ ما علاقة رامز بسائر وفريد؟ والأهم من ذلك ما هي تلك العلاقة التي تربط بين قتل رامز وهذا المقطع اللعين؟

بعد ساعة ارتدت ميرا ملابسها كما فعلت رهف وذهبتا مسرعتين لمنزل رامز لقضاء بعض الوقت بين أطلال حياته المسلوبة، أخذت ميرا سيارة والد رهف بعد موافقته، ركبتا السيارة وجلست ميرا في مقعد السائق وشرعت في القيادة إلى المنزل.

- عايزة أسمعك حاجة كان رامز بيحبها أوي.

قالتها رهف ممسكةً بسلك الـ USB لتبدأ في تشغيل أغنية لطالما أحبها رامز كما قالت لميرا، أجابتها ميرا:

- ماشي يا ريت.. سمعيني.

**بيقولوا الحب بيقتل الوقت**

**ويقولوا الوقت بيقتل الحب**

**يا حبيبي تعاتا نروح**

**قبل الوقت، وقبل الحب!**

ساد الصمت بينهما مستمتعتين إلى أنغام صوت الجميلة.. من يطلقون عليها «جارة القمر»، تستمعان إلى سيدة طرب قلب وأذن ميرا؛ الفيروزة الأخاذة، مر أكثر من نصف ساعة في الطريق وهما لا يملآن سماعها، أكثر من نصف ساعة يعيدا تشغيل تلك الأغنية ويردداها على شفاههما بصوتٍ خافتٍ وحركاتٍ ساطعة، وصلتا إلى المنزل، نزلتا بخطواتٍ هادئةٍ وصعدتا ممسكتين بكفوفٍ بعضهما، لم يمر عليهما أكثر من ربع ساعة إلا ووجدتا دقات على باب المنزل؛ دقات هادئة، نظرنا إلى بعضهما متعجبتين، فمن أتى لرامز في هذا الوقت؟! ألم يعرف بموته؟ توقفت الدقات بعدما اقتربت رهف من مقبض الباب لتفتحه لترى من هذا.

أمسكت المقبض ونظرت إلى ميرا خلفها تنم ملامحها عن التساؤل، فتحت الباب.. لا يوجد أحد.. لا يوجد سوى تيار هواء حرك خصلات شعرها، تقدمت خطوتين لترى جيداً ربما مضى ذلك الشخص، لكن تعثرت قدماها بصندوقٍ صغير، صندوق لم يتعدَّ العشرين سنتيمتر، تناولته من الأرض لترى ما كتب عليه، إنه آتٍ من المكسيك، هذا ما قالته إلى ميرا.. توقعت ميرا في قرارة نفسها أنه إحدى الخيوط الخاصة بتلك القضية؛ أو لا بدَّ أنها من صديقه الذي أخبرها أنه كان في المكسيك لرؤيته من قبل؛ أو أنه شيء يخص والدها! دارت كل تلك الأفكار بذهنها ولم تفصح عنها لرهف، ولكن رهف قطعت حبل تفكيرها بتلك العبارة:

– تلاقى هدية من حد من أصحابه هناك، بس ما يعرفش إنه مات.

أثارت تلك العبارة تفكير ميرا، إذاً فلا بد أن رهف تعرف أصدقائه أو على الأقل أسمائهم وعناوينهم خارج البلاد، ردت ميرا متسائلة:

- إنتي تعرفي أصحابه في المكسيك؟

- لا معرفهمش.

خبيت آمال ميرا في تلك اللحظة، لكنها استطردت:

- أعرف أقربهم ليه بس؛ علشان هو من هنا وكان بيعجي له كثير.

تمنت ميرا ألا يكون هو من جال بخاطرها، سكتت قليلاً ثم ردت:

- طب ما عملي لنا حاجة نشربها!

- إنتي ناسية إن مفيش حاجة في البيت تتعمل، كله اترمی من بعد

موت رامز.

- طب ما تنزلي تشتري وتعالی اعملي، أنا دماغي مصدعة جداً،

فاهتعبك معايا.

- لا تعب ولا حاجة، طيب مش هتأخر.

أغلقت رهف الباب خلفها بعد أن أخذت بعض المال من حافظتها،

تناولت ميرا الصندوق الصغير مسرعةً وقررت فتحه دون تفكير، قطن..

قطن.. قطن.. الكثير من القطن، أفرغت الصندوق ولم تجد سوى القطن،

تنهدت بعدما ألقت بالصندوق أرضاً يائسةً من إيجاد شيء به، لكن في

نفس اللحظة سمعت صوتاً كرنين مسمار أو مشبك حجاب على سيراميك

الغرفة، التفتت خلفها لترى مصدر ذلك الصوت، إنها بطاقة ذاكرة أو

كما يسمونها memory، التقطتها مسرعةً بعد أن سمعت خطوات أقدام

رهف ووضعتها في شنتها الجلدية، ثم جلست متظاهرةً باليأس من

إيجاد شيء في الطرد.

دخلت رهف فرأت القطن على الأرض وبجواره الصندوق الصغير؛

فتحدثت متسائلةً:

- إنتي فتحتي الطرد ليه؟
- قلقت بصراحة يكون فيه حاجة ليها علاقة باللي حصل لرامز فامقدرتش وفتحته.
- ولقيتي حاجة؟
- دورت كويس ومالقيتش غير قطن بس.
- طيب أنا هقوم اعمل نسكافيه.

نهضت رهف مسرعةً لتعد النسكافيه، بينما تناولت ميرا هاتفها وأخذت الميموري من شنطتها وأسعدت بالدخول إلى المرحاض، أغلقت الباب بإحكام ومن ثمَّ وضعت الميموري في هاتفها وبدأت بفحص ما عليه من ملفاتٍ جيداً، لم تجد أي مقطع أو صور فقررت فتح الملف الخاص بالتسجيلات، تسجيلان مدة كل منهما عشرين دقيقة، قامت بخفض الصوت حتى لا تسمع رهف وفتحت التسجيل الأول.

سيطر البكاء عليها بعد أن سمعت هذا المقطع؛ إنها آخر مقابلة بين سائر وفريد في فيلته، تماكنت أعصابها كي لا تلاحظ رهف ما بدا عليها.. غسلت وجهها ومن ثمَّ نادتها رهف قلقةً عليها؛ فقد تخطت العشرين دقيقة في المرحاض، ردت ميرا:

- ثواني وجاية.

جفت ميرا وجهها وخرجت بعد أن وضعت هاتفها في جيبتها؛ ففوجئت برهف تنتظرها أمام الباب مباشرة، سألتها بعد أن لاحظت احمرار وجنتيها وجفونها:

- إنتي كويسة؟

أجابتها بتوتر:

- آه.. آه كويسة.

- متأكدة؟

سكتت ثوانٍ، ثم أجابتها:

- رامز وحشني بس.

احتضنتها رهف على الفور قائلةً:

- ووحشني أنا كمان، ادعي له واقري له الفاتحة.

- ربنا يرحمه.



يوم جديد وشمس جديدة، طاقة جديدة تدب في جسد أمل، ليست طاقة بالفعل وإنما هي تتصنع ملء جسدها وذهنها بالطاقة؛ لكي تُسعد أختها وأباها وأمها؛ فاليوم خطبة سمر، لم يمر أكثر من تسعة أيام منذ ذاك الحديث الذي دار بين سمر وأبيها إلا وتقدم رامي لخطبتها وقد وافق والدها، وافق على الفور.. فابنته تعشقه.. وهو كذلك يعشقها!

مرت الست ساعات الأولى من اليوم منذ الساعة الثانية عشر ظهرًا في سلاسةٍ وهدوءٍ تام، هدوء عقلي لكلٍ من والدها ووالدتها وسمر أيضًا.. استعدادات تقليدية ليوم الخطبة، لكنهم لم يببالغوا في تلك التجهيزات إطلاقًا، حتى أنهم لم يقوموا بدعوة الكثيرين، فدعا والدها أخيه وزوجته، ودعت والدتها أختها الكبرى، بمعنى أوضح دعوا أقاربهم من الدرجة الثانية والثالثة فقط، أما أمل فلا أحد لها لتدعوه سوى اثنين وهما أقربهما إلى روحها، الأولى هي رهف صديقة طفولتها، فقد افتقدتها كثيرًا..

افتقدت ضحكتها وألعابها وخروجها سويًا، كما افتقدت مريم، فلم يعد بمقدورها فقدان رهف أيضًا، تمسكت برهف لعلها تمددها ببعض القوة، لكنها كلما تأملت تجد أن رهف أيضًا بحاجة لمن يساندها، من يدعمها في حربها، من يُصبرها على فراق رامز، والثاني هو أحمد أو روح مريم، وجود أحمد في هذا اليوم يشعرها وكأن مريم لم تتركها لحظة، كما أن مناسبة كهذه من الممكن أن تُحسن من حالته قليلًا أو تؤثر إيجابيًا في روحه. اقتربت الساعة إلى السادسة والنصف.. نظرت أمل لهاتفها بعد أن أنهكت جسدها؛ إنها رهف، ارتسمت ابتسامة هادئة على شفتي أمل، ثم ردت على المكالمة:

- أيوه يا حبيبتي، إنتي فين؟
- في الطريق بس عايزة أقول لك حاجة.
- قولي.
- أنا جبت ميرا معايا، عايزاها تخرج من اللي هي فيه، تغير جو يمكن تعرف تفكر أحسن.
- طبعًا تنور وتشرف من غير كلام يا بنتي، يلا مستنياكم، سلام.
- أغلقنا المكالمة وهما في إحدى درجات السعادة، فهما سيريا بعضهما مجددًا، سمعت أمل صوت جرس منزلهم؛ فذهبت على الفور لترى من الباب، نظرت مما يدعونها: «العين السحرية»، إنه أحمد، أتى بمفرده على غير المتوقع، فتحت له الباب فتأملت ما رأت أمامها من فتنة وجمال، أحمد يرتدي بدلته السوداء و”الجرافات” الزرقاء وذلك الحذاء الأسود اللامع، وتلك الساعة من نوع Omega سويسرية الصنعة، نظرت إلى الساعة فتذكرت مريم على الفور؛ فمريم هي من أحضرتها إلى أحمد

وكان معها أمل في آخر عيد مولدٍ له، بعد ثوانٍ معدودة من التأمل في أحمد مدت يدها لتصافحه بعينين متسعيتين وابتسامة أكثر اتساعًا قائلة:

- نورت يا أحمد، كنت متأكدة إنك مش هاتخلف وعدك وهاتيحي.

- ربنا يكرمك، أنا كنت محتاج أعيرّ جو وبصراحة اتبسّطت أما الدكتور وافق على خروجي.

- إيه دا يا عم؟ بقينا نتكلم زي الفل أهوه!

قالتها سعيدة مما رأت وسمعت من حديثٍ مع أحمد، أجابها مبتسمًا:

- هاتصدقيني لو قلت لك أنا ما بتكلمش غير مع حاجتين بس!

- إيه هما؟

- بلوزة مريم اللي كانت لابساها آخر يوم ليها عندك، وانتي يا أمل.

- اشمعنا بقى أنا؟ طب البلوزة وفاهمة ليه، إنما اشمعنا أنا؟

أجابها أحمد وقد هربت من عينيه دمعةً لم تقاوم حبستها داخل

جفونه:

- إنتوا الاتنين من ريحتها.. إنتوا الاتنين حته منها يا أمل.

سكتا لحظات فاستطرد:

- هو أنا هفضل على الباب كدا وباقي الحوار هنا؟

- معلىش آسفه الكلام خدني بقى، اتفضل، بص أعتقد إنت ما

تعرفش حد هنا، سلم على بابا وادخل البلكونة لحد ما آجي

لك، زي ما انت شايف الناس بتيحي وانا لسه مالبستش.

مضت أمل لغرفتها مسرعة لتبدأ في تجهيز ما سترتيديه تلك الليلة، وقبل أن تفتح دولابها وجدت هاتفها يرن مرةً أخرى، يا للملل! لم يتوقف هاتفها عن الرن منذ أن استيقظت لدرجة الإزعاج، أجابت بعد جهلها بهوية المتصل:

- ألو.. مين؟
- لبستي ولا لسه؟
- مين معايا؟
- مش عارفة صوتي يعني؟ لا أزعل كدا.
- سائر!
- ما انتي شاطرة أهوه.
- رقم مين دا يا سائر؟ دا رقم مصري، هو انت في مصر أساسًا؟
- دا بدل ما تقولي لي أخبارك إيه وحشتني!
- تأففت أمل من ذلك الأسلوب الذي سأمته وملت منه، هدأت ثوانٍ؛ فأدرك سائر أنها لن تجيبه، بل أدرك أيضًا أنها ليست بقادرةٍ على تحمُّل كلماته ودعاباته التي تأتي في غير وقتها.. استطرد مسرعًا:
- أنا آسف.
- من إمتي اللطف دا؟!
- مش من إمتي، هو موجود بس الضغوط يا أمل، أنا يا ستي في مصر وجاي لك في السكة، دي حتى خطوبة أخت خطيبتي.
- أجابت أمل بعد أن تملكث منها السعادة في أكثر الأوقات احتياجًا لها:

- إنت جاي ومش هاتسبني النهاردة صح؟

- أيوه صح، واهدي كدا وقومي البسي بقى.

فتحت أمل دولابها مسرعةً وأخرجت فستاناً قد اشتراه لها سائر لكنها لم تكن تنوي ارتدائه، أخرجته فقط بعد أن علمت أنه قادم، حببها آت على الرغم من أنها تعرف أنها ليست من عاداته أن يلاطفها هكذا، وتعلم أن اليوم لن يمر دون جدالٍ معه، لكنها وللمرة الأولى قررت أن تستمتع بكلماته، تستمتع بالساعات القادمة، قررت أن تتصنع تصديقه، فالיום كل من تحب سيكونوا معها، ينقصها أهمهم.. مريم!

ارتدت الفستان ووضعت القليل من أحمر الشفاة وحددت عينيها بالكحل، ارتدت أيضاً الحذاء الخاص بالفستان ذا الكعب العالي، وضعت القليل من العطر الذي يعشقه سائر منذ أن تعرف عليها، خرجت لتستقبل من أتى من ضيوف، بحثت عيناها عن أحدهم لدقائق، ثم تذكرت أنها أخبرته أن ينتظرها في الشرفة، ذهبت لأحمد ممسكة بفنجان القهوة «ع الرياحة» الذي لطالما عشقه أحمد وعشقه أكثر بعدما أعدته مريم له، دخلت الشرفة مسرعة:

- قهوتك.

- تسلم إيدك، بس استني استني.. إيه الجمال دا؟

- لا جمال ولا حاجة، طبيعية أهوه.

- لا دا انتي ما بصتيش في المرايه بقى، طالعة شبه مريم جدا.

- شكلها وحشتك بس، علشان كدا شايفني شبهها، أنا وهي مش

عشرة يومين، دي عشرة سنين، الطبيعي إننا ناخذ من بعض كثير.

- دا حقيقي، ومش قادر اختلط بالعالم وهي مش فيه.

كان قد بدأ الحديث يأخذ مجرى بائس ليس كمثل ذاك اليوم، لكن قاطعهما وصول صديقة طفولة أمل بعد أن أوشكا على نسيان فرحة اليوم.

- وحشتيني جداً.

قالتها أمل وهي بين ذراعي رهف؛ فأجابتها رهف بعد أن ابتعدت قليلاً وكان قد أوشك الباب على الانغلاق:

- يا بنتي، نسيتي إن ميра معايا؟

- ماخدتش بالي.

أمسكت رهف بيد ميرا قائلة:

- ادخلي يا بنتي ماتقفيش كدا.

- ثانية، كنت هاقع.

قالتها ميرا، فضحكت رهف وأسندتها إلى أن ارتفعت بوجهها بعد أن كانت تعدل حذائها، طار شعرها عائداً للخلف فرآها أحمد، رآها متعجباً من تلك الملامح الطفولية، سلمت على أمل وعانقتها وكأنها إحدى صديقاتها اللاتي لم ترهم منذ سنوات، لكن ما لفت انتباه الحاضرين وكذلك أمل وأحمد أناقتها؛ أناقة ميра المفرطة؛ فهي ليست أنيقة بالملابس والأحذية والإكسسوارات فقط؛ أناقتها بالحديث؛ أناقتها باختيارها لهذا النوع من العطور الذي كاد أن يُشبه رائحة الأشجار وقت بزوغ الفجر، نعم فهي لا تفرق شيئاً عن العصافير الملونة التي تغرد على أغصان تلك الأشجار، جلس الأربعة أحمد وميρα وأمل ورهف على الكراسي أمام المنضدة مبتعدين عن زحمة الضيوف وضوضاء الموسيقى وأخذوا في الحديث:

- مالك متوترة ليه يا أمل؟

قالتها رهف متأملة تشابك أصابع أمل الذي ينم عن قلقها الشديد،  
أجابتها:

- مفيش مستنية خطيبي بس.

- طيب اهدي يعني زمانه جاي مش ها يطير.

لم تكمل رهف حديثها إلا وقاطعها دخيل على جلستهم:

- أنا جيت.

التفتت ميرا إلى الصوت مسرعةً فالصوت بات مألوفًا بالنسبة لها،  
سائر! إنه سائر، لم تتوقع أو ترغب في رؤيته إطلاقًا، نظر لها سائر متعجبًا  
من تلك الصدفة الغريبة، أجابته أمل مبتسمة:

- وحشتني.

نظر لها متوترًا، وغير قادرٍ على استجماع حروف كلماته، فتقف  
بجواره خطيبته أو من ادعى حبها، وتقف أمامه من عشقها بكل ما به من  
مشاعر!

نظرت له الأخرى رهف؛ فهي تعرف ملامحه جيدًا، أجاب سائر  
خطيبته ممسكًا بيدها:

- وانتي.. وانتي كمان، عاملة إيه؟

- الحمد لله بخير علشان شفتك بخير.

همست رهف في أذن ميرا بعد أن تذكرت ملامحه جيدًا:

- فاكرة في شقة رامز لما قلت لك إني أعرف مين من أصحاب

رامز هناك؟ أهو الراجل دا صاحبه، وصاحبه جدًا كمان، وتقريبًا

هو دا اللي رامز كان مسافر له، لا لا مش تقريبًا دا أكيد.

لم تستطع ميرا التفوه بكلمة واحدة؛ فهي وحدها من تعرف حقيقة هذا الخائن، وحدها تعرف ما خطط ويخطط له، لم تجب واستمرت في النظر لسائر متعجبةً من هذا الكم الهائل من كذب أفعاله وملامحه؛ يُمثل على أمل الحب وهو في المكسيك كل ليلةٍ مع فتاةٍ في فراشه القدر، تذكرت ميرا نفيه لسؤالها في حفلةٍ روز بأنه ليس بخطيب أو متزوج أو غيره، أكان يحاول إيقاعها في عشقه؟! أم كان يحاول استدراجها ليقوم معها علاقةٍ كما يفعل مع غيرها؟ تساءلت كيف يقف أمامها بكل هذا الثبات ولم تُقلل من هيئته درجة واحدة برغم كل ما يفعل؟! كيف ينظر بعينها وهو شريك لوالدها في تلك الصفقات الحقيرة؟ بل يتقاضى ثمنًا مقابل إخبار والدها بمعلومات عنها في مصر.

دارت كل تلك الأفكار بذهن ميرا وللحظاتٍ بدأت يماسك طرف الخيط، بدأت في استيعاب نقطةٍ مهمة، بل هي النقطة التي بدأت من خلالها طريق البحث ومن ثمَّ دخلت تلك الدوامة؛ قاتل رامز! فلقتل رامز علاقة واضحة بما يفعله سائر وفريد، بل يكاد يكون القاتل أحدهما.. سائر أو فريد!

لم ترغب بلفت الأنظار لها؛ فسلمت على أحمد وأمل وبالطبع سائر وكأنها لا تعرفه ولم تره من قبل، ثم همست في أذن رهف:

- أنا لازم امشي دلوقتي وماتقوليش لأ، خلصي اللي وراكي وتعالى  
علشان عايزاكي في حاجة مهمة جدًا ماتأجلش.

- تعالي، هانزل معاكي أركبك تاكسي وهاخلص وآجي.

قالتها رهف بصوتٍ مسموع؛ فانتبه إليها أحمد مُجيبًا:

- استني، أنا ممكن أوصلك.

ردت أمل مندفة:

- إنت لسه جاي ومقعدتش معانا، خليك ورهف هاتوصلها  
لتحت.

نظر أربعتهم إلى أمل متعجبين من قسوة تلك الكلمات التي لا تدري  
كيف قذفتها، نظرت لهم ثم استطردت قائلةً:

- قصدي اللي تشوفوه اعملوه، أنا داخلة لسمر دقيقتين أنا وسائر.  
أخذت سائر مسرعة إلى سمر، التفت سائر ناظرًا إلى ميرا تلك النظرة  
التي تقول: «سأشاق إليكي كثيرا» ثم ذهب مع أمل، لم تلاحظ تلك  
النظرة فهي كانت مهتمة فقط بهروبها من هذا المجلس في أسرع وقت.

- يلا ما تزعليش، هي كدا بتموت في الدبش.

قالتها رهف ممسكةً بكف ميرا، نزلا بعض الدرجات على السلم،  
ثم بدأت رهف في الحديث وهما مستمرتين في النزول، ولكن تلك المرة  
بطء:

- حاجة إيه اللي مهمة أوي كدا وما تستناش؟

- هي مش حاجة، هم حاجات ومش هقدر أشيلهم لوحدي، لازم  
تعرفيهم علشان نتحرك بقى.

- ليها علاقة بقتل رامز؟

نظرت ميرا للأعلى، فهما قد وصلتا عند مدخل المنزل، وجدت سائر  
يقف في الشرفة متأملها، بل من الواضح أنه انتظر ليراها، ردت على رهف  
ناظرةً إلى سائر:

- أيوه يا رهف أيوه.

لم يمر أكثر من نصف ساعة إلا وقد وصلت ميرا إلى المنزل، ضغطت على الجرس ففتحت لها والدتها رهف، السيدة صافية أو كما يدعوها البعض صافي، فشكلها وملامحها وجسدها الذين جعلوها تكره اسمها وترى أنه أكبر من أن يكون لأمثالها؛ فجسدها بالنسبة لشرقنا الأوسط يُمثل جسد فتاة في العشرينات من عمرها وليس لأُم في الخمسينات، لم يظهر عليها من علامات العَجْز سوى ثلاث شعرات بيضاء تخفيهم بحجابها الرقيق، السيدة صافية أو كما يدعونها صافي وبدون ألقاب لأول مرة تتدخل فيما يخص ميرا، سألتها باهتمام بعد أن رأتها تجلس شاردة في «الصالون» المظلم:

- اتدخل واتطفل عليكى ولا لأ؟
- أيوه طبعًا يا طنط اتفضلي.
- إيه اللي واخذ عقلك ومخليكي مش مركزة ومغيرتيش هدومك؟
- إيه اللي حصل، حصل حاجة ضايقتك في خطوبة أخت أمل؟
- أنا معرفش في كل دا غير إن رهف قالت لي في الموبايل إنك جاية، بصي لو عايزة تتكلمي أنا زي مامتك، مش هاسيبك إلا أما تبقي كويسة، وفي كل الأحوال كله على راحتك، لو عايزاني أسيبك واقوم امشي حالًا وما كلمكيش في حاجة هاقوم.
- نظرت لها ميرا صامتةً لثوانٍ، ثم ردت:
- شكرًا يا طنط ربنا يخليكي ما تقلقيش.
- على راحتك، أنا قايمة أنام شوية.
- نهضت ثم استطرقت قبل أن تغادر:
- بلاش طنط دي، اسمي صافي.

سارت صافي بعض الخطوات الهادئة، ثم التفتت بعد أن سمعت  
ميرا تناديها:

- صافي.

- نعم.

- أتكلم معاكي شوية!؟

- عنيا، وآدي قعدة، تعالي الأول نعمل حاجة نشربها واحنا  
بنتكلم.

- يللا.

قالتها ميرا مبتسمةً بسمة هادئة، سارتا إلى المطبخ، ثم بدأتا الحديث:

- مش هاتكلم في موضوع بعينه على قد ما هاتكلم عن اللي

تاعبني بشكل عام، إنتي عارفة إن أنا حياتي كلها كانت وما  
زالت مع بابا، بابا الشخص اللي حياته عبارة عن شركاته

وحفلاته والنوادي وأصحابه وكدا، يعني مفيش أم، ماخدتش  
حنية غير منه، وطبعًا مش كفاية لأن في حاجات بنعوز الأم فيها

أكثر من أي حد ومالقتهاش، اتربيت برا مصر وطول الوقت  
عندي الحنين لهنأ، بقى عندي لخبطة جامدة.. أبويا مصري

ولهجته إسكدرانية وإلى حدٍ ما بدأت تختفي، اللخبطة في  
الثقافة خلتنني مش عارفة ارتبط بثقافة أبويا ولا اللي بتعلمها في

المدارس هناك، قررت اتمسك بثقافة بابا واتعلمت كتير عن  
البلد دي، وعلشان كدا قررت أنزل واعرفها أكثر، بس المهم

يعني إن كل أصحابي هناك زي ما بيقولوا هنا زمايل دراسة  
وبس، مفيش الصاحب اللي هو يخاف عليا ويبقى جنبي، دا

غير إن كلهم أجانب زي ما تقولي كدا بمشاعر باردة، باردة أوي، من ٣ سنين بس عرفت رهف وبرغم المسافات اللي بيني وبينها بقت حاجة مهمة في حياتي، نزلت مصر أهوه، نازلة متفائلة وهقابل ناس جديدة وهقرب أكثر من الثقافة اللي حبيتها، نزلت ومش هلف وادور عليكي؛ حبيت رامن الله يرحمه وعرفت إن رهف بتحبه من زمان، خفت يحصل بيني وبين أقرب واحدة ليا مشاكل بسبب حبنا احنا الاثنين لرامز، ملحقتش حبي لرامز يكمل ولا لحقت أفكر في علاقتي برهف، ربنا خد منا احنا الاثنين رامز.

تساقطت بعض القطرات من عيني ميرا، ثم التقطت تنهيدة سريعة هادئة، ردت صافي لمتنص حزنها وتهديتها قليلاً:  
- تعالي نقعد في الأوضة وتكملي كلام.  
مضت إلى الغرفة بعدما أمسكت كل منهما الكوب الخاص بها،  
استطردت:

- لو كان خيرًا لبقى.
- قصدك إيه؟
- يعني أي حاجة بعدت عنك ربنا رايد لك الخير من بعدها، واوعي ترعلي بسببها.
- إنتي فاهمة يعني إيه الإنسان الوحيد اللي بدأت ألاقي معاه الحاجات اللي افتقدتها طول عمري يروح مني بعد كام يوم؟! فاهمة يعني إيه اللي بقيت قوية بيه اختفى؟

قالتها بعد أن ضممتها صافي إلى صدرها لعلها تعطيها بعضًا من حنان  
الأم الذي افقدته، أكملت متنهدة وقد تملك منها البكاء:

- أنا ضعيفة من غيره جدًا.

تنهدت وهي بين أضلع صافي، وزفرت بصوتٍ خافت:

- Este es el dolor de la perdida ..

انتبهت صافي لتلك الكلمات المغايرة التي لم تفهمها مطلقًا؛ فسألت

ميرا في استنكار:

- بتقولي إيه؟

أجابتها موضحةً:

- أقصد إن دا ووجع الخسارة، فقدان رامز اللي ما كنتش متوقعاه

بعد فقدان أمي، أو بمعنى أصح افتقادي وفقداني ليها.

نهضت من حضن صافي منتفضةً، وأكملت في لهفةٍ، وارتسمت على

شفتيها ابتسامة الاشتياق ووجع مرارة الفراق:

- أما... أما قال لي بحبك أول مرة ماقالهاش زي أي حد، علشان

هو مش زي أي حد، عارفة قال لي إيه؟ قال خطفتيني يا ميرا،

خطفته من الدنيا كلها.

استطردت وقد اختفت الابتسامة من على شفتيها:

- ما كنتش أعرف ولا حاسة إنه ها يتخطف مني، سابني في محنة

كبيرة أوي، سابني متعلقة بين كذا نار، ليه يا رامز كدا؟

سكتت لحظات، ثم نظرت إلى صافي والتي غلب عليها البكاء أيضًا،

ثم قالت بعد مسح دموعها التي كانت أشبه بالؤلؤ:

- طوّلت عليكى وخليتك تعيّطي برغم إني بردو ماطلعتش كل اللي جوايا.

- كملي كلام، كملي لسه بدري على ما رهف تيجي وما تقلقيش أنا سمعاكي كويس ومش متضايقة خالص، إنتي زي رهف بالظبط والله، كملي يا حبيبي.

قالت صافي تلك الكلمات وهي تُربّت على كف ميرا، أكملت ميرا حديثها فاتحة قلبها لصافي التي أصبحت تشعر أنها أختها الكبرى، ترددت ميرا قبل أن تفتح لها قلبها، لكنها وجدت في عينها احتواء لم تره في عين أحدٍ من قبل:

- عارفة إحساس إنك بتدوري على خرم إبرة نفرحي منه والقدر ياخده منك في لحظات؟ إحساس إن مش جسمك اللي بيوجعك، دي روحك اللي موجوعة وبتنزف، مجهدة ومش عارفة ولا قادرة تكمل، بس لازم تكمل، ولو مكملتش ها تتوجع أكثر، أنا أما بدأت وقررت إني مش هاستسلم وهقاوم وهقوم.. كل حقيقة بقابلها بتكسّر فيّا أكثر من اللي قبلها، وبتكشف لي خيوط؛ منها اللي بيضللني، ومنها اللي بيخليني عايزة أكمل، ومنها اللي ببهزني من جوا، والأهم بقى اللي بيصدمني في أقرب حد ليا، فاتمنى في كل لحظة إن ساعاتي في الدنيا تقل علشان أروح لرامز، فاهمة أو حاسه؟

- خلينا متفقين إن محدش بيحس بالوجع زي صاحبه، بس فاهمة كل كلمة ومتخيلة، أتكلم ولا هتقولي حاجة كمان؟  
- لا اتكلمي، كفاية أنا تعبت.. تعبت من كل حاجة.

- عارفة ربنا قال إيه لسيدنا يوسف؟

- قال إيه؟

- بسم الله الرحمن الرحيم «انه من يتق ويصبر فإن الله لا يضيع

أجر المحسنين» صدق الله العظيم، إخوان سيدنا يوسف

استغربوا اما لقوه تاني، فسألوه إنت يوسف؟ قال لهم آه وربنا

جمع بينا، وبعدين ربنا كمل الآية بـ «انه من يتق ويصبر»

يعني اللي بيبعد عن المصائب والأعمال الشهوانية والمعاصي..

والشرط الثاني يكون صبور؛ صبور لأقصى الحدود، ويسعى

وما يهلكش ولا يتعب من أولها، «فإن الله لا يضيع أجر

المحسنين»؛ ربك هيكرمه، ها يكرمه بحاجة كبيرة أوي وحلوة

أوي، حاجة هتمحي الوجع دا، اصبري واضغطي على نفسك،

لعله خير وجايز ربنا جايبك الدنيا دي علشان السبب دا، جايز

مش ها ينفع حد يعمله غيرك، وجايز كتير أوي ما يعرفوش

إلا اللي ليه حكمه في كدا، ها تصبري وهاتنولي علشان انتي بـ

١٠٠ راجل وقدها، ولا إيه؟

سكتت صافي وتمعنت في عيني ميرا لدقائق، أجابتها بسعادةٍ بالغة

بدت على ملامحها الهادئة الحادة:

- معاكي حق، أنا هصبر وهستنى وهعمل اللي ربنا ها يقدرني

عليه.

قَبَلت صافي وجنتي ميرا قائلَةً:

- ربنا معاكي يا بنتي ويوفقك.

- يا رب يا ماما يا رب.

نظرت أعينهم لبعض في دهشة؛ فأول مرة تنطق ميرا تلك الكلمة لشخص غير والدتها التي يُعتبر لم ترها، سألت دمعات ميرا افتقاداً لأمها، ردت صافي بنظرة عطوفة ونبرة حنان:

- يا رب يا قلب ماما، قولها على طول يا ميرا لو مش ها تتصايقي،  
قولي يا ماما.

احتضنتها صافي فأجابتها:

- حاضر يا ماما.

سمعت ميرا بكاءً خافتاً؛ فالتفتت بعد صمتٍ دام لثوانٍ:

- رهف، إنتي هنا من إمتي؟

- بقالي شوية.

مسحت رهف دموعها فصاحت أمها بها هي وميرا ضاحكةً:

- إنتوا هاتقضوها نكد وعايط وتعيطوني معاكوا؟ يلا قوموا

وسيوني أشوف التلفزيون شوية مش فاضية لكم!

ردت ميرا مسرعةً:

- حاضر، يلا يا رهف عايزاكي.

دفعتها للأمام ضاغطةً على ظهرها في تودد، وذهبتا للغرفة فسألتهما

رهف متلهفةً:

- مشيتي ليه بسرعة كدا؟ وإيه الحاجة المهمة دي؟ والأهم بقي

إيه اللي خلاكي اترعشتي واتلخبطتي وتوهتي مرة واحدة أما

شفتي خطيب أمل؟ دا انتي كنتي مش طايقاه وهابن عليكي

تقلبي عليه الترايبزه وتجري، في إيه؟

- هاحكي لك، بس اوعديني إنك ما تزعليش مني علشان خبيت عليكى اللي ها تسمعيه.
- أوعدك مش هزعل.
- الموبايل اللي لقيناه في خزنة رامز، أنا فتحتة وعرفت اللي فيه.
- طب عرفتي إيه؟
- الكلام مش ها يفيد، هاجيهولك تشوفي بنفسك.
- أحضرت ميرا الهاتف، ثم قامت بتشغيل مقطع الفيديو لتراه رهف، دقائق مرت وانتهى الفيديو.. تسائلت في صدمة:
- دا... سائر؟!!
- أيوه.
- ودا اللي معاه يبقى فريد الخولي صح؟
- نظرت ميرا للأرض حزناً وأجابت:
- بابا.
- أنا فهمت الحوار اللي بينهم، بس دا إيه علاقته بقتل رامز، دي كارثة لوحدها يا ميرا، كارثة وعايضة دماغ تانية تفكر فيها.
- تجاهلت ميرا ما قالته رهف، واستكملت حديثها:
- فاكرة البوكس الصغير اللي جه لرامز على البيت؟
- آه اللي كان فيه قطن بس.
- وميموري.. كان فيه ميموري، عبارة عن كارثة تالته بكل معنى الكلمة.
- فيديو بردو؟

- لا ريكورد.. ريكوردات ماسمعتش منهم غير واحد.. وهتجنن واعرف مين اللي باعتهم لرامز، أكيد نفس الشخص هايقدر يساعدنا.
- سمعيني.

سمعت عشرين دقيقة أخرى من الصدمة، لم تعطِ لميرا تعليقاً على ما سمعته فهي تعلم جيداً ما بميرا من ألم، سألتها سؤالاً في اتجاه آخر من الحديث:

- شكلك تعرفي كمان سائر من قبل كل دا، تعرفيه ازاى؟
- اتعرفت عليه في حفلة عند صاحبتى هناك، وطبعاً بابا تعمد يجيبه البيت علشان أتعرف عليه من قبل كدا، طب هو ماتوقعش إنني ممكن أحب سائر؟ هو بيرميني في النار كدا عادي؟ وسائر كمان بياخد مقابل إنه بيقول لأبويا أخباري، دا كذب عليا وما قالش إنه خاطب، ولا قال إنه يعرف رامز، كذب كثير وعينه في عيني، كذب وكان بيرسم عليا الاهتمام علشان يوقعني في حبه.
- وأمل، همّها أكبر بكثير، بعد كل اللي حصل ويحصل معاها خطيبها بيتاجر في الآثار، دا مش خطيبها بس؛ دي بتموت فيه، ها تعمل إيه لو عرفت؟ إنتي ما فتحتيش الريكورد الثاني ليه؟ افتحيه يمكن فيه خيط أو دليل أو حاجة تساعدنا في موضوع رامز..
- مكنتش قادرة اسمع أكثر يومها وبعدها نسيت، بس هفتحه أهوه.

ضغطت ميرا على زر التشغيل وهي تعلم أنها ستلقى صدمةً أخرى،  
ستلقى ما سيؤلمها أكثر، ستسمع ما سيشتت تفكيرها أكثر.  
كان المتحدث يتحدث بالإنجليزية الأمريكية، يبدو أنه من سكان  
الولايات أو المكسيك أو غيرهما أو ربما تلك اللغة مكتسبة، ليس هذا  
ما يهم، ما أثار عقلها هو صوت المتحدث، لم يكن رجلاً؛ كانت امرأة..  
أمعنت في الصوت جيداً، بات مألوفاً بالنسبة لها.. نظرت رهف إلى ميرا  
متسائلة:

- إنتي فاهمة؟
- قصدك اللغة؟
- أيوه، واضح إنها انجليزي، لو فاهمة ترجمي لي يعني علشان  
أفهم.
- استني ثواني.
- تفحصت الصوت مرةً أخرى؛ فهو ما لفت انتباهها أكثر من مضمون  
التسجيل.

صاحت ميرا بأعلى نبرةٍ لديها في دهشةٍ:

- دي روز.
- روز مين؟
- روز صاحبتني هناك في المكسيك، هي اللي بسببها سائر اقتحم  
حياتي بعد ما اتعرف عليا في حفلتها، مش معقول اللي بيحصل  
دا!
- طب ما تفهميني هي بتقول إيه؟

- روز بتقول أول حاجة: «أنا آسفة يا ميرا علشان خبيت عليكي كل دا، بس بحكم سرية اتفاقي مع رامز ماكانش ينفع تعرفي، أنا عملت اللي كنت مستحيل أعمله علشان بس أساعد رامز، من فترة أنا عملت دور عشيقة لسائر ولسه مستمرة فيه؛ علشان أفضل معاه واعرف أوصل لأدق تفاصيل حياته، والأهم عشان كل مرة يروح فيها لفريد أحط له الكاميرا وأحياناً المسجل في هدومه»

سكتت ميرا للحظات في صدمةٍ وعدم استيعاب:

- إيه يا بنتي كملي، كملي هي بتقول إيه تاني.

قالتها رهف متعجبةً.

توهجت عينا ميرا فأصبحنا كالدم الطازج، اشتعلت بهما شرارة الكراهية والانتقام، لم تفهم رهف ما يحدث أو ما يدور برأسها، أو حتى ما تقوله روز، استطردت رهف مضطربة:

- يا بنتي في إيه؟

أجابت ميرا بلهجةٍ مشوشة:

- سائر.. سائر.

- ماله سائر؟

- هو اللي قتل رامز.

- بتقولي إيه؟

- رامز هدد سائر كثير بالفيديو لذلك قرر يتخلص منه، سائر قتله وهو معايا، قتله وهو جنبي ومفيش دليل واضح على جريمة القتل، روز بتقول إنه قتله بمسدس ميري، يعني زي ما المعمل

الجنائي قال، بتقول إنها مش لاقية أثر هناك لجريمة القتل وأي دليل محدش ها يعرف يوصل له غيرنا، هو أكيد في مصر.

- متأكدة من اللي بتقوله دا؟ الكلام دا لو صح ها نبقي دخلنا في دوامة أكبر.

- أيوه متأكدة، بس مش عارفة هاعمل إيه، لازم نوصل لدليل من عند سائر من غير ما يحس.

قالتها ميرا بحسم، واستطردت بعد دقائق من التفكير:

- بس خلاص لقيتها، بس عايزاكي معايا من غير رفض، من غير تراجع، دا حق رامت ولازم يرجع من الحقيير دا.

- أنا معاكي حتى لو ها نرمي نفسنا في النار، معاكي.



## 5

تحقق كل ما رغبت به سمر، تمت خطبتها من رامي وأصبحت علاقتهما واضحة أمام الجميع؛ أبيها، أمها، أختها وأصدقائها، عادت سمر إلى الدروس فلم يتبقَ شيء تخاف أن يتحدث الناس حوله، بدأت تحاول بقدر الإمكان أن تلتزم بشروط أبيها، فهي حقًا أحبَّت رامي ولن يطاوعها عقلها أو قلبها على أن تقوم بتصرفٍ يهدد علاقتهما به.

مر أكثر من يوم على خطبتهما، رامي كثير الاتصال بها، كثير التواجد بمنزلها، لاحظت انزعاج أبيها من تلك التصرفات؛ فقررت الحديث مع رامي في هذا الموضوع، استغلت صفاء ذهنه في يوم تواجد به في منزلها وقررت مناقشته، فقد كانت على ثقةٍ من تقبله لكلماتها، السماء صافية وقت غروب الشمس، يشربان الشاي في شرفة المنزل، بدأت حديثها قائلةً:

- عايزة أتكلم معاك في موضوع كدا مهم شوية.
- أنا كمان عايز اتكلم معاكي في حاجة أعتقد ماتقلش أهمية عن موضوعك.
- اتكلم سمعك.

- عايزك تلبسي الحجاب يا سمر، مش عاجبني الوضع دا.  
قالها بنبرة دافئة متوددة لها، فأجابته ببرودٍ شديد:
- نعم! حجاب ازاي؟
- إنتي مش مسلمة؟ مش عارفة إن دا التزام بالدين؟ دا أولًا:  
فرض عليك، وثانيًا: أنا كراجل مسلم وانتي خطيبي وحبيبي  
واجبي إني أوجهك، وثالثًا: إنتي مش عارفة إني بغير عليك وما  
ينفعش حد يشوف شعرك يا حبيبي؟
- بس أنا عايزة أعيش الفترة دي وأنا واخدة حرّيتي، مش عايزة  
قيود.
- وهو الحجاب قيد؟ بقول لك فرض والتزام ربنا فرضه عليك،  
يعني المفروض يتلبس مش بمزاجك، بس أنا علشان بحبك  
بقنعك علشان تلبسيه برضاكي.
- ممكن تقفل الموضوع دا وهابقي أفكر فيه بعدين؟  
قالتها سمر بوجهٍ عابس، فرد رامي بنبرةٍ حادة:
- أنا ماشي، ومش هاجي إلا اما ألاقي منك قرار، بس عايز أفهمك  
حاجة، إنتي كدا مش عاملة لي قيمة، لما حاجة زي كدا من  
الأساسيات رافضاها أومال بعد كدا وانتي مراتي هاتسمعي  
كلامي ازاي؟
- تحرك رامي إلى آخر نقطةٍ بباب غرفة المعيشة تاركًا الشرفة والقهوة  
وكذلك سمر، لم تتقبل فكرة أنه سيظل غاضبًا منها لعدة أيام؛ فنادته  
بصوتٍ خافت:
- رامي.

لم يسمعها أو على الأرجح سمعها ولكنه تعمد التظاهر بعدم سماعها،  
نادته مرةً أخرى بعد أن أبطأ حركة يده على مقبض الباب، ولكن تلك  
المرة بصوتٍ ملفت:

- يا رامي.

- نعم.

- أنا هلبس الحجاب زي ما انت عايز، حاضر.

تحرك الاثنان والتقا في منتصف «الصالون»، أمسك رامي بكفي  
يديها مبتسماً، ثم أجابها:

- كدا تبقي حبييتي فعلاً، عارف إنك مش ها تقدرني تزعليني،

بس يا سمر لو مش من قلبك القرار دا قولي لي.

نظرت له برضا وارتياح قائلةً:

- لا يا حبيبي، أنا مبسوفة جداً طالما إنت مرتاح.

- تعالي نرجع البلكونة تاني وقولي لي بقى إيه الموضوع اللي

عايزة تتكلمي فيه.

سارا بعض الخطوات إلى الشرفة، ثم عادت إلى حديثها مسرعةً:

- اوعدني الأول إنك ما تزعلش.

- أوعدك، بس قولي لي يلا قلقيتيني.

صمتت لحظاتٍ، ثم قالت بنبرة قلق من رد فعله:

- بابا متضايق جداً عشان إنت بتبقى هنا وقت كبير، وبتكلمني

في التليفون كتير، اوعى تفتكر إنه متضايق من وجودك، لا هو

متضايق علشان شايف إني متعطلة عن دراستي، وانت فاهم

طبعًا إنت خطبتني وانا لسه في الثانوية، يعني لازم أركز ومفيش حاجة تشتتني.

- عايزاني مكلمكيش ولا آجي أشوفك يا سمر؟
- لا خالص، إحنا نقلل بس كلامنا، وماتجيش على طول، نتفق على الأقل لحد ما الفترة دي تعدّي، أنا داخلة على ثانوية عامة مش لعب عيال يا رامي!
- نظر إلى السماء ثوانٍ مفكرًا، ثم أجابها:
- معاكي حق، لازم أصبر شوية، حاضر أنا هانفذ اللي انتي عايزاه، بس توعدينني تطمينيني عليكى أول بأول وكأني معاكي يا سمر.
- إنت مش ها تتضايق يعني!؟
- لا طبعًا مش هاتضايق، اللي تشوفيه في مصلحتك قوليه وها يحصل..
- بحبك يا رامي.



- مين على الباب؟  
قالها بعد أن استيقظ من نومه ليلاً غير متوقع أن يأتيه أحد في الثانية عشر بعد منتصف الليل، لم يرد من الباب لكنه أيضًا لم يفتح مسرعًا، سأل مرة أخرى عن هوية الطارق لكنه لم يجب، قرر وبدون تردد فتح الباب؛ حتى دون أن يبدل بيجامته الساتان التي تبدو كملايس المنزل الخاصة بالفتيات، نظر متأملًا من الخارج فلم يصدق ما يحدث، فرك عينيه عدة مرات ولم يجد شيئًا قد تغير، تحدث بكلماتٍ مهزوزة:

- إنتي؟! رهف!

نظرت له الفتاة بثقةٍ وهزت رأسها إيجابًا، فأكمل مشيرًا لها بالدخول:

- تعالي، ادخلي ما تقفيش على الباب كدا.

- حاضر هدخل.

نظر لها بعد أن دخلت المنزل وسارت بعض الخطوات للأمام تتأمل المنزل بعينيهما، تأمل ملابسها التي كانت مكشوفة إلى حدٍ ما؛ فكانت ترتدي تنورة كادت أن تصل إلى ركبتها، تنورة سوداء ضيقة بعض الشيء لكن لا بأس بها بالنسبة لرجل وسيم.. غني.. أعزب! أيضًا فوقها جاكيت قصير بدون أكمام يُفسر تفاصيل جسدها بدقة، عاين جسدها جيدًا بعينيه الزائغتين من أسفل قدميها بعد أن خلعت حذاءها ذا الكعب العالي ذاهبًا إلى أعلى رأسها، استدارت قائلةً:

- مش هتقفل الباب؟

- إيه؟ لا هقفله أهوه.

أغلق سائر الباب وتوجه إليها قائلاً:

- بس إيه المناسبة؟ أول مرة تيجي هنا وكمان لوحذك وفي وقت

زي دا!

تحسست بسبابتها وجهه ببطءٍ قائلةً:

- وهو لازم يكون في سبب علشان آجي أقعد معاك؟

نظرت لعينيه المغمضتين من لذة حركة أصابعها، ثم استطردت في

جدية:

- مخنوقة وزهقانة، مش عارفة إيه اللي حصل بس إنت أول واحد  
جيت على بالي؛ فقررت آجي لك ولو متضايق ممكن أمشي  
حالا.

قالتها مستعدة للانصراف؛ فأمسك يمينها مجيئاً:

- لا خليكي، أنا بقالي كتير نايم وكنت عايز أنزل، بس خليكي  
اقعدي معايا.

رفعت عينيها اللتين بدا عليهما الابتسامة لسائر، ثم أجابته:

- كنت عارفة على فكرة.

- ياااه، إيه الثقة دي؟

تجاهلت تلك العبارة، وقالت:

- ادخل اغسل وشك وتعالى.

- ماشي يا حلوة.

مضى سائر إلى غرفته ليغسل وجهه في حمام غرفته، ثم يبدل ثيابه،  
لم يترك عقله التساؤل عن غرابة ما يحدث، رهدف ابنة عم رامز، وصادف  
كذلك أنها إحدى صديقات خطيبته أمل، رمز الاحتشام والخجل اليوم  
تقف أمام رجل أعزب في منزله وترتدي ما ترتدي والساعة تخبط الثانية  
عشر بعد منتصف الليل!



دقات هادئة على باب غرفتها، التفتت بعد أن كانت تُحدق بشاشة  
هاتفها المحمول وتستمع إلى إحدى مطرباتها المفضلة، إنها الرائعة ماجدة  
الرومي!

أجابت الطارق:

- اتفضل.

فتحت سمر الباب، وتقدمت نحو أختها بعد أن أغلقت الباب مرةً أخرى خلفها، نظرت سمر محرّكة رأسها يسارًا ويمينًا كمن تُرب بأغنية، قالت سمر مازحة:

- إيه الروقان دا، الست ماجدة بتقول إيه علشان مش فاهمة من

كلامها حاجة؟

ضحكت أمل وأجابت مسرعةً:

- بتقول: «حبك يا لهفي تضحية وعطاء من غير حدود».

- يا عيني يا ست ماجدة!

- اطلعي يا بت برا بلاش سخافة.

ابتسمت سمر قائلةً:

- لا خلاص أنا آسفة، بهزر شوية بس علشان شكلك مش مطبوط

كدا.

- كنتي عايزة حاجة يعني؟

- أيوه عايزاكي في حاجة مهمة جدًا جدًا، أتكلم ولا وقت تاني؟

- لا احكي، سامعاكي.

- رامي طلب مني ألبس الحجاب.

- ورد فعلك كان إيه؟

- عارضته جدًا في الأول ورفضت تمامًا، بس أما زعل والموضوع

كان ها يكبر وافقت.

- وافقتي علشانه ولا علشان مقتنعة؟

- علشان مش هاقدر أزعله مني كدا، وما تقلقيش من جوايا مش رافضة، الفكرة خضتني بس في الأول بس قلبتها في دماغي ولقيت إن ما فيهاش حاجة يعني وهو بردو معاه حق.

- هو بيعحك فعلاً، لو مش بيعحك مش ها يفكر في جنة ونار وثواب وعقاب.

- يعني مش شايفة إني غلطانة في حاجة؟

- لا مش غلطانة، الأهم إن موافقتك تكون من جواكي ماتكونش

علشان رامي بس!

أجابتها سمر مبتسمةً:

- أكيد.

خرجت سمر من الغرفة بعد أن أمدتها أختها بالطاقة الإيجابية، أمدتها بالطاقة التي لا تمتلك منها شيئاً قط! نعم فأمل استنفذت آخر قطرات الطاقة الخاصه بها، أعادت أمل تشغيل الأغنية بعد أن كانت قد أوقفها لتتحدث مع أختها، بدأت تُردد كلماتها ببؤس شديد:

«أحتاج إليك.. واهرب منك.. وارحل بعيد من نفسي في بحر يديك.. أفتش عنك.. فتحرق أمواجك شمسي».

عندما وصلت ماجدة الرومي إلى مقطع الأغنية الثالث كانت ترتفع أمل بصوتها وكأنها تمتلك مشاعرهما، توتر صوتها وهي تبكي قائلةً:

«حررني رفقاً.. انصرني.. ساعدني كي أهجر طيفي».

بعد حوالي عشرة دقائق مرت كعشرة أشهر عليها أضاءت هاتفها، فتحت قائمة الأرقام والأسماء، اقتربت بإبهامها من اسمه، ولكن لم تمض ثوانٍ إلا وقد تراجع عن فكرة الحديث معه، فربما نائم أو مشغول بشيءٍ

ما أو لديه مكالمة هاتفية هامة خاصة بعمله، افترضت أمل تلك الحجج لنفسها بالرغم من ثققتها الشديدة أنه بالمنزل، وعلى الأرجح نائم! لكنها لا ترغب في سماع كلمات التوبيخ الخاصة به التي اعتادت عليها، لكن عشقها له جعلها تتأني رغماً عنها وتتقبل التوبيخ والأعذار والحجج، لكنها أصبحت ترغب في التحرر!



- أنا هامشي.

قالتها رهف بعد أن قاربت الساعة الثانية بعد منتصف الليل، أجابها  
مسرّعاً:

- يا بنتي لسه بدري، استني نشرب حاجة كمان وبعدين أنا  
هاوصلك.

سكتت ثوانٍ قليلة وكانت على الأرجح تفكر أتبقى أم تذهب في  
الحال، لكنها ابتسمت قائلة:

- خلاص، هاستنى شوية عشانك بس.

جلست على الكرسي الموضوع أمام المطبخ من الطراز الأمريكي  
وأخذت تتأمله وهو يتحرك هنا وهناك ليعد شيئاً بارداً أو ساخناً، سأم من  
الحيرة فزفر متأففاً:

- بقول لك إيه، تشربي ويسكي معايا؟

- لا طبعاً، يا عم اعمل لي شاي أو نسكافيه بدل ما انت حيران  
كدا.

- خلاص هاعمل لك نسكافيه وهشرب أنا ويسكي، مع إني زعلان إن شفايفك الجميلة دي مش ها تدوق الويسكي.
- ضحكت بصوتٍ مرتفع، ثم ردت:
- إنت لسه ما شربتش وهتسكر عليا؟
- خلاص أنا غلطان.
- لا إنت ها تزعل ولا إيه؟ المهم يعني كنت عايزة أسألك سؤال مهم، بس عايزة إجابته صريحة، ها!
- موافق، أسألي.
- طالما ما بتحشش أمل مكمل معاها ليه ومعذبها معاك بالشكل دا؟
- أنا كدا فهمت، أمل اللي بعناكي هنا صح؟
- سوري يعني، بس انت غبي أوي.
- وإيه لازمته سوري بقي؟!
- مش قصدي، بس هو أمل يوم ما هتفكر تختبرك أو توجه لك سؤال زي دا ها تبعك لك صاحبته، لأ وكمان تبعته لك البيت وانت لوحدي، شكلك مش فاهم يعني إيه أمل بتحبك ويعني إيه أنا صاحبته؟!
- ولما انتي عارفة إني لوحدي وانك في خطر هنا إيه اللي جابك وانتي أساساً عمرك ما عملتي حاجة زي كدا ولا حتى بسمع سيرتك بكلمة وحشة؟
- عندك قدرة رهيبه إنك تاخدني في سكة تانية وتغير الموضوع، بس لو جاوبتني هجاوبك على سؤالك.

- شوفي، أمل عاملة زي أختي.  
قاطعته مندهشةً:

- يا ابني دي خطيبتك، زي أختك إزاي؟  
- ما تهدي وانتي تفهمي، مقصدش اللي انتي فاهماه، أنا أقصد  
إنها عندها القدرة إنها تحتوي مشاكلي والبلاوي اللي بعملها  
وحتى قسوتي عليها أحياناً.  
قاطعته مرةً أخرى:

- قسوتك دايمًا؛ قسوتك كل الوقت مش أحياناً.  
تجاهلها وأكمل وكأنه لم يسمع شيئًا:  
- برمي عليها كثير، وبالرغم من كدا بتستحمل وفضلت معايا وما  
بعدتش عني زي ما كثير بعدوا.  
- بس إنت مش بتحبتها، ودا باين في عيونك، يعني مش شايف  
إن دا عذاب ووجع ليها؟  
- الموضوع مش فارق بالنسبة لي، ويوم ما ها سيبها عمرها ما  
هاتقرر مثلاً إنها تاخذ حقها وتنتقم مني، لأن زي ما بتقولي هي  
بتحبنى أوي وانا عارف كدا.

قالها متأملًا رهف بنظرة غرورٍ وابتسامةٍ بلهاء، نظرت له مصدومة من  
كم الغرور الذي يوجد بداخله ولا يعرف أحد عنه شيئًا، أجابته بعد ثوانٍ:  
- إيه القسوة دي؟  
فكر قليلًا قبل أن يجيبها، ثم قال:

- من اللي عملته وشفته في حياتي، ما بقتش أحس أو تقدرني تقولي بحاول أستحضر اللا مبالاة، المهم جاوبيني إنتي على سؤالي.
- زي ما قلت لك قبل كدا مخنوقة، عايزة أعمل حاجة غريبة ومجنونة خصوصًا إن ما بقاش فارق معايا حاجة بعد ما رامز مات، بس يوم ما قررت أخرج عن المألوف واتهور جيت لحد من ريحة رامز؛ اللي مش عايز يفارقني.
- توتر قليلًا بعد سماع اسم رامز، ولم يتناقش معها في شيءٍ وأغلق الحديث سريعًا قائلاً:
- ربنا يرحمه.
- تبدلت نبرتها بعد دقائق من نبرة حزنٍ على فراق رامز إلى نبرة التهور والجنون التي أتت إلى هذا المنزل بها، قالت لسائر في عجلة:
- قوم علشان توصلني، الساعة داخلة على ٣ والكلام خدنا.
- حاضر، دقيقتين مش هاتأخر عليكي.



السابعة صباحًا بتوقيت المكسيك؛ الثالثة فجرًا بتوقيت الإسكندرية، استيقظت روز من نومها مبكرًا لتمكن من ممارسة رياضة الجري قبل ازدحام الشوارع، أعدت فنجان القهوة الخاص بها ونظرت إلى شاشة هاتفها الخلوي فربما تجد مكالمة من أحدهم، وبالفعل وجدت عدة اتصالات ولكنها من مصر، اعتقدت أنه رقم سائر؛ فقررت أن تعيد الاتصال فهي الثالثة فجرًا في مصر ولا بد أنه في إحدى البارات أو مستيقظ يشرب الكثير من الويسكي ويشاهد التلفاز؛ فهو لا ينام إلا عند

ظهور ضوء الشمس، ضغطت على «إعادة الاتصال» وانتظرت رنين..  
رنين.. رنين.. لا أحد يجيب، رنين مرة أخرى ولكن!  
- ألو.

صوت نسائي يها تفها من مصر، إذا إنه ليس سائر، ردت بلغتها العربية  
المضطربة تلك التي تعلمت القليل منها من ميرا وسائر.. والقليل من رامز!  
- مين؟

- أنا ميرا يا روز، ممكن تسمعيني للآخر من غير ما تقاطعيني  
علشان مفيش وقت؟  
- أكيد.

- طبعًا إنتي عارفة إني عرفت كل حاجة، والريكورد بتاعك  
وصلني، لو لسه فعلاً عايزة تساعديني كأنك بتساعدي رامز  
بالظبط أرجوكي تعالي إسكندرية، بعد بكرة بالكثير تكوني هنا،  
وها تفهمي كل حاجة أما تيجي، أرجوكي تعالي.  
- حاضر يا ميرا، حاضر.

- شكرًا روز، كنت عارفة إنك مش ها ترفضني.  
لم تكلم ميرا عبارتها وقد سمعت صوت الباب يُفتح فخفضت  
صوتها قائلةً:

- روز آسفة بس ها ضطر أقفل بسرعة، سلام.  
أغلقت ميرا الهاتف مسرعةً وخرجت لترى رهف، نعم هي تعلم  
تمام العلم أنها رهف، رأتها ترتدي عباءة سوداء وحجابًا ملفوفًا بشكل  
عشوائي، لم تهتم وتظاهرت بالنعاس، تثابت ودخلت المرحاض مسرعةً،

ذهبت رهف إلى الغرفة وارتدت ملابس النوم الخاصة بها، واستلقت على الفراش ولم تمضِ ثوانٍ إلا وسافرت في نوم عميق.  
بعد خمس دقائق خرجت وذهبت إلى غرفة المعيشة، وبهدوء فتحت هاتفها وقامت بمكالمة هاتفية أخرى، كانت الساعة قد قاربت الثالثة والنصف فجرًا بتوقيت مصر؛ الساعة والنصف بتوقيت مكسيكو العاصمة، بدأت حديثها بالهاتف بعد استجابة سريعة:

- وحشتني.
- إنتي كمان وحشتيني أوي، أنا لو وحشتك فعلاً ها تيجي تشوفيني مش ها تطولي كدا بعيد عني.
- ولو أنا وحشتك كنت ها تيجي لي تشوفني وتطمئن عليا ومش ها تستنى تقول الجملة دي.
- أنا آسف بس انتي عارفة الشغل يا ميرا.
- قالها فريد بنيرة نفاقٍ وكذب، ولكنها تعمدت إخفاء ما تعرفه من حقائق عن أبيها، تعمدت إظهار تصديق كلماته الزائفة، سكتت لدقائق لدرجة أن والدها اعتقد أنها أغلقت الخط:
- رحتي فين؟
- معاك، المهم عايزة أقول لك حاجة مهمة، أنا يومين بالكثير أوي وهابقي عندك.
- أيوه كدا، تيجي بألف سلامة.
- الله يسلمك، أسيبك دلوقتي علشان الساعة هنا ٤ وانا ما نمتش.
- خلي بالك من نفسك.
- حاضر.

أغلقت ميرا هاتفها بعد مكالمةٍ لا تعلمُ أكانت تحتاجها أم لا؟ لكنها أدركت أنها كانت تحتاج إلى سماع صوت والدها، وفي نفس الوقت كان صوته كالسكين الحاد؛ يقطع به وهي تنزف ويراهها ولا يساعدها أو يداويها، كانت في أشد الحاجة لأن يشعر أبوها بما أصاب صوتها من ألم ونزيفٍ روحي لا يستطيع أحد إخفاءه، لن يستطيع إزاله ذلك الألم من روحها إلا الموت!

أضاءت التلفاز فوجدته كان مغلقاً على قناة «روتانا كلاسيك»، ربما كانت صافي تشاهد فيلمًا كلاسيكيًا ذا مشاعر بريئه لم يلوثها الزمن، وجدت إحدى الحفلات العظيمة للسيدة أم كلثوم، بالتحديد كانت لأغنية «فات الميعاد»، توقف ذهنها وقلبها عند مقطعٍ أشعل كيانها؛ فكانت تقول:

«ياما كنت اتمنى اقابلك بابتسامة

أو بنظرة حب أو كلمة ملامة».

أعادت الست ذلك المقطع كعادتها في جميع أغانيها، ثم أكملت:

«بس انا نسيت الابتسام.. زي ما نسيت الآلام..

والزمن بينسي حزن وفرح ياما»

ارتفعت بصوتها تدندن مع أم كلثوم واندمجت بخلايا عقلها وقلبها وكأنها أحد ضيوف ذلك الحفل، مرت دقيقتان ليس إلا وأدركت أنها ليست بمنزلها، بل هي بمنزل عائلة صديقتها ولا بد أنها ترعجهم، فضّلت أن تكون ضيفة هادئة فقامت بإطفاء التلفاز وخلدت للنوم.



حزن يخيم على قلب أمل؛ فلا تعرف أتظل تصبر على عدم حبه لها أم تطلب منه الانفصال؟ وسمر الصغيرة التي لا تعرف شيئاً في تلك الحياة البائس؛ تعتقد أن خطبتها لرامي هي نهاية الحزن، لكن أمل تشفق عليها فهي لم تر وجه الحياة الحقيقي بعد، أيضاً تبدل حال سائر فأصبح لا يعرف من هو؟ وماذا يفعل؟ يُفكر إذا انكشفت جرائمه واتضح أفعاله ماذا سيكون مصيره؟ كل ما يدركه الآن هو أنه ينتظر قدوم رهف إلى منزله مرةً أخرى؛ لعله يسرق من فتنتها ما يسرقه من كل فتاة في الخفاء، لم يُعجب برهف لكنه تشبث بجمالها، تشبث بتفاصيل جسدها التي تعمدت إظهارها، لكن غير ذلك فلا يعتريه إلا القسوة والأناية، الأناية التي جعلته يقوم بالتفريط في القطع الأثرية، وجعلته يتمكن من قتل صديقه الأقرب الذي حاول منعه عن الاستمرار في تلك الأعمال، لكن قسوة قلبه هي من فعلت هذا، هي من جعلته يسلب روح صديقه من حضان حبيبته، نعم فروح رامز كانت تحتضن روح ميّرا، بل كانت تلتصق بها، اعتقد أنه أبعد رامز عن ميّرا، لكنه لا يعلم أنه في كل يوم وكل ساعة وكل ثانية تختلط روح كل منهما بالأخرى أكثر فأكثر، أيمن لقلب كهذا أن يحب، أم يظل في علاقات شهوانية مستمرة؟ لا بد أن تلين كل حجرةٍ مهما طالت قسوتها، هذا ما حدث له عندما عشق ميّرا، يعيشها برغم قسوته، برغم كل شيء يعيشها، منذ أن رآها بمنزل فريد لأول مرة، لا يرغب في الاقتراب منها أكثر، فهو يعرف ما بجسده وقلبه وروحه من بشاعةٍ وذنوب، ولا يريد تلوّثها كما لوّث نفسه ولوّث من حوله، والآن نفس الحيرة التي اعترت سائر تملك من ميّرا؛ رغبتها في الانتقام من سائر ونار ما فعله والدها، أنتقم من كلاهما؟ أم تنتقم من سائر وتكتفي بمواجهة أبيها؟ كل ما تعرفه

أنها لن تترك من سلب رامز حياته، وستأخذه بيدها، لن تتركه للشرطة أو ما شابه؛ فلن يعطونه العقوبة التي تُهدى ناراها.

يوم وبضع ساعات ليس أكثر مرا في هدوءٍ تام على الجميع، لكن اليوم لا بد أنه لن يمر كباقي الأيام، على الأقل بالنسبة لسائر، رقم يهاتفه في هذا اليوم والساعة قد قاربت على الخامسة، والشمس شرعت في الغروب، أجاب:

- رهف، كنت مستني المكالمة دي.
- عرفت ازاي إنها أنا من غير ما اتكلم؟ مش يمكن أمل وساعتها كنت ها تتورط؟
- لأ أنا عارف إنها إنتي.
- عايزة كدا أقول لك حاجة.
- ها تيجي النهاردة!؟
- أنا هاصدق إنك مخاوي، عرفت دي كمان ازاي؟
- البنات دول بالنسبة لي حاجة بتنفسها، عارف كل اللي بيفكروا فيه حتى من نبرات صوتهم وتصرفاتهم، زي ما بتقولوا كدا مقطع السمكة وديلها.
- سكتت رهف لحظات، ثم استطردت:
- تحب نخرج ولأ نقعد في البيت؟
- لا نخرج إيه؟ تعالي نقعد ولو زهقنا نخرج.
- موافقة.
- طب جاية إمتي؟
- ساعة بالكثير واكون عندك، خيلنا نقعد براحتنا.

قالتها بنبرة هادئة تنم على ما تنوي فعله تلك الليلة، أجبها سائر:  
- مستنيكي.



مرت ساعة من الاستعداد لتلك الليلة التي أرادها ليخرج من التوتر الذي لا يفارقه، فلا يخلصه من التوتر سوى الفتيات؛ أجسادهن وشعورهن يسحرانه ويخلصانه من الطاقة السلبية بعقله وجسده، ارتدى بيجامة ذات ملمس لين وناعم، وضع القليل من العطر، ثم الكثير والكثير ليغمره بأكمله، أعاد توزيع الأزهار على طاولة المطبخ، ثم قام بتشغيل إحدى مقطوعات الموسيقى الشهيرة لـ (الأخوين رحباني) ألا وهي: «حببتك بالصيف»، القادمة بالطريق رهف ومع ذلك يستمع إلى الموسيقى المفضلة لدى ميرا، يا له من أبله!

وصلت وهي في قمة جمالها، فتح لها الباب فدخلت دون مقدمات؛ ليس فقط باب منزله.. بل باب حياته وعلاقاته الشخصية، أتت له في ذلك الوقت الذي يتغلغل فيه الكبت في خلايا الإنسان، يرغب في الحديث، في إخراج ما بداخله من أوجاع محفورة، دخلت المنزل دون أية كلمات وبدا على وجهها الحزن، لكن ومع ذلك لم يخف الحزن تلك الرقة والبساطة التي توجد في ملامحها، والتي تختلف عن ملامح الأجنبية اللاتي يعاشرهن من حين لآخر.

- مالك؟ مش كنتي كويسة من شوية في الموبايل؟

قالها سائر متسائلاً عما يرى من ملامح ضيق، أجبته رهف ضاحكة:

- عامل بقى بتفهمها وهي طيارة وخبير بنات، أنا بهزر على فكرة

ومفيش حاجة مضايقتاني!

- يا سلام!

وضعت قدمها اليمنى فوق اليسرى ورفعت حاجبها قائلةً:

- زي ما انت شايف، زي الفل أهوه.

نظر لها مبتسمًا، ثم جلس بجوارها فاستطردت:

- أكلت؟

- لأ.

- ولا أنا، طب جعان؟

- أيوه، جدًا.

همهمت رهف لثوانٍ، ثم أكملت:

- طب نطلب أكل؟

قاطعها سائر بحماس:

- بتعرفي تطبخي؟

- أيوه، بس ليه؟

لم يجبها بل اكتفى بجذبها من ذراعها بعنفٍ؛ فأوقفته متسائلةً:

- إيه هتوديني على فين؟ براحة شوية.

- أنا جعان وانتي جعانة والبيت فيه أكل، وبقالي كتير نفسي في

أكل بيتي، ها تطبخي؟

نظرت له بغضبٍ قائلةً:

- هو أنا جاية اطبخ؟

ترك ذراعها مشيرًا لها بالذهاب، ثم قال ناظرًا للأرض:

- أنا آسف، خلاص نطلب أكل أو مش جعان مش هتفرق.

ضحكت رهف، ثم وضعت يمينها على وجنته برقةٍ ولمعت عينيها،  
ثم قالت:

- لسه مش قادر تفهم إني بهزر معاك؟! يلا شدني تاني علشان  
اطبخ، هاتساعدني؟  
ابتسم قائلاً:

- عنيا يا رهف.

ذهبا إلى المطبخ بعد أن بدلت ملابسها، ارتدت إحدى تيشرات  
سائر دون «البنطلون» الخاص به، فقد كان التيشيرت طويلاً، غسلت  
يديها، ثم بدأت في البحث بالفريزر عن ما ستقوم باستخدامه، وبدأت  
تردد: «عانقيني، عانقيني ثم إيه؟!» التفت لها سائر أثناء قيامه بعمل  
الشاي قائلاً: «ثم تبقي.. ثم أبقي.. ثم حلوة عنيكي ليه!»، تركت رهف  
ما تحمله وسألت سائر:

- بتسمع وسط البلد؟

- آه بسمع وبحبهم جداً.

- غريبة يعني.

- ليه غريبة؟

- واحد عايش برا مصر وكل حياته يا الشغل يا الستات، ها  
يفضى أو ها يهتم إنه يسمع فرق جديدة، ها يهتم إنه يسمع  
أغاني أصلاً؟

- مش سبب يخليني ماهتمش أو ماسمعش.

أكملت رهف ما كانت تفعل، وبدأت بتقطيع بعض الخضروات  
قائلةً: «يمكن يا سائر!»

ساعة من الحديث والطبخ والغناء والجدال مرت سريعة، زفرت  
رهف بعد أن تنفست الصعداء قائلةً:

- أنا تعبت.

لف سائر ذراعيه حول خصرها واقترب من أذنها قائلاً:

- تعالي ارتاحي شوية.

انسحبت من بين ذراعيه قائلةً بعد أن رفعت صوتها:

- هاخذ شاوور الأول، اشرب سيجارتين لحد ما اطلع.

انطلقت مسرعةً كالعصفور، واتجهت إلى الحمام لتأخذ «شاوور» قبل  
عودتها إليه.



- سائر قافل موبايله وانا قلقانة عليه أوي.

قالتها أمل لوالدها بعد سؤاله عن سبب غضبها، أجابها بهدوءٍ:

- طيب استهدي بالله وان شاء الله هاتلاقيه بخير يا بنتي.

- يا رب يا بابا.

- بس عيونك مش بتقول إن دا بس السبب اللي مضايقتك، في

حاجة تانية أكبر، وانتي ما صدقتي لقيتي حاجة تطلعي فيها

خنقتك؛ لكن يا رب اطلع غلطان.

نظرت له وبدا على عينيها الدموع، لم تُجب بكلمةٍ واحدة، فأدرك

والدها أن ما بداخلها أكبر من أن يُحكى أو يُذكر، ولم يضغط عليها أكثر،

واستطرد بهدوءٍ:

- قومي صلي يمكن أعصابك تهدا شوية.

يُقال أن ما نشعر به مهما حاولنا إخفاءه يظهر في تصرفاتنا.. ملامحنا.. كلماتنا، وهذا ما تأكدت منه أمل بعد رؤيتها بضع شعيراتٍ بيضاء في فضاء شعرها الأسود، يحاربها الحنين لصديقتها الراحلة، لا فرار من ذلك الحنين، في الحقيقة قد حدث الكثير من التغيير في ملامحها لدرجة أن في بعض الأحيان يقول عليها البعض أنها تشعر بالبرود لمجرد أنهم لم يتفهموا حزنها، كانت تؤمن وتؤمن بأقصى درجات إيمانها بالمقولة: «أنه بعد كل شعورٍ بالحزن فإن هنالك شيئاً من السعادة يدخل لقلبك ليبدل الحزن بشيءٍ من الفرح، ويغرس جذور الحب والتفاؤل لتنمو من جديد»، سنوات تؤمن بتلك المقولة لكن السعادة لم تأتٍ بعد، وعلى الأرجح أنها لن تأتي!



خرجت رهف بعد عشرين دقيقة، ونادت على سائر لكنه لم يُجبها، نادت مرةً أخرى بعد أن خطت بعض الخطوات تجاه غرفته لكنها لم تسمع صوته أو تراه، استدارت لتذهب وتبحث عنه في المنزل ولكنها شعرت بيدٍ تمسك ذراعها من الخلف وتشدها بقوة، زفرت قائلةً بصوتٍ خافت:

- سائر؟

لم يجبها سائر؛ بل اكتفى بدفعها لحضنه بعنفٍ فهمت بعد أن أغمضت عينيها:

- بتعمل إيه؟ ما ينفعش يا سائر.

أجابها سائر وقد بدا عليه أنه قد فقد استيعابه بما يفعل:

- مفيش حاجه اسمها ما ينفعش!

مرت دقيقتان أو أكثر ورهف بين ذراعيه، حملها واتجه إلى فراشه ببطء، أبعد شعراتها المنسدلة على وجهها، بدأ التهام شفيتها بحرارة، تحاول منعه لكنه لا يستجيب لها، قبلاته المتتابعة التي بدأت تهبط من شفيتها إلى رقبتها الوردية نزولاً إلى صدرها جعلتها تستسلم وتوقفت عن منعه، فجأة أبعد شفتيه عنها، ترك يديه دون حركة، لم يعد بجسده للخلف بل سقط بوجهه عليها.

حتمًا سائر مضي في سُبَاتٍ عميق، سحبت رهف شهيقًا شاكرة لله أنه نام مبكرًا قبل أن يستمر في تلك الأفعال القادرة، حتمًا إنه مُنوم جيد، فقد وضعته في الكوب الخاص به وهما في المطبخ، أبعدته عنها، ووضعت رأسه على الوسادة، ونهضت بهدوءٍ من جواره وبدأت مهمتها الأصلية التي تعرفت على سائر وتنازلت عن مبادئها من أجلها!

دخلت المطبخ مرةً أخرى تبحث بين الأدراج وخلف الرخام، حرّكت الثلاجة وبحثت خلفها ولم تجد شيئًا في المطبخ؛ فخرجت إلى الصالون، أزال اللوحات وحركت الكراسي وكل ما رآته أمامها لكنها أيضًا تفشل في إيجاد ما تبحث عنه، وفعلت ما قامت به في المطبخ بكل الغرف لكن لا شيء، ساعةً من البحث المتواصل إلى أن آلمها ذراعها، تبقى غرفة واحدة؛ غرفة سائر، لكنها لا ترغب في الذهاب إليها، لا ترغب في رؤية وجهه برغم نومه العميق، لكنها تشجعت وتقدمت إلى الغرفة، بحثت بين ملبسه وخلف اللوحات وتحت السرير.. تحت الكرسي.. وبين الأدراج ولم تجد شيئًا، أتأس؟ لا بد أنها طلة اليأس، زفرت رهف ضاربة بيدها على المرأة في غضب.. ولكن!

صوت شيء حديدي يسقط خلف المرأة، نظرت رهف لكنها لم تر شيئاً فخلف المرأة عتمة قوية، أحضرت مصباح هاتفها مسرعةً وأضاءته، ثم نظرت جيداً تتفحص ذلك الشيء، نعم هو! هو ما تبحث عنه منذ فترة، هو ما فتحت لنفسها باب الشجاعة ووصلت لغرفة وسرير سائر من أجله! إنه المسدس الميري، المسدس الذي اخترقت رصاصاته جسد رامز.



- هانروح الشارع دا، وها تنزلي من العربية وتطلي البيت زي ما قلت لك يا روز.

- أوك ميرا.

دار هذا الحوار المختصر بين روز وميرا، تحركتا متوجهتين إلى ذلك الشارع، ثم توقفتا ببطءٍ أمام إحدى المنازل في ذلك الشارع، انتظرت دقائق، ثم قالت روز بعريبتها الضعيفه:  
- أنزل؟

بالطبع روز كان حديثها محدودًا؛ فقد كانت لا تتقن العربية، أجابتها ميرا بوجهٍ قلق:

- لأ، استني لما رهف تكلمني.

دقيقتان.. خمس.. ربع ساعة.. عشرون دقيقة.. لم تتصل رهف بعد، أيعقل أن يكون سائر استيقظ من نومه ورآها تحمل المسدس؟ فالنوم أقوى من أن يجعله يستيقظ مبكرًا، سائر لم يستيقظ بعد، بعد نصف ساعة من الانتظار رن الهاتف، نظرت ميرا فوجدتها رهف، نعم رهف تُخبرها أن تصعد لتأخذ منها السلاح، نزلت روز من السيارة وتوجهت إلى باب المنزل، وبعد صعودها درجات السلم فتحت لها رهف بهدوءٍ حتى

لا يشعر بما يجري، أعطتها السلاح بعد أن غلفته بتيشيرت سائر التي كانت ترتديه؛ ففي تلك الفترة كانت تُبدل ثيابها حتى إذا استيقظ يجدها قد استعدت للرحيل، بعد أن أعطتها المسدس ذهبت مسرعةً إلى الحمام لتغسل وجهها، كانت تتصبب عرقاً ودقات قلبها قد ارتفعت خوفاً.

هل يعقل هذا الذي يراه من نافذة غرفته؟ لا.. لا يمكن أن يُخدع.. لا يمكن لفتيات حمقاوات خداعه، ذهب مسرعاً خلف المرأة ليرى أما زال المسدس بمكانه أم اختفى؟ ولكن ظنه كان بمحله؛ لم يجد السلاح، ولم يجد رهف، فقط وجد سيارة بالخارج بها أحدهم لكنه لم يستطع تحديد ملامحه، وفي الناحية الأخرى المقابلة لُسلم منزله فتاة تنزل، لا بل تجري وتحمل بيديها شيئاً، ومن ثم تركب السيارة، لكنه تمكن من تحديد ملامحها.. إنها روز!

روز التي لم تفارق فراشه بالمكسيك الآن هي بمصر.. ولا يعلم لماذا أتت وماذا تفعل؟ لكن ما استطاع استنتاجه من ربط الأحداث أن رهف على علم بقتله لرامز.

إذا استطاعت خداعه والسيطرة عليه عن طريق شهوته بذكاء، أصابته حالة من الذهول لدقائق حتى سمع صوت خطوات رهف قادمة تجاه الغرفة، دخلت الغرفة فأصابتها رعشة سريعة كمن أمسكت به الكهرباء، سألته خائفة أن يكون قد استيقظ وهي تبحث أو تفتح الباب لروز، سألته وكانت حروفها تهتز كمن قتل قتيلاً:

- إنت.. إنت صحيت إمتي؟

تظاهر بجهله بما حدث وكأنه استيقظ تواء، ثم أجابها:

- لسه حالاً أهوه.

سحبت شهيقاً طويلاً، ثم زفرت وقالت بغبطة:

- كانوا كام ساعة حلوين، بس أنا هامشي بقى علشان الوقت اتأخر أوي.

اقترب منها قليلاً وأمسك بذراعيها لكن تلك المرة كانت مختلفة، أوشك أن يكسر عظامها اللينة حتى صرخت من شدة الألم قائلةً:

- بتعمل إيه؟ براحة مش كدا يا سائر إنت اتجننت؟

بالفعل لم يتحكم بأعصابه ولم يتمالك نفسه، أرخى يديه بعد صراخها، ثم قال:

- لسه السهرة طويلة.

- لا لا طويلة إيه! أنا ماشية.

حملت حقيبتها مسرعة، منعها واقفاً أمامها، سألها متظاهراً بعدم الفهم:

- أنا إيه اللي خلاني نمت كدا وفي وقت زي دا؟

قالت بارتباك:

- مش عارفة.. أنا... أنا كمان استغربت.. ممكن تكون مرهق..

هامشي بقى؟

- لا تمشي إيه؟ استني عندك.

قالها بعد أن دفعها على السرير بوجهٍ مقتضب، خرج مسرعاً وأغلق الباب بالمفتاح، ثم ألقى المفتاح بغضبٍ في المزهرية، عاد للغرفة فوجدها تجلس في أبعد ركنٍ بالسرير وقد ضمت رجليها إلى صدرها وقيدتهما بذراعيها وتنظر إليه بخوف، اقترب منها وأمسك شعرها بقوةٍ ناظرًا إلى عينيها، أخبرها بنبرةٍ تحذيرية:

- إنتي مش بتلعي معايا، إنتي بتأذي نفسك ومش مقدرة ولا فاهمة حجم اللي عملتيه.

لم تُجبه بكلمة، بدأت نوبة من البكاء كالأطفال، لم يتوقف سائر عن الصراخ في وجهها وهي تزداد بكاءً، سألتها بقسوةٍ وصوتٍ غليظ:

- المسدس فين يا رهف؟ روز خدته وراحت فين؟ انطقي علشان تنقذي نفسك من تحت إيدي.

أرهبتها لهجته فانتفضت ولم تخبره بشيء، كانت على يقين بسبب جحوده وقسوته أنها إذا ذكرت اسم ميرا سيؤذيها لكنها ظلت صامته.



رويداً رويداً يتلاشى من نفوسنا اليقين في أي شيء، تشعر وكأن جسدها يهوي من قمة جبل، جسدها وعقلها وأفكارها يسقطون تدريجياً حتى قاربوا من الارتطام بقاع الواقع، ذلك القاع المظلم الذي يتجنبه كل من يعاصر هذا الواقع، يتجنبونه ببعض الأوهام؛ كالتفاؤل والأمل والمثابرة ولكنهم كما ذكرت؛ أوهام!

فمهما طالت مدة الصبر والتأني سيصطدم كل منا بتلك السحابة السوداء، سيبقى بداخلها حتى يفقد بصر قلبه وعينه، يفقد القدرة على مواجهة الحقيقة ومحاربتها، فتصبح هي الأقوى؛ السحابة السوداء أو كما ادعوها فضلات عبث الواقع.

هذا ما حل بأمل، لم تعد تعرف من هي وما الذي يحدث لها؟ ما كان يُسيطر عليها هو خوفها من الوصول إلى الشعور باللا شيء، اللا مبالة.. فقد تم استنزاف جميع طاقاتها الحيوية، منهكة نفسياً وجسدياً، اللا مبالة

مشاعر كامنة داخلها لكنها تهرب من حقيقة وجودها، تعلم أن عشقها  
لسائر ذنب، لكن من الواضح أنها تعشق المعصية حين تتعلق به.  
تبكي ولا تعرف أين دمعتها.. دموع.. خيبات.. آهات.. انتكاسات..  
صرخات.

أصبحت تكره ذاتها حين تشتاق لشخصٍ هي على يقين أنه لن يشتاق  
إليها، اللعنة على حبها، لم تعد تتحمل رؤية مكان جمعها به يوماً..  
دق والدها على باب غرفتها والساعة قد اقتربت من الثانية عشر  
منتصف الليل ليطمئن عليها؛ لكنها لم تُجب كعادتها، دق مرةً أخرى  
بصوتٍ أعلى لعلها نائمة، لكنها لم ترد أيضاً، شعر بالاضطراب ففتح  
الباب بدون تردد، صرخ صرخةً قوية فزعاً مما رأى؛ استيقظ على إثرها  
كل من بالمنزل، أمل غائبة عن الوعي، جسدها مفروود أرضاً وييمينها  
زجاجة صغيرة من الواضح أنها مهدئ أو مُنوم!

إذا إنها تعيد مأساة صديقتها مريم!

أتت أمها وأختها مسرعتين وقد انهارتا من البكاء، أمسك والدها  
بالهاتف مسرعاً ثم اتصل بالإسعاف، لم يمر عشرون دقيقة وكانت سيارة  
الإسعاف قد أتت، حملوا الفتاة وانطلقوا إلى إحدى مستشفيات المعمورة.

خرج الطبيب مقتضب الوجه، ثم قال لوالدها:

- حضرتك والدها؟

- أيوه أنا أبوها، بنتي كويسة؟ طمني يا دكتور.

- بنتك الحمد لله بخير، إحنا عملنا لها غسيل معدة وعدت

الخطر.

أخذت والدتها شهيقاً طويلاً معلنة الاطمئنان، اصطحب الطبيب والد أمل إلى مكتبه ثم أشار له بالجلوس، أخذ نفساً طويلاً قبل أن يبدأ حديثه، لكن ذلك التمهيد لم يفعل سوى زيادة القلق بقلب والد أمل، بدأ الأستاذ صبري حديثه بنبرة توتر:

- خيراً يا دكتور قلقنتني على أمل.
- الحقيقة إن الموضوع مش قليل، مش حاجة عابرة كدا وهتعدي..
- تقصد إيه يا دكتور؟!!
- استجابتها بطيئة جداً وواضح إن العامل نفسي.
- طأطأ الأستاذ صبري رأسه حزناً مما فعلته ابنته مجيباً:
- طبعاً يا دكتور، أوامال حاولت تنتحر ليه.
- مش قصدي خالص، أنا أقصد إنها ها تحاول تعملها تاني وتالت وعاشر لو المشكلة اللي عندها ماتحلتش، ولو ها تعمل بنصيحتي، لازم تتابع مع دكتور نفسي، لحقتها مرة وربنا ستر، الله أعلم المرة الجاية ها تبقى شكلها إيه.



كانت ميرا قد أعدت حقيبتها مسبقاً استعداداً للرحيل، ستذهب إلى حيث وُلدت ونشأت، ستذهب إلى حيث خُدت، ستذهب إلى حيث والدها!

بين المعمورة ومطار «برج العرب» بالإسكندرية حوالي ٧٠ كيلومتر، أي من ساعة وربع إلى ساعة ونصف، حصلت ميرا على تلك المعلومات

عن طريق «Google Maps»، ميعاد طائرتها كان في الرابعة فجرًا، بعد استحوادها على المسدس لم تفكر بأي شيء سوى بكيفية إخفائه إلى أن تعود.. تبقى سويقات قليلة على طائرتها، قامت بتوصيل روز إلى الفندق حيث تمكث، وانطلقت إلى ذلك المنزل الذي قد احتفظت بمفاتيحه لحين احتياجها للذهاب هناك؛ إنه منزل رامز، ذهبت لتُخبئ المسدس مسرعةً قبل ذهابها إلى المطار.. نعم كانت قد ودعت رهف مسبقًا، لكن لم يكن بحسبانها أن يحتجز سائر صديقتها رهف، بل كانت تعلم أنها ستبقى عنده لتلك الليلة فقط ثم تغادر في الصباح مسرعة، خبأت المسدس، ثم انطلقت إلى المطار، لكن بعد حديثٍ مع والدة رهف استمر لمدة نصف ساعة بأكملها!

تذكرت ذلك الحديث بعدما استقرت بمقعدها بالطائرة، نعم كانت تحتاج لكلمات صافي، كانت تحتاج للكثير من الطاقة التي تبثها في أوردتها، فبعد أن ودعت المنزل واستنشقت أنفاس رامز التي لا زالت تعبئ المكان؛ ذهبت إلى منزل رهف لتأخذ حقيبة سفرها، رأتها والدة رهف في الواحدة والنصف، لا لم تكن صدفة فصافي انتظرت قدومها لكي تودعها، نظرت لها نظرةً يشوبها الحزن والدمع، تفوهت باسمها معلنةً طلبها للحديث مع ميرا:

- ميرا، تعالي يا حبيبتى.

تقدمت واتجهت يدها إلى مفتاح الإضاءة؛ فالصالة كانت معتمة تمامًا، جلست بجوارها قائلةً في شجن:

- ها توحشيني يا صافي، بس أنا مش هتأخر عليكى.

- عارفة إنك مستحيل ما ترجعيش.

صمت، ثم استطردت بقوةٍ بعد أن كبحت دمعات عينيها التي  
أوشكت على السقوط:

- أنا حاسة باللي انتي فيه، مش هكذب عليكى واقول لك مريت  
أولاً، كل اللي أقدر أقولها لك بالظبط إن اللي فيكى في بنتي،  
ومحدثش ها يحس ببنتي أكثر مني، رهف بقالها يومين مش  
كويسة، جواها حاجة أكبر من موت رامز وأكبر من صدمات  
كثير قابلتها، أنا متأكدة إن الحاجة دي ليها علاقة باختفاءها  
الزايدها، وانا عايزة اطمن على بنتي، وإلا هاضطر أبغ البوليس.  
- رهف ها ترجع بالسلامة يا صافي، وأرجوكى ماتحاوليش  
تدخل طرف تالت، أرجوكى ما تهوريش.

- بقالها أكثر من يوم بره من غير مكالمة واحدة، وانتي بتقولى ما  
تهوريش؟ دي بنتي، بنتي يا ميرا، ولو انتي وهي عايزين حق  
رامز فأنا مش مستعدة أضحي بواحدة فيكم!

تأملت ميرا كلماتها الحنونة المشوبة بحدةٍ وقلقٍ مُتسائلة بداخلها عن  
سبب عدم رغبة صافي في التضحية بها هي الأخرى، خوف صافي غير  
مقتصر في تلك اللحظة على رهف فقط، وإنما على ميرا أيضاً، لم تشعر  
بتلك الأحاسيس من قبل، دفء الأم، وعشقها الذي يبدو في عينيها  
ولمساتها وكلماتها، لم يصلها ذاك الشعور إلا في كلمات صافي، أجابتها  
ميرا مُحاولَة تهدئة نار قلبها:

- لو ما رجعتش خلال اليومين الجايين اعلمي اللي يريحك لكن  
أرجوكى اصبري.

سالت دمعاتها مُتأملَة عيني ميرا في صمتٍ استمر لدقائق، ثم أجابتها:  
- تيجي بالسلامة يا ميرا.



## 6

مر يومان؛ يومان من الاستجواب؛ يومان من الصمت؛ يومان من الوحدة والقلق، فكان دائم الاستجواب، يسألها بكل الطرق الممكنة ليحصل منها على معلومة، لكن الصمت أصاب رهف، أصاب لسانها وأوتار صوتها، لن تخبره بأن من وراء كل هذا ميرا؛ فهي شريكها وقررت تحمل عواقب كشفه لها، يومان من الوحدة التي اعترت صافي قلماً على ابنتها، ابنتها لم تعد.

يومان متغيبية ولم تعد بعد، لكنها تحلت بالصبر الكافي ل تنتظر وتشاهد ماذا سيحدث؟ تقدم سائر بعض الخطوات والتي كان من الواضح عدم اتزانها؛ فشعره غير مرتب ومبعثر عشوائياً، يسيل من ثغره وكأسه قطرات زيتية تنساب طولياً، حتماً إنها معشوقته الأولى.. الخمر!

قدماه تلتفان حول بعضهما، يسقط أرضاً ومن ثم يحاول الوقوف والثبات مجدداً ممسكاً بالحائط، ظل على هذا الوضع إلى أن اقترب من قدميها المقيدتين على الأرض، أبعد الملاءة عن ساقها، واقترب بسببته ببطءٍ وبدأ يتحسس ساقها اليمنى فاستيقظت مدعورة، نظرت إليه

باضطراب، أنين صدرها كان عاليًا لكنه لم يكن كافيًا ليخمد عاصفته،  
حقًا كان عاصفًا كالبحر!

اقترب منها أكثر ونظر بعينها نظرةً غائرة، اتسعت حدقاته وتبدل لون  
عينيه فأصبحت شديدة الحُمرة، وبدون مقدماتٍ أمسك عنق قميصها  
بيدٍ، ثم أمسكه بكلتا يديه، وبأقوى ما لديه مزق القميص إلى نصفين  
حتى بدا نصف رهف العلوي عاريًا تمامًا، صرخت بقوةٍ فلحق بها كفه  
على فمها يمنعها من الصراخ إلى أن هدأت، نهض واتجه إلى الدولاب  
وأحضر إحدى تيشيرتاته القديمة، مزَّقه لأكثر من قطعةٍ وقام بطي إحدى  
القطع عدة طيات ووضعها في فم رهف، بات صوت صراخها بالنسبة له  
في قمة الإزعاج، لهذا قرر التخلص منه!

حرر قدميها بعد أن قيد ذراعيها للخلف، خلع كنزته السوداء واقترب  
منها مرةً أخرى، ولكن تلك المرة ألصق صدره العاري بصدرها، هدأت  
رهف إلى أن استجمعت شجاعته وركلته بركبتها اليسرى فانشغل بالم  
بطنه، نهضت مسرعة بعد انسحابها من تحته، أسرعت بخطواتٍ عشوائيةٍ  
صوب الباب، لكن ذراعيها المقيدتين منعها من فتح الباب، حاولت  
فتحه بفمها لكنها فشلت بسبب تلك القماشة التي أغلق بها سائر ثغرها،  
صرخت صرخات مكتومة وبدأت بتكسير كل ما رآته بالصالة بقدميها،  
استدارت.. يا للهول! سائر مرةً أخرى! حاولت الهرب منه بأركان المنزل  
لكنه أمسك بها وجذبها من ذراعيها إلى فراشه.. ألقاها بقسوةٍ فارتطمت  
رأسها بظهر السرير، رأسها تنزف على الوسادة لكنه لم يكثر لهذا الأمر،  
قيد قدميها مرةً أخرى وأحضر زجاجة النبيذ وجلس بجوارها محيطها  
بذراعيه، ارتشف من الزجاجة القليل، وبنظرةٍ شهوانية جافة بدأ في صب

النبيد الزيتي على رقبتها، ومن ثم صدرها العاري إلى أن فرغت الزجاجة بأكملها على جسدها.. ألقى بالزجاجة أرضاً فانتشر زجاجها المكسور على الأرض، أمسك شعرها بيمينه بعنفٍ وبدأ تقبيل رقبتها بطريقةٍ جنونية حتى ظهر على رقبتها علامات تورم، تدريجياً كان يهبط إلى صدرها وصولاً إلى نصفها السفلي.. شيء من العجز أصابها، لا تستطيع الصراخ، لا يمكنها الدفاع عن جسدها، نظرت إلى الأمطار خلف زجاج نافذة الغرفة، لا يعترىها سوى البكاء، فعيناها كانت تهطل أمطاراً أغزر من أمطار سماء تلك الليلة.. تلك الليلة البائسة التي لم تخلُ من الألم!



برغم أنهم في فصل الربيع حيث تلك الألوان الرائعة والأزهار والأشجار والسماء وغيرهم من مظاهر ذلك الفصل إلا أنها كانت ليلة عاصفة، ليس بمصر فقط.. ولكن في مكسيكو أيضاً، النوم لم يحن موعده بعد، عينا ميرا المرهقتان ينتظران قدوم أبيها، نظرت لما خلف الزجاج من أمطارٍ تشبه دموع رهف في تلك اللحظة!

تأخر والدها كثيراً، لكنها لم ولن تمل من انتظاره، الأهم هو قدومه، الآن قد اتخذت قرارها الذي فصل حيرتها بعدلٍ يُرضي قلبها، تتوهم فقط أنه سيريح قلبها، لكن الحقيقة أنه منذ اليوم الذي ذهبت فيه ضحكات وصوت وملامح ورائحة رامزن تدخل الراحة قلبها مطلقاً، تسمع صوت الباب، نعم بالطبع هذا أبوها، أغلق الباب خلفه وتقدم بخطواتٍ هادئة، خلع جاكيتة الجلدي الأسود ودخل إلى الصالة.. لا بل فناء منزله الرائع، نعم فهي ليست بالصغيرة، كانت أشبه بفناء مدرسةٍ واسع أو ملعب كرة قدم صغير!

رأت ميرا بطرف عينيها مقدمة حذائه الأسود اللامع، لم تحاول لفت انتباهه؛ فقد التفت لها بنفسه بعد أن سمعت قدمه تصطدم بالأرض:

- بابا.. اتأخرت كدا ليه؟

قالتها بوجهٍ مقتضب، فأجابها والدها مستنكراً:

- كان عندي شغل كثير، المهم متضايقه من إيه؟

- ممكن حضرتك تتفرغ لي خالص علشان عايزة أتكلم معاك شوية؟

- أنا مرهق، ما ينفعش الكلام دا يتأجل؟

- لأ هو مش بالتفاهة دي علشان يتأجل، هي حاجة ضروري نتكلم فيها.

جلس فريد مستسلماً لحديث ابنته الذي من الواضح أنه غاية في الأهمية ولن تقوم بتأجيله، زفر فريد ثم قال:

- خير.

أخذت شهيق الاستعداد ثم تركته وذهبت، تركته في حيرةٍ ليس لها بداية أو نهاية، سألها متعجباً:

- رايحة فين يا ميرا؟

لم تجبه على سؤاله، لكنها عادت بعد لحظات وأخرجت هاتفها، بدأت تعبت وتقلب فيه قليلاً إلى أن وصلت إلى هدفها، أعطت والدها الهاتف وأخبرته أن يفتح مقطع الفيديو الذي أمامه، أمسك الهاتف وقام بفتح المقطع قلقاً.

- جبتيه منين وازاي؟

قالها فريد وقد تغير لونه وأصبح كالهارب من أحكام، بدأ يتصبب  
عرقاً وازدادت كلماته توتراً واهتزازاً، فبدأت ميرا حديثها بقوة:

- إيه إحساسك دلوقتي بعد ما عرفت كل حاجة؟ وان كل العزدا

حرام، عرفت إن اللي شغال معاك سائر، سائر اللي انت خليته

يقرب مني، سائر اللي خد فلوس مقابل إنه عينه عليا ويبطمنك،

سائر كلب الفلوس يا فريد باشا!

ابتسمت له ابتسامة سخرية بعين دامعة، وأكملت:

- أقول لك كمان عرفت إيه ولا كفاية؟

سكتت للحظات، ثم استطردت:

- عرفت إن إنت اللي ورا قتل رامز، رامز الشخص الوحيد اللي

حبيته واخترته، إنت إيه؟ شيطان! مش عايز لي السعادة أبداً،

في الأول بعدت عني أمي، وعودتني ع الوحدة، ومؤخراً أخذت

مني أكثر حد قرب مني ولقيت سنيني وطفولتي معاه.

أكملت بعد تنهيدة بنظرة حادة وحاسمة لما تقول:

- ودلوقتي أخذت مني أبويا كمان يا فريد باشا.

- أنا ما قتلتش رامز، والله ماليش دخل بقتله.

ضحكت ميرا بصوت مرتفع وأجابته:

- إنت بتحلف بربنا! إيه دا هو انت تعرفه أساساً؟

- يا بنتي ما تظلمينيش.

قاطعته مستنكرةً:

- أظلم مين؟! إنت اللي ظلمت نفسك وظلمتني قبل منك، إزاي

تعمل فيا كدا؟ المفروض إنك تحميني وتحافظ عليا وتبقي

جمبي من غير ما أكون مضطرة أقول لك، المفروض لو في  
حواجز بيني وبينك تدمرها مش تدمرني أنا.

كلما حاول أن يتحدث أسكته قذائف ابنته، نعم كانت تؤلمه بكل  
حرفٍ تنطق به، لكنها لم تستطع كبح مشاعرها عن الحديث وإخراج ما  
بداخلها، أكملت بعد أن بدا عليه مظاهر الضعف وقد ظهر على صوتها  
الغلظة:

- أنا مش هسكت واخبي اللي عندي علشان اسمك اللي ورا  
اسمي في شهادة ميلادي، الاسم دا ولا ليه أي أهمية، إنت أناني  
وعايز نجاحك واسمك وفلوسك؛ فلوسك الحرام، أنا نيتك دي  
هي اللي مسحت أي أهمية ليك في حياتي، أنا نيتك ووساخة  
سائر، أنا ما شفتش تفكير أرخص من كدا.

تجمعت الدموع في عينيها، استمرت في حديثها المؤلم فيما يقرب  
من ساعة، أمسك فريد بيد الكرسي محاولاً الحفاظ على توازنه لكنه  
فشل، سقط أرضاً بدون مقدمات، ارتطمت رأسه بالكرسي فتوالى النزيف،  
نظرت له بقلب متحجر، لا تعرف ما الذي جعلها لا تأتي مسرعةً وتنقذه؟  
لا تعرف ما ذلك الجمود الذي أصابها!؟

أمسكت بالهاتف ووبرودٍ شديد هاتفت المستشفى طالبةً سيارة  
إسعافٍ لتتنقل والدها إلى هناك، وصلت سيارة الإسعاف وحملوا والدها  
إلى السيارة ولكنها رفضت الركوب معهم وفضّلت الانتقال إلى هناك  
بسيارتها، مضوا إلى المستشفى وذهبت ميرا لتُبدل ثيابها، وضعت القليل  
من الكحل لتبرز جمال وقوة عينيها، ثم انطلقت إلى أبيها.



«كل دا كان ليه؟ لما شفت عنيه»، ترددت كلمات «مأمون الشناوي» التي داعب صوت محمد عبد الوهاب بها أذن وقلب وحواس أمل، وقفت في شرفة غرفتها بالمستشفى في ذلك الرداء الأبيض كالملائكة، شعرها المتطاير بسبب مداعبات الهواء له، ووجهها الذي لا يحمل أية ذرة من ذرات وسائل التجميل، حقًا كانت كالملائكة!

تنهدت تنهيدةً طويلة، ثم التفتت لتجد باقةً رائعة من الزهور قد وضعتها الممرضة على الطاولة البيضاء الصغيرة، اقتربت منها معتقدةً أن من أرسلها هو سائر، وحتماً هو قادم لرؤيتها الآن، استنشقت رائحته الرائعة، فكان من نوع «التوليب»، ذلك النوع الذي لطالما عشقته أمل، لكنه لا يعلم بعشقتها للتوليب! لا بد أنه سأل أمها أو حتى سمر، لا يهم؛ فالمهم أنه تذكرها، المهم أنه اهتم بما تحب، فهي كالكثير من الفتيات اللواتي يعشقن الأزهار، لكن القليل منهن من يعشق التوليب ويتحلى بصفاته! أمسكت بالجواب الموضوع داخل باقة الأزهار وفتحته في لهفة: «عرفت من مريم وكلامها الكثير عليكي إنك بتحبي التوليب، كان صعب أجيبه، بس قلت يمكن أكون سبب في فرحتك شوية، اعتبري إن مريم هي اللي بعتاه، سلامتك يا أمل.. أحمد».

أيتذكرها أحمد ويتذكر ما تحب ولم يفعل خطيبها؟ قاسية جداً تلك اللحظة التي تبتسم فيها بسخرية على شيء خاب ظننا به، مشكلتها التي أدركتها الآن أنها تنتظر من الناس الأمور التي لن يستطيعوا فعلها، وفي كل نهاية خيبة أمل؛ أدركت أيضاً أن لا شيء أجمل من الصمت عندما تخيب الظنون.

دخل والدها مبتسمًا، ثم احتضنها قائلاً:

- حمد الله على سلامتكم يا حبيبتي.

- الله يسلمك يا بابا.

لاحظ والدها فتور إجابتها وبؤس ملامحها فسألها:

- مالك يا بنتي؟

- هو سائر مجاش يا بابا ولا اتصل؟

نظر أبيها إلى الأزهار هاربًا من سؤالها، ثم قال:

- جميل أوي الورد، مين اللي جاييه؟

- أحمد.

- خطيب مريم الله يرحمها؟

- أيوه، وما تهربش من سؤالي، سائر فين؟

- يا بنتي أنا نفسي معرفش هو فين، لا اتصل ولا حاجة، كلمته

علشان أقول له بس موبايله غير متاح طول الوقت، أععمل إيه؟

علم والد أمل أن كلماته قد زادت آلامها فأكمل:

- أنا آسف يا بنتي مقصدش أزعلك، بس ما هو يا اسكت يا أقول

لك الحق.

- مش ذنبك، عادي.

- يا أمل سيبه واخلصي من وجع القلب دا، خليه يشوف حاله

وانتي تشوفي حالك يا حبيبتي.

- لأ يا بابا، ماتقولش الكلام دا تاني، دا كل حاجة في حياتي،

جايز مشاغله كتير، جايز في صفقة مهمة، مش حاجة زي دي

يعني اللي هاتخليني أسيبه.

- كفاية بقي ما تكديش على نفسك أكثر، حب إيه اللي يخليكي تدوسي على كرامتك وتصبري كل دا؟ ملعون أبو الحب اللي يعمل فيكي كدا، ما تحطيش نفسك تحت رحمته وترجعى تقولي لي مشاغله وصفقاته ومش عارف إيه! المرة دي حاولتي تنتحري، المرة الجاية إيه اللي ها يحصل يا أمل؟ إنتي بتكابري ليه؟ فوقى يا بنتي فوقى، محدش خايف عليكى ولا قلبه واجعه عليكى قدي.

يتميز عشاق التوليب عن غيرهم بشخصية ناعمة وحنونة، ذو قدرة رائعة على العطاء بدون انتظار مقابل، تعود قصة التوليب في كندا إلى عام ١٩٤٥ قبيل انتهاء الحرب العالمية الثانية، إذ استقبلت كندا في ذلك الوقت الملكة «جوليا» ملكة هولندا التي تركت بلدها إثر اندلاع الحرب، واستقبلها الكنديون في بلادهم بروح رائعة كريمة ومنحوها مساحة من الأرض لتكون أرضاً هولندية حتى تستطيع أن تنجب ولي العهد في أرض هولندية، كما ساهموا أيضاً في تحرير هولندا.

وعرفاناً منها بجميلهم أرسلت الملكة لهم مائة ألف زهرة توليب ليزرعوها في بلادهم، حقاً يا لذلك التواضع والعطاء والحب بين الشعبين! نعم فأمل تُشبه تلك الزهرة الرائعة إلى حد كبير، لكن هناك من سعى ويسعى لتدمير تلك الزهرة وكبح ظهورها للحياة مرةً أخرى، وها قد تملكتم منها اللامبالاة، تضحك وتلهو ولا تُفكر بشيء، لا تهتم الآن سوى بإطعام عصفيرها وإمساك الفرشاة والألوان وتلوين كل شيء رآته أمامها، أصابها التبلد، تتحدث بصوت عالٍ ولا تكثرث لأحد، تغضب كالأطفال لأنفه الأسباب، لا تدري أنها تهوي إلى القاع، سقطت في حفرة أفكارها، وعلى الأرجح أنها ستذهب إلى أعماق نقطة ولن تعود!

هذا ما لم يدركه أحد، اختلف آرائهم في تشخيص ما أصابها؛ فاعتقد والدها أنها تحاول أن تُبدل ما حدث بحياتها طوال الفترة الماضية، بينما اعتقدت أختها أنها استعادت عقلها وستبدأ في التفكير في ما يفيدها ويُصلح مستقبلها، مَنْ أدركت فقط أنها ليست بطبيعتها هي والدتها، بالكاد الأم هي مَنْ تشعر بما يدور بداخلنا بدون حديثٍ أو إفصاح عنه، عادت إلى المنزل بعد عدة أيام مكثتهم في المستشفى، ولم تسأل قط عن سائر أو عن أخباره التي انقطعت، في الحقيقة لم تبالٍ لأمره، حتى إن أهلها اعتقدوا أنها نسيت وجوده، فوجوده كغيابه بالنسبة لها.



دق أحدهم على الباب بعنفٍ عدة مرات إلى أن خرجت صافي صباحًا وفتحت الباب قلقة، ما هذا الذي تراه؟! أيعقل أن يكون حقيقياً أم هي في غير وعيها؟ لا بل ما تراه أخبرها أنها هي في الواقع، صرخت عندما رأتها ممزقة الملابس، شعرها المتداخلة خصلاته عشوائياً، الأسود القاتم الذي يحيط بعينيها، آثار أظافر على ذراعيها وخدوش وجهها المتناثرة في أنحاءه، في الواقع بدت علامات تلك الرغبة الحيوانية الجامحة على جسدها، نعم إنها رهف!

سقطت رهف بين يدي والدتها في حالةٍ يرثى لها، احتضنتها صافي وأدخلتها الغرفة في بكاءٍ شديدٍ وأسئلةٍ لم تستطع الفتاة أن تجيب عليها، أخذتها إلى المرحاض لتزيل أوساخ جسدها بالمياه، بدت الأوساخ لرهف كما الأوجاع، نعم إنها أوجاع جسدها، بعد أن أنهت صافي تنظيف ابنتها أحضرت إحدى ملابس النوم الخاصة بها، كان قميصاً قصيراً يصل حد الركبتين ليس أكثر بدون أكمام، تعمدت إحضاره فضفاضاً وقصيراً وبدون

أكاما لكي تقوم بتضميد جراح جسد رهف، أجلستها على سريرها، ثم أحضرت طبق مياه دافئة وكمية لا بأس بها من القطن، وبدأت في وضع تلك القطع من القطن على خدوش ذراعيها، لا تؤلمها جسدياً لكن كلما وضعت صافي يديها على جروح ابنتها كانت تبدأ في إصدار الآهات، فتلك أوجاع ما فعله سائر بها، أوجاع عجزها عن الهرب من بين يديه، أوجاع قسوته على فتاةٍ وانتهاكها بلا رحمة، بل كان أكثر من هذا وجع ذلك الجسد التي أقسمت وعاهدت نفسها أنه لن يقترب منه سوى رامز! كيف خاطرت ودخلت منزل سائر وحدها غير مبالية بما سيحدث أو من الممكن أن يحدث، نعم فقد صوّرها عقلها أنها قادرة على السيطرة على سائر أو الهرب منه في حالة الخطر، ولكن ما حدث أنها هربت منه بعد وقوع ما كانت تخشاه، انتهت رهف لبكاء أمها بعد ساعة متواصلة من الحديث بجوارها ورهف لا تجيب، أخبرتها رهف أن تكف عن البكاء وأن كل شيءٍ على ما يرام، نعم فرهف لا ترغب في ضياع ما فعلت من أجل رامز وميرا عبثاً، قررت في قرارة نفسها أنها ستكمل المعركة لنهايتها، بل سيكون موت سائر على يديها!

هكذا أقسمت رهف، ازداد كرهها له أضعافاً مضاعفة، ازدادت رغبة الانتقام إلى حدٍ لم تكن تتوقعه، انسابت دمعات رهف وعقلها يسترجع آخر لحظاتها في ذلك المنزل البائس، كانت إحدى أصعب لحظات حياتها؛ الفرار من بين يدي ذلك الجاف عديم الإحساس المتجرد من آدميته، انتهزت لحظة غرقه في النوم وكان قد حرر قيودها ونسي أن يربطها مجدداً قبل نومه، نعم تتذكر جيداً أين وضع مفتاح المنزل، نزلت من السرير ببطء؛ كي لا يشعر بها سائر، كما أيضاً أن عظامها كانت

غير قادرةٍ على الحركة، سارت بهدوءٍ شديد نحو الصالة وهي تتأرجح كالسكير وتمسك بالحائط وبأطراف أثاث المنزل كي لا تسقط، رأت أمامها المزهرية التي وضع بها سائر مفاتيح المنزل؛ فقلبتُها رأسًا على عقب حتى سقط المفتاح أرضًا.

أحضرتُه وقامت بفتح الباب والفرار حتى بدون الحصول على حذائها، لم تحصل سوى على هاتفها الذي رأتَه بجوار المزهرية في الصالة، كان صباحًا قاسيًا، يرمي بها بكل اتجاهٍ بدون رحمةٍ أو شفقة، يستعمر الراحة من بين ضلوعها، آخر صباحٍ مرعبٍ لها بمنزل ذلك الحيوان! أمسكت بهاتفها لتهاثفَ ميرا وتطمئنَ عليها، بحثت في لائحة الأسماء عن اسمها حتى وجدته؛ فضغطت عليه وصدر رنين بعد ثوانٍ معدودة:

- ميرا، إزيك.

- كويسة يا رهف، إنتي أخبارك إيه؟

سكتت رهف لبرهةٍ، ثم أجابتها بصوتٍ منكسر:

- موجودة يا ميرا موجودة، عملتي إيه مع فريد بيه؟

- كلمته في كل حاجة.

- طب وإيه اللي حصل؟ كملي.

- من يومها وهو في المستشفى، غيبوبة ومصحيش منها لسه.

شهقت رهف مصدومةً مما سمعت، ثم أجابتها:

- وها عملي إيه؟ كدا حاجات كتير ها تقف لحد ما يفوق.

- هاستنى، هو عمومًا وجوده من عدمه مش فارق معايا، أنا بس  
حببت أواجهه قبل ما أقوم بأي إجراء، يمكن الوقت يكشف  
لي حاجة تانية، يمكن.

- والله يا ميرا اللي تشوفيه صح اعمليه، محدش ليه حق إنه يلوم  
عليكي في أي تصرف.

- تفتكري سائر ها يجي هنا ولا ها يستنى في مصر؟

سائر! أتذكر اسمه مجددًا أمامها؟! أصبحت رهف تكرهه أكثر من  
الشیطان، فبمجرد ذكر اسمه أمامها يبث الرعب ورغبة الانتقام في آنٍ  
واحد بجسدها، أفاقت رهف من غفوتها على صوت ميرا تناديها في  
الهاتف:

- يا رهف، رحتي فين؟

- معاكي.. آسفة.

- مالك يا حبيبتى، حاسة إنك مش مضبوطة وبتهربي من الكلام  
عن سائر فهميني.

أجابت رهف على سؤال ميرا عن سائر متجنبةً الإجابة على استفسارها  
الأخير:

- هو لو غبي ها يستنى في مصر؟! بالعقل كدا المفروض إنه ها  
يهرب، أقلها ها يرجع المكسيك.

- رهف، أنا عارفة كل دا كويس ردي عليا، مالك؟



- آسفة يا رھف هقفل علشان في تليفون من المستشفى، غالباً بابا فاق.

قالتها ميرا قبل أن تبدأ رھف حديثها عما حدث لها؛ فقطعت حديثها مع صديقتها وأجابت على مكالمة المستشفى:

- أيوه أنا ميرا فريد.

- .....

- حاضر هاجي حالاً، بس ها ياخذ قد إيه علشان يخرج؟

- .....

- ليه كل الوقت دا؟

- .....

- تمام تمام شكراً.

ارتدت ميرا ملابسها وذهبت للمستشفى، فقد أخبرها الطبيب أن والدها قد استعاد وعيه، ولكنه لا يمكنه الخروج الآن لأن حالته الصحية لم تتحسن بعد، دخلت المستشفى بخطواتٍ بديعة وفاتنة، وصلت إلى باب الغرفة التي تم احتجاز والدها بها، لكن منعها شخص ما من الدخول مُزيلاً يدها من على مقبض الباب، أدركت أنه المحامي الخاص بأبيها بعد الالتفات إلى وجهه، إنه السيد «نوح الطناني» محامي مجموعة شركات «فريد الخولي» وصديق عمره أيضاً، رجل ذو بشرة بنية، قامته الطويلة وأنفه المفلطح جعلته مميزاً بين الأجانب؛ فكل من رآه أدرك من هيئته أنه رجل شرقي من الطراز الأول!

- تعالي يا ميرا سيبه يرتاح، واما يقوم نبقي ندخل نظمن عليه.

- حاضر يا عمي.

نعم اعتبرته ميرا منذ نعومة أظافرها أنه شقيق والدها، لم تناديه قط إلا بعمي.

ذهبا سويًا إلى الكافيتيريا الخاصة بالمستشفى بعد طلب نوح بأن يتحدث معها قليلاً، طلب من النادل كوبين من القهوة الفرنسية، وبدأ حديثه بسؤاله عن أحوالها الصحية، وبعد أن أخبرته أنها بخير استطرد:

- دلوقتي فريد حالته الصحية في تدهور مستمر ومفيش تحسن،  
ها نبقي واقعيين ومش ها نكذب على بعض، وفي حاجات  
لازم تعرفيها لأن دا من حقتك، المهم عايزك دايماً متماسكة  
ومفيش حاجة تأثر عليك.

قالت ميرا ويبدو أنها كانت تُحدث نفسها بصوتٍ عالٍ:

- لسه في إيه تاني ها يآثر عليا؟

- بتقولي حاجة؟

- لا لا أبداً، كمل يا عمي.

- فريد، مش أبوكي يا ميرا.

كلمات صفت ميرا مرةً أخرى على وجهها وقلبها، سنوات تربت فيها بين ذراعي شخص ليس بأبيها، ألن يكف فريد عن إيذاء روحها وإحداث شروخ لن تُشفى مطلقاً؟ يبدو أنه أعجبه تلك اللعبة؛ يُمزق أحشاء روحها وأفكارها وينظر مبتسماً من بعيد أستصمد أم سينتصر السقوط؟ ولكن ما حدث الآن هو ما لم يكن يتوقعه نوح؛ فكلماته لم تُحرك بملامحها وحواسها ساكناً، صامته تنظر له بإصغاءٍ واهتمام لما يقول، وتُشير له أن يكمل حديثه، الآن فقط أدركت من أين أتى جفاء مشاعرها عندما رآته يهوي أرضاً:

- أما لورين ولدت ابنها؛ مات بعد شهرين، وبسبب إنها ماتحملتش الصدمة اضطر فريد إنه يتبنى طفل أو طفلة، ساعتها أنا مكنتش جيت هنا؛ فطلب مني أقوم بالإجراءات دي وأسافر له والطفل معايا، وفعلاً نفذت اللي طلبه مني، وجبتك على هنا، أما لورين أدركت بعد صدمة نفسية قعدت معاها سنين إنك مش بنتها، وطبعاً زي ما انتي عارفة أبوكي كل حياته الشغل؛ فكان بيتعامل معاها بإهمال غير عادي، فطلبت منه الطلاق وفعلاً طلقها وأخذك منها وهي وافقت، هو كان اتعلق بيكي أوي وقرر إنه مش ها يسيبك، وكان صعب عليه إنه يقول لك حاجة زي كدا، أول ما فاق من الغيبوبة طلب مني أحكي لك؛ علشان مش ها يقدر يواجهك، مش ها يبقى عنده الشجاعة الكافية إنه يبص في عيونك وهو بيقول كل دا.

قاطعته ميرا عاقدةً جبينها في غضبٍ:

- شجاعة إيه اللي بتتكلم عنها؟ دا أكثر شخص جبان عرفته في حياتي.

- ما تظلميش فريد يا ميرا، هو حبك جداً أكثر من كونك بنته.

- اللي يحب عمره ما يعمل اللي عمله فيا، دا عمره ما كان ولا ها يكون أب.

مؤكد أن ما دار بذهن نوح أن ميرا تقصد إخفاءه أمر نَسِها، لا يعلم أنها تقصد تجارته للآثار وشراكته لسائر وقتله لرامز، فبرغم فترة صداقة نوح وفريد إلا أن (فريد) تعمد إخفاء أعماله القذرة عن صديقه،

لم يخبره قط لأنه يعلم جيداً كيف سيكون رد فعله، ف (نوح) متشدد أخلاقياً، حريصاً على مبادئه، بالكاد لن تثير إعجابه تلك الأفعال.

أكمل نوح حديثه بكلماتٍ اعتقد أنها ستهدئ من روعها:

- فريد كتب كل حاجة باسمك يا ميرا.

زفرت ميرا وأجابته بابتسامةٍ جافة:

- مش عايزة منه حاجة، خليه يشبع بيهم.

نظر لها في صدمةٍ اجتاحتها كلياً، ثم أجابها:

- ما تتسرعيش يا ميرا، اوعي تتسرعي في قرار زي دا.

- مش متسرعة إطلاقاً، ما تقلقش يا أستاذ نوح.

قالت ميرا تلك الكلمات وقد اعترى كلماتها الثقة، نهضت من

مكانها وأخبرته أن عليها الذهاب فوراً لتقوم ببعض الأعمال الهامة.



- دي بقت تضحك وتخرج وتشتري حاجات كل شوية، بقت

تلعب زي الأطفال!

قالتها سمر لرامي وهي تُحدثه في الهاتف مساءً في شرفة المنزل، فقد

كانا يتحدثان عن أمل وعن تحسن حالتها من وجهة نظر سمر، وكانت

سمر تحكي ولا يعترى صوتها سوى السعادة، لكن رأي رامي كان مختلفاً

بعض الشيء، فقد اعترض على فكرة أن حالتها في تحسن أو أنها بدأت

التفكير في نفسها حقاً، فأخبر سمر أن تلك الحالة يطلقون عليها اللا

مبالاة: آخر وأقصى مراحل الألم النفسي، وخطورتها لا تقل عن خطورة

الاكتئاب، وعدم اهتمامها بالسؤال على سائر أكبر دليل أنه أول وأهم أسباب ما أصابها من تبرد غير مبرر!

فآلام العشق تجعل وجودنا في الحياة لعنة لا يمكن الشفاء منها، كالإبحار على زورق بلا مجداف، لا تعرف من أين أنت وأين يجب أن تذهب؟ العشاق ليسوا دائماً في نعيم، خاصةً إذا كان العشق من طرف واحد؛ فالعاشق يكون على ثقة أن قلبه سيلقى مصرعه يوماً؛ فتتحول الفرحة إلى بؤس والبسمة إلى دموع، فقد أتت الريح بما لم يشته قلبها، إنه عذاب في صمت وأسئلة محيرة ستظل بلا جواب، هكذا كان وصف رامى ما أصاب أمل، فما مرت به ليس بالقليل.

قالت سمر في استحياءٍ بعد حديثٍ طويل:

- وحشتني.

- وانتي والله يا سمر، وحشتيني وعائز أشوفك فعلاً.

- بقالك كتير ما جيتش، وماما لسه كانت بتقول لي أقول لك

تيجي بكرة، تيجي؟

صمت للحظاتٍ من الواضح أنه كان يفكر في أمر ذهابه، أجابها بعد

أن اتخذ قراراً:

- خلاص ماشي، هاجي بكرة بإذن الله يا حبيبتى.

مضى ذلك اليوم بعد مكالمةٍ استمرت فيما يقرب من ساعتين لحق بها الكثير من التفكير في كلمات رامى عن ما يحدث لأمل إذاً ربما هو على حق، وربما أيضاً سمر على حق، لكن صغر سن سمر لم يجعلها بقادرةً على استيعاب فكرة أقصى مراحل الألم النفسي.

يوم جديد وربيع جديد، والدة سمر تعد الطعام ورائحته تفوح في أرجاء المنزل، بل أوشكت على الانتشار بالشارع كله، أنهت سمر تنظيف المنزل ووضعت الكثير من الأزهار في مزهرية طاولة المطبخ ومزهرية الصلاة، تلك الأزهار البنفسجية التي تبعث الراحة الجسدية والنفسية لسمر، لقد كانت سمر تفهم حيل الورود؛ فالزهرة الواحدة تعني أنت لي كل شيء، والوردتان تعني لیتنا نساfer سوياً، والثلاث تعني متى سألتقي بك في المرة القادمة؟ أما دلالة الأربع وردات هي «أنا أشكرك»، ربما لهذا السبب لم تضع سمر قط هذا العدد!، الخمس وردات تعني سأفعل كل شيء لأجلك، وهذا العدد الذي قامت سمر بوضعه في المزهرية أكثر من مرة، وقد اتخذت قراراً ألا تضع ست وردات أبداً؛ فهي تعني «أنا أشك في حديثك»، وهي قطعاً تثق برامي ثقةً لا حدود لها، في هذا الصباح كان مزاجها هادئاً وغير مضطرب؛ لذلك قامت بوضع سبع وردات بمزهرية الصلاة، وتلك التي تعني «قطعاً أنا أحبك»، وكانت على ثقة أن رامي سيتفهم دلالة هذا العدد، فمنذ فترة علمته إياها حتى أصبح يتقن فهمها أكثر منها شخصياً، أما ذلك اللون فاخترته لما به من سحر وجاذبية؛ فهو لون الملوك والنبلاء، وضعته لكي يمتص التوتر الذي يحيط بهما في بعض الأحيان!

بدأت سمر ارتداء ملابسها، فارتدت إحدى فساتينها المفضلة، ولكن بحكم أنها أصبحت محجبة؛ ارتدت جاكيتاً قصيراً أسوداً؛ فالفستان كان بدون أكمام، ولأنها قررت سماع ما طلبه منها رامي وتنفيذه كما قامت به على أكمل وجه.

قاربت الساعة الخامسة ولم تخرج أمل من غرفتها بعد، لم تخرج لتأخذ رأي أختها ووالدتها بما سترتدي مثل المرات السابقة، لم تساعد والدتها في إعداد الطعام، لم تذهب إلى عملها، في الواقع كانت في ذلك اليوم كمن ليس له أثر في الكوكب قط!

أيضًا إلى الآن لم يصل رامى إلى المنزل، لم تكن عاداته أن يتأخر هكذا، مرت ساعتان أخريتان ولكن دون جدوى، زاد قلق سمر عليه عندما قامت بالاتصال به عدة مرات ولكن دون إجابة، لا بد أن والدته تعلم أين هو، وماذا أصابه ليتأخر بهذا الشكل، هذا ما دار بذهن سمر حينها قامت بالاتصال بوالدته على الفور:

- أنا سمر يا طنط.. أنا بخير الحمد لله.. هو رامى فين، خير حصل حاجة؟

- لا ما تقلقيش يا حبيبتى، هو بخير بس سافر على طائرة الصبح بره مصر.

- بتقولي إيه؟ سافر ازاي؟ ومن غير حتى ما يقول لي؟ طب ليه وها ييجي إمتى؟

- عمه تعبان، تقدرى تقولي كدا بيموت، وأبو رامى تعبان ومش حمل سفر، فرامى كان لازم يسافر وماتخافيش يعني مش هيطول، هما كام يوم وراجع.

عجزت سمر عن الحديث، واكتفت بقولها «ماشى.. سلام»، من أين له بعم لم يذكره لها من قبل؟ بل أيضًا عمه هذا خارج مصر، ألم يسعه محادثتها وإخبارها أنه سيسافر؟ أم يخفي عنها شيئًا؟ هل لوجودها أهمية

له أم أنه مثل عدمه؟ تلك التساؤلات التي جعلت سمر حائرة بين سفره المفاجئ وعمه الجديد الذي لم تكن تعلم عنه شيئاً.



- يا ميرا لازم تفهمي إن قرارك دا معناه حاجة واحدة؛ لو فريد حصل له حاجة وانتي اتنازلتي عن الشركات والبيت والفلوس اللي في البنوك كل دا ها يروح لعمك بعد ما الدولة تاخذ نسبتها من الورث.

قالها نوح وهو يحاول إقناعها بتقبل إرثها من والدها، ف بالفعل قد وصل تدهور حالة فريد إلى ذروتها، لكن ما هذا الذي يقوله السيد نوح، هل لها عم أيضاً لا تعرف عنه شيئاً؟ بالكاد هو ليس عمها لأنها ليست ابنة فريد، ولكن طوال حياتها معه لم تسمع قط على أن لها عم أو أي أقارب، لا بالمكسيك ولا أيضاً بمصر! سألته لعله يجيبها:

- عمي مين؟ أنا معرفش حد غير حضرتك بقول له يا عمي.  
- ليكي عم يا ميرا، أخو فريد، بس دايمًا كان فريد على خلاف معاه، ولو رفضتي؛ الورث ها يروح كله ليه هو وابنه.. ها يروح لهم مصر.

- هو ليه ما قالش إن ليا قرايب؟ وفي مصر كمان؟  
- لا إنتي ممكن تترجميها بشكل تاني، هو علشان كدا مكانش عايزك تنزلي مصر وتخطلتي بيهم أو تتعلقني بهناك، وخصوصًا إن ابن عمك قريب منك سنًا.

- ضحكت ميرًا عاليًا، ثم أجابته في ابتسامة سخرية:
- في إيه تاني استتيتوا اللحظة دي علشان أعرفه؟ كمل يا أستاذ نوح، خلاص ما بقتش متأثر.
- نظر لها نوح عاقداً حاجبيه حزيناً من رد فعلها، ثم أكمل:
- ميريا يا بنتي، إنتي تعملي أي حاجة إلا إنك تبطلي تقولي لي يا عمي، هاتصدقيني لو قلت لك إن مفيش حد حبك في البلد دي قدي؟ اوعي تكرهيني بسبب أي حاجة عملها فريد، أنا ماليش ذنب، أنا كنت وما زلت بنفذ طلباته وبس احتراماً لصداقتنا، بس إنتي! إنتي بنتي اللي ما جبتهاش يا ميريا.
- أمسكت ميريا بيده بعد شعورها بالذنب تجاه رد فعلها عما أخبرها به، رتبت على يده بلطف، ثم أجابته:
- أنا آسفة يا عمي، فعلاً مش قصدي، تقريباً في البلد دي حضرتك الحقيقة الوحيدة، الحاجة اللي بتخليني أضحك وأحس إن ليا أهل وناس فعلاً، يمكن أكثر من فريد الخولي!
- فريد الخولي!
- أيوه فريد أو فريد باشا زي ما بيقولوا.
- أنا مش قادر أفهم إنتي كرهتية بالشكل دا ليه، أصل اللي حصل مش سبب كافي للكراهية اللي حاسسها جواكي؛ أو بمعنى أصح اللي في عنيك، ويوم ما حكيت لك قلتي جملة مش فاهمها، قلتي: «هو لسا في إيه تاني ها يآثر عليا؟!»، لو ها ينفع يا ميريا احكي لي، يمكن أقدر أفق جمبك، أنا ما عنديش أعلى منك!

- هاحكي لك يا عمي، بس مقولتليش كنت عايزني أساساً  
النهاردة ليه؟

- يا ريت ردود أفعالك تبقى هادية وبلاش تفاجئيني.

ضحكت ميرا وردت بهدوء:

- على حسب يعني.

- عمك ما صدق طبعاً إنه سمع خبر تعب أبوكي اللي مش عارف  
وصله مصر ازاي، المهم إنه بعث ابنه، وكمان بطلب من فريد؛  
فريد بنفسه اللي أكد عليا إنه ينزل في أوتيل حلو واطمن عليه  
ومخليهوش محتاج أي حاجة هنا.

- معنى كدا إنه وصل فعلاً؟

قالتها ميرا رافعة حاجبيها في دهشةٍ مما تسمع، فأجابها نوح:

- بالظبط كدا، هو هنا ولحد دلوقتي مش فاهم إيه اللي فريد ناوي  
عليه، اللي أعرفه إنه طلب يجتمع بـ ٤ أشخاص وهايقول لهم  
على كل اللي عايزه يحصل قبل ما يموت.

- يا عمي أنا مش هنفذ أي حاجة هو عايزها.

قالتها ميرا بنبرةٍ تحذيرية متقطعة، ولم تنتظر منه إجابة فاستطردت

مسرعة:

- مين الأربعة دول؟ مين غيري يعني ناوي يوصيه؟

سكت نوح لبرهةٍ وبدأ يخبرها بشكلٍ متقطع بعدما لاحظ فضولها

الشديد لتعرف:

- إنتي قبل أي حد، وأنا وابن عمك و... واحد من الناس اللي

ليهم شغل وصفقات مع شركات فريد.

- اسمه إيه؟

قالتها وهي على أتم استعدادها لاستقبال ذلك الاسم الذي توقعته مسبقًا، فأجابها نوح بعد إنكاره أكثر من مرة أنها ستتعرف عليه من مجرد اسمه، لكن إصرارها أجبره على إخبارها:

- سائر النقراشي.

نعم كانت على ثقة أنه سيكون سائر، عدم رغبتها في لقائه أو رؤيته في أي مكانٍ حولها أو سماع صوته جعلها بدون إدراك تمسك بالكوب البلاستيكي الموضوع أمامها على الطاولة وتضغط عليه؛ حتى تحطم بين أصابعها وجرحت يدها غير واعية، مجرد سماع اسم سائر يبذل ملامحها ومشاعرها ويجعلها تكره كل ما يحيط بها.



- مش فاهمة هو عايزنا احنا الـ ٤ ليه؟ وإيه ابن عمي اللي طلع

فجأة دا، أنا مش عارفة هو عايز يوصل لإيه بالضبط؟

- خلينا وراه للآخر، نوح هايكلم سائر علشان يروح صح؟

- أكيد يا رهف.

حاولت رهف أن تتجاوز عدم رغبتها في سماع اسم سائر، فالفترة القادمة بأكملها ستجبرها على مواجهته، ستجبرها على التعامل معه سواء بطريقٍ مباشرة أم لا، لم ترد أيضًا أن تبث الزحام في ذهن ميرا، فما تمر به ليس بأقل سوء، اشتاقت صافي إلى ميرا وللحديث معها؛ فطلبت من رهف بإصرار أن تعطيهما الهاتف لتُحدثها قليلًا، أنهت رهف حديثها مع ميرا معللةً بأنها ذاهبة لشراء بعض الأغراض، أمسكت والدة رهف الهاتف وبدأت حديثها بعد أن تأكدت أن رهف قد غادرت المنزل، بعد

الاطمئنان على ميرا والحديث المعتاد عما حدث معها أو سيحدث؛ بدأت بإخبارها بما حدث في اليومين الماضيين:

- رهف ماجتش بعد ما انتي مشيتي يا ميرا زي ما قلتي لي.  
أجابتها (ميرا) بنبرة دهشة:

- إزاي؟ جت إمتي؟ وإيه اللي حصل بالظبط؟  
- رهف جت من يومين بس، مش عارفة إيه اللي أجبرني أستني لحد دلوقتي ومبلغش الشرطة، حسيت إنك لو موجودة ما كنتيش ها تستني الشرطة وإجراءاتهم البطيئة، جت ما بتنطقش، وشها ودراعاتها ورقبتها بينزفوا ومكان الزيف آثار ضوافر، كأن ذئب انقض عليها، وهدومها كلها مقطعة، ولحد دلوقتي مش راضية تحكي عن حاجة، مش راضية تتكلم يا ميرا.  
سكتت ميرا لدقائق، أدركت أن عينيها قد امتلأتا بالدموع؛ فقد ترجم عقلها تلك الأفعال الحيوانية، قطعاً إنه سائر ليس بقلبه ذرة رحمة واحدة، سرق منها من عشقت والآن يرغب في سرقة صديقتها الوحيدة بحق! وكأنه خلق من طين جهنم، ليس كبقية البشر.

ما كان أكثر غرابة ما فعلته صافي، فكرت أنه لو ميرا بموقفها ما الذي كانت ستفعله وفعلت، كما أن اشتياقها إلى ميرا هذا الغير مبرر حير ميرا أكثر وأكثر، ليس لأن صافي اشتاقت لها؛ بل لأن ميرا قد افتقدتها أيضاً، افتقدت كلماتها.. نصائحها.. ملمس يدها الدافئ الذي ينبئها دومًا بأن تطمئن، افتقدت مذاق طعامها الذي لم تتذوق طعامًا رائعًا مثله، اشتاقت أيضاً لاحتضانها حقاً!

إذا لا بد أن شعور افتقاد ميرا لأم طوال سنوات حياتها جعلها تتعلق بصافي، تعلقت بها إلى حد أنها تمنّت أن ينتهي مشوارها في تلك البلدة جافة المشاعر لتعود إلى حضن الإسكندرية وترى رهف وصافي!

نصف ساعة مرت على حديث صافي وميرا إلى أن ودعتها في لطفٍ بسبب استدعاء طبيب والدها لها، لم يخبرها الطبيب بشيءٍ جديد، الحالة إلى الآن مستقرة ولم يحدث أي تطورات، ولكن حذرهما الطبيب من شيءٍ واحد فقط؛ وهو أن ينفذوا ما يرغب به لأنهم لا يعلمون متى سيأذن الله ويأخذ أمانته.

الغد إحدى الأيام العصيبة التي ستمر بها ميرا؛ فقد أخبرها نوح أنه قد حدّث سائر وسيكون بمكسيكو مساء اليوم، لكن الغد هو اجتماعهم الذي رغب به فريد، الاجتماع الذي تناقضت مشاعر ميرا بين رغبته في معرفة ما يفكر به والدها وبين عدم قدرتها على رؤية عيني سائر الجاحدة، أخذ نوح إحدى المقاعد وجلس عليه بجوار ميرا في كافيتيريا المستشفى كعادتهم منذ دخول فريد ذلك المكان الذي يخرج منه البشر على قبورهم ليس على أي موقع آخر!

- أنا بعثتُ عربية تجيب رامي من الأوتيل.
- رامي مين؟
- ابن عمك، إنتي نسيتي إنك هتشوفيه النهاردة!؟
- آه افكرت، متقولش بس ابن عمي، ابن أخو فريد بيه.
- أيّا كان يا ميرا، علشان بس تعرفوا كلكوا تتناقشوا بكرة مع فريد، وسائر جاي بليل، طبعًا مش ها تلحقي تقعدني معاه.

قالت ميرا حانقة:

- ما تقلقش يا عمي، عارفاه كويس وتقريبًا محدش عارفه قدي.
- تعرفي سائر إزاي؟ ومن إمتي؟ وإيه الثقة دي؟
- مش حضرتك عايز تعرف الحكاية اللي ما بقاش حاجة تأثر فيا بسببها؟ أنا ها حكي لك.

بدأت ميرا تروي كل ما حدث لها منذ ذهابها إلى مصر ولقائها بـرامز حتى حصولها على السلاح الميري الخاص بسائر عن طريق رهف، سردت له أيضًا ما حدث لرهف بعد عودة ميرا إلى المكسيك.. سردت له كل شيء، لم تترك دقيقة لها بمصر لم تحدثه عنها.. أنهت حديثها ولم تنتظر منه ردًا؛ فهي تعلم أن ما روته ليس بالسهل استيعابه، ظل نوح يتأمل الصمت في صدمة اعترته كليًا؛ فما شاهده من مقاطع فيديو على هاتف ميرا جعلت وعيه يغادر عقله، أيمكنك كل تلك السنوات مع فريد في تلك البلدة ولم يدر بأي شيء يقوم به صديقه؟ ألم يرغب فريد في إخباره حتى بعد مرضه وقرب أجله؟ أينقب فريد عن آثار وشريكه هو أكبر عملاء شركاته؟ أوصلت الجراحة بفريد وانعدام الضمير إلى القتل؟ يا الله.. كيف تحملت ميرا كل تلك المحن وحدها؟ كيف اهتدى عقلها لعدم إخبارها الشرطة؟ يا لها من فتاة في غاية القوة والجمال.

كان هذا ما دار بذهن نوح طوال فترة صمته إلى أن خرج عن صمته في غير توقع:

- أنا جنبك يا ميرا، هعمل اللي أقدر عليه علشان نخلص من شرهم.

- لا يا عمي، أنا عايزاك تفضل مخلص لفريد لحد آخر لحظة  
في حياته، بلاش يحس إنك عرفت حاجة، كدا ولا كدا مفيش  
حاجة ها تستخبي، فبلاش دلوقتي تظهر أي شعور.  
- حاضر، زي ما تحبي.

رن هاتف نوح ونهض معلناً ذهابه قائلاً:

- رامي بيرن، قومي يلاا علشان ننزل، هو ما يعرفش حاجة هنا.  
نهضت ميرا ممسكة بذراع نوح، وذهبا للقاء الفتى الذي حتماً إنه  
لقاؤه الأول بميرا.. وصلا إلى باب المستشفى بعد دقائق من السير، اقتربا  
منه ببطء، لاحظ نوح التوتر بملامح ميرا والتركيز الساحق بملامحه  
وكأنها تعرفه من قبل، سأها في تعجب:

- مالك يا ميرا في إيه؟

- أنا عارفاه، شفته في مصر بس مش فاكرا فين وإمتي، أنا عارفاه  
بس مش فاكرا.

زفرت ميرا تلك الكلمات بضيق من عدم قدرتها على التذكر، وفي  
الثواني الأخيرة من اقترابهما منه تذكرت، نعم تذكرت تلك الملامح جيداً،  
رأتها مرة واحدة لكن ميرا تحتفظ جيداً بالملامح في ذاكرتها العميقة،  
لكنها لم تخبر نوح، بل نطقت بعض الكلمات عند رؤيتها رامي بدلاً من  
كلمات التعارف السطحية اللعينة التي لطالما كرهتها الفتاة:

- قول إن أنا غلطانة وان انت مش خطيب سمر.

قالتها وهي تضع يدها على قلبها خوفاً أن يكون ظنها صحيحاً، وقد  
حدث؛ أجابها رامي مبتسماً:

- أيوه أنا، أنا رامي خطيب سمر، إنتي عرفتي ازاي؟

قاطعهما نوح متسائلاً:

- لا واحدة واحدة عليا، إنتوا تعرفوا بعض؟

أجابته ميرا مسرعةً:

- أنا أعرفه، بس هو معتقدش إنه يعرفني، المهم إن بعد كل دا

كمان ابن عمي.

وجهت ميرا حديثها إلى رامي وأكملت:

- تعرف رهف.. صاحبة أمل؟!!

- آه طبعا أعرفها، وشفتها في الخطوبة، آه افكرت أنا شفتك

معاها.

- تمام.. الله ينور عليك، أنا صاحبتها.

نظر نوح لحديثهما وهو يكاد لا يفهم أو يستوعب شيئاً مما يقولانه،

لاحظت ميرا هذا جيداً؛ فهمست في أذنه قائلةً:

- رامي يبقى خطيب سمر أخت أمل، أمل خطيبة سائر النقراشي.

استوعب نوح كل شيءٍ بمجرد توضيح الأمر له، قال مغيراً لمسار

الحديث:

- كلامنا كله هيكون على باب المستشفى؟! ممكن أستاذنكم

يعني نروح أي مكان؟

وافق كليهما على حديثه وشرعوا في الرحيل.



جلس سائر في صالة الركاب المغادرين، فقد تبقى نصف ساعة على موعد الطائرة المتجهة إلى المكسيك، وضع حقيبته الشخصية بجواره، ووضع يديه على فخذه وأخذ يتأمل في وجوه البشر، فكل فردٍ في هذا المكان له حكايته الخاصة التي ربما يعاني منها أو ربما أسعدته، فهنا من يذهب للزواج، وهناك من أعد عدة رحيله للعلاج، البائس والمبتهج والحائر والهادئ؛ إلى أن لمحت عيناه فتاةً شقراء، لكن يبدو أنها في أواخر العشرينات من عمرها، جمالها سيطر على تفكير سائر، عيناها العسلتان وشعرها الأصفر الفاتح وبشرتها الداكنة التي أضفت جمالاً فوق جمالها، فستانها الأخضر الذي أبرز مفاتها أكثر، وضعت ساقاً على ساق؛ فكشف الفستان عن فخذيها اللذين كانا أكثر بياضاً من وجهها، تأمله سائر في غير إدراك؛ فحقاً لا يلفت نظره في أي مكان سوى أجساد الفتيات الممشوقات القوام، ولكنه ليس من نوعية الرجال الذين يرفضون الأجسام الممتلئة، بل سائر يُقدس تلك الأجسام، خاصة ذوات الأصابع الممتلئة المنتهية بطلاءٍ أظافرٍ أسود!

نهدي الفتاة بالنسبة لسائرهما مصدر الجاذبية، فجمال الفتاة بدونهما كابوس لا ينتهي، كما يُفضل سائر أيضًا موسيقى النهدي عن حجمه؛ فذات النهدي الموسيقي ذو التفاصيل المتعددة هي من تترك أثرها محفورًا بذاكرته، يذوب كيانه أيضًا في الفتاة واسعة الأوراك ذات البطن الصغيرة، ليست بالمندلقة أو بالمنحوتة، ولا تكتمل نشوته إلا بالشفافة الممتلئة التي لا يقاومها في أي مكان وأي لحظة يهرول بالتهاهما دون مقدمات.

لم تكتمل متعته بتأمل تلك الفتاة؛ فقد حضر وجلس بجوارها أحد أولئك الثيران الذين لا يتركون المراكز الرياضية إلا ساعة النوم، عدل سائر عن فكرة الذهاب والتعرف عليها ليملاً مساحة الملل الذي اعتراه لأن ذلك الثور منعه، حتمًا هو زوجها أو أحد أقاربها؛ فحديثها معه لم يكن سطحياً كالغرباء، بل كانا يتهاامسان ويضحكان عاليًا، وبعد لحظات وضع يده على كتفها وضمها إليه، كان ما يفكر به صحيحًا؛ يبدو أنه أحد أقاربها وقد منعه حضوره من التقرب منها أو الحديث إليها.

عاد سائر إلى تفكيره فيما حدث وفيما سيحدث، وفيما يريد فريد من حضوره، بعد ثوانٍ أعلنت إحدى المضيفات أنه قد حان موعد الطائرة، ذهب سائر بخطواتٍ بطيئة في إحدى الممرات الذي ينتهي السير فيه بباب الطائرة، أحس أن شيئًا ما يطبق على صدره كلما اقترب من نهاية الممر، يضيق الممر وتضيق أنفاسه.

أدرك أن شيئًا ما ينتظره في مكسيكو، وهناك ما هو أكثر مما حدث؟ ظل يسأل نفسه ذلك السؤال حتى كاد رأسه أن ينفجر!

جلس على مقعده في الطائرة وبدأ مثلما يفعل في كل مرة يذهب بها إلى بلده الأجنبي أن يتجرد من عباءة العادات والتقاليد والمبادئ والقيم

الخاصة بمصر؛ فهو من وجهة نظره غير مجبرٍ على الخضوع لتلك المبادئ خارج مصر أيضًا، أما ما لا يدركه أو لا يستطيع أفق ذهنه المحدود استيعابه أنه دون مبادئ!

ساعات من التفكير مضت ببطءٍ على سائر في الطائرة إلى أن وصل في مساء ذلك اليوم القابض! لكنه لم يُحدِّث نوح أو ميرا، وكأنه نسي أنه قد جاء بناءً على طلب فريد، لا بل هو تعمد أن يتصنع النسيان، ذهب إلى منزله الفاره في مكسيكو؛ فوجده مثلما تركه آخر مرة لم يتغير به شيءٌ سوى إحدى الأبواب الزجاجية التي قد اتبته إلى شرحٍ صغيرٍ أعلاه، لم يكثرث لهذا الأمر فريما أنها إحدى النور الغبية قامت بهذا الفعل، أغطية الفراش مبعثرة للغاية من آثار آخر معركةٍ دارت بينه وبين روز في غرفته الماجنة تلك!

وضع حقيبته أرضًا، ودخل الحمام ليغسل وجهه، ثم أخذ مفتاح سيارته الـ Ferrari وتوجه إلى إحدى حاناته المفضلة، ذلك المكان المخصص لبيع المشروبات الكحولية والبيرة والمُرَر وغيرهم.



- تمام يا عمي، هبقى هناك عالوقت، سلام.

قالتها ميرا في نهاية حديثها مع نوح في الصباح، فقد كان يبلغها بميعاد اجتماعهم، ما أثار تفكيرها هو طلب أبيها العجيب، لقد طلب من نوح ومن الأطباء أن يكون ذلك الاجتماع في منزله وعلى فراشه.. إنه يشعر بقرب مواعده، لكن ماذا كانت تقصد ميرا بقولها «هبقى هناك عالوقت»؟ نعم فقد طلب فريد أن تكون ميرا مع الأطباء والممرضين حين يحضرونه إلى المنزل، لا ترغب في تنفيذ ما يريد لكن شوقها لأن

تنتهي كل تلك الدوامة أجبرها على الموافقة على ما يطلبه نوح منها وعدم  
المجادلة معه في أي أمر.

بالفعل كانت هناك مثلما أراد، وبعد ساعات قليلة كانوا قد وصلوا  
منزل فريد ووضعوه على سريره الذهبي المليء بالورود الجذابة، بعد ساعةٍ  
بالتحديد وصل سائر فقد أخبره نوح أن يأتي في الخامسة، بينما أخبر  
رامي أن يأتي في السابعة، على الأرجح هناك بعض الأمور لا يريد فريد  
أن يعرفها رامي، رأت ميلا ذلك المدعو سائر يصافح نوح على باب المنزل  
وقد اصطحبه نوح تجاه غرفة فريد، أما ميلا فقد رآته من بعيد على بعد  
حوالي خمسة أمتار، ولعنت تلك الساعة التي دخل فيها سائر إلى حياتهم!  
مرت دقائق وهم بالداخل، خرج نوح مسرعاً ونادى ميلا، من الواضح  
أنه حان موعد حديث ما قبل الفراق.

تقدمت ميلا في خطواتٍ هادئةٍ ثابتة لا تنم عن أي توترٍ على عكس ما  
بداخلها من اضطراب، جلست على الكرسي المجاور لسرير فريد والمقابل  
لكرسي سائر، رفعت رأسها ونظرت متألمة عينيه الفاتنتين.. الكاذبتين..  
الخائنتين، كانت نظرتها القاسية على سائر بعض الشيء زادت من توتره  
وهلعه، أمسك فريد بكف نوح ليستند عليه، جلس شبه معتدلٍ وأسند ظهره  
للخلف، وبعد أن سعل قليلاً ناولته ميلا بعض الماء، ثم بدأ حديثه بصوتٍ  
شاحبٍ ووجهٍ جامدٍ وجسدٍ هزيل:

- ها نتكلم بكل صراحةٍ علشان لا أنا ولا الوقت حمل كذب، ميلا  
عرفت كل حاجة عن شغلنا، وعن نسبها، كل حاجه مكانش  
لازم تعرفها هي فعلا عرفتها.

قاطعته ميرا في انفعال:

- يعني سائر كمان عارف إني مش بنتك؟ دا إيه الجبروت دا؟  
أشار لها نوح بسبابته أن تتوقف عن الحديث حتى يستطيع فريد قول  
كل ما يريد في دقائقه الأخيره بسلام، أكمل فريد وكأنه لم يسمع كلماتها  
القاسية:

- أنا مش هكلمك في اللي عملناه، أنا هطلب منك بس ماتكملش،  
ماتكملش شغل يا سائر.  
نهض سائر وقال بحدة:

- جابيني هنا عشان تقول لي مكملش؟! إنت بتهزري يا باشا قبل  
ما تموت؟ دا مستحيل.  
- اقعد يا سائر واسمعي للآخر.

جلس سائر وزفر ضيقاً، ثم استطرد فريد:  
- أنا بموت ومش هاخذ معايا حاجه، ثروتي اللي مالهاش أول من  
آخر دي بتاعتكم، وأعتقد مش هاتخليكم عايزين حاجة تاني.  
نظر له سائر وقد اتسعت حدقاته دهشةً مما يسمع، قاطعته ميرا مرة  
أخرى:

- مش عايزة حاجة من فلوسك الحرام.  
أجابها فريد وهو يضغط بقوة على جميع مخارج ألفاظه:  
- كل الفلوس اللي كانت من نصيبي في تجارة الآثار يا ميرا  
موجودة في حساب ليا في البنك محدش يعرف عنه حاجة.  
- فلوسك الحرام والحلال اتخلطوا في إيد واحدة؛ نفس الإيد  
اللي مسكت الحرام.

قالتها ميرا وهي ممسكة يده بيدها ومشيرة إليها بالأخرى، لم تكمل حديثها فرن جرس المنزل، الساعة السابعة.. إذاً إنه رامي، قبل أن يذهب نوح ليفتح له الباب قال فريد للجميع:

- مفيش كلمة تتقال قدام رامي، مش عايز نقاش ولا عايزه يعرف حاجة.

حرك كليهما رأسه لأعلى ولأسفل موافقةً على ما قاله فريد، فتح نوح الباب فدخل رامي مبتسماً للجالسين، حياهم ثم جلس هو الآخر على الأريكة في نهاية الغرفة؛ فكانت على بعد متر ونصف من كرسي سائر، بدأ رامي حديثه مندهشاً من الشبه الغير عادي بين فريد وجمال والده.. نفس العيون والشعر البني المائل إلى الذهبي قليلاً، نفس الفم الصغير والأنف ذات الفتحات الواسعة! حقاً ما أعظم قدرة الله!

قال رامي:

- حضرتك يا عمي نسخة ثانية من بابا!

ابتسم فريد ابتسامة هادئة، ثم أجاب:

- جمال! وحشني أوي، أنا ناقصني كثير من غيره يا رامي، بالمناسبة إنت كمان شبه أبوك أوي وهو قدك كدا.

- نسيت أنا آسف، ألف سلامة على حضرتك.

- الله يسلمك، سمعت إنك خطبت.. اسمها إيه سعيدة الحظ؟

- اسمها سمر، بنوتة ١٧ سنة بس بحبها أوي يا عمي.

نظر له سائر منتبهاً إلى ذلك الاسم، ومتأملاً ملامحه جيداً على عكس أثناء تحيته لهم، وصدق شكه؛ إنه رامي خطيب سمر شقيقة أمل الصغرى،

لاحظ أيضًا رامى أن من يجلس على بعد متر ونصف هو سائر؛ فصاح به  
في دهشة غير طبيعية:

- سائر!

أكمل موجهاً حديثه إلى فريد:

- سمر أخت أمل، خطيبة سائر يا عمي.

نظر الحاضرون لبعضهم في صمتٍ بسبب ما أدركه كلٌّ من رامى  
وسائر وفريد، رد فريد في هدوءٍ:

- على العموم ألف مبروك، ندخل في الموضوع علشان مفيش  
وقت.



زفر فريد زفرةً قوية بعد تنفسه الصعداء، ثم بدأ حديثه وكأنه يبدأ  
لأول مرة في ذلك اليوم:

- رامى، أنا كتبت لك شركة من شركاتي ومش عايز غير إمضتلك  
على الورق دا.

فتح رامى ثغره مصدومًا مما يسمع، ثم نظر إلى نوح وكأنه يسأله هل  
عمه في وعيه وفي كامل قواه العقلية أم لا؟ لكن نوح هز رأسه إيجابًا أن  
يوقع رامى على أوراق الملكية، نهض رامى دون أية كلمة وأمسك بالقلم  
ووقع بالمكان الذي أشار إليه فريد، في تلك اللحظة لم يشغل ذهن سائر  
سوى أمل، حقًا فقد ذكره رامى بها، كيف له أن ينساها ولا يكثرث  
لمكالمتها؟ كيف أيضًا فعل ما فعله برهف؟ هل نسي أنها ليست كعاهراته  
وأنها فتاة شرقية؟ بل الأهم من هذا هل نسي أنها صديقة أمل المقربة بعد  
مريم رحمها الله!؟

- نوح، الحساب اللي في البنك اللي قلت لكم عليه كل الفلوس  
اللي فيه تروح للبلد، ما تاخدوش منها حاجة.  
أجابه نوح مستنكرًا:

- للبلد!

- أيوه، تروح مصر.

قال الحاضرون في نفس الوقت مندهشين:

- مصر!!

أجاب فريد:

- آه مصر.

أكمل فريد متجاهلاً صدمتهم من قراراته، لكن تلك المرة كان قرارًا  
مُتفق عليه:

- أول شركة أنا عملتها هنا؛ دي بتاعتك يا سائر.. والشركة اللي في  
برلين بتاعتك يا نوح.

أخذ فريد شهيقًا طويلًا، ثم أكمل:

- القصر دا ما ينفعش يكون لحد غير بنتي.

سار الدم متدفقًا إلى رأس ميرا في غضب؛ فهي لا ترغب في سماع  
تلك الكلمة منه، لكن وجود رامي منعها من الاعتراض فعادت لهدوئها  
بعد لحظاتٍ معدودة. أكمل فريد بعد شعوره بالتعب المفاجئ:

- سيونى شوية، أنا تعبان ومش قادر أكمل كلام، خلّص يا نوح  
الورق بسرعة، دلوقتي، يتمضي دلوقتي.

- حاضر يا فريد، حاضر.

انصرفوا لخارج الغرفة وكل منهم ينظر للآخر في تساؤل، لم تخلُ  
أعينهم من التساؤلات التي ستشبع إجابتها فضولهم الشديد.



كل يوم وكل ساعة وكل دقيقة تسأل صافي ابنتها عن أحوال ميرزا،  
تسألها بشكل يبث القلق والشك في وجدان الفتاة، ولكي تتهرب من أسئلة  
والدهتها المتكررة عن أحوال ميرزا وماذا فعلت؟ وعما ستفعل؟ قررت  
الذهاب لتقضي مع أمل وسمر بعض الوقت، ومن جهةٍ أخرى رغبةً في  
الانتقام من سائر بسبب ما فعله بها من انتهاكٍ لعرضها وأفعال حيوانية  
قاسية!

ذهبت في الصباح دون موعدٍ مسبق، وعلى الرغم من هذا استقبلتها  
أمل بابتسامتها الخلابة فليس بين الأصدقاء مواعيد ورسميات وأمثالها!  
دائمًا ما تكون الفتاة رمزًا للنعومة والرقّة، فهي «الجنس اللطيف»  
كما يقولون، إلى أن يقسو عليها أحدهم أو يخونها أو يكذب عليها أو  
يخذلها.. خاصةً إذا كانت تحبه.. حينها ترى وجهًا آخرًا يمزج بين ملامحه  
الدهاء والمكر والشر والحزن الشديد، فإذا شعرت بالهزيمة أو الخيانة أو  
الإهانة لا تستطيع أن تتحمل؛ فتتغير بدرجة هائلة وتصبح إنسانة أخرى  
تتجرد من إنسانيتها وأحاسيسها، فما أدراك بفتاةٍ تجردت بالفعل من  
مشاعرها ووصلت إلى اللامبالاة، وصلت لأقصى مراحل الألم! لا يتبقى  
سوى تجردها من آدميتها وهذا ما سعت إليه رهف.. ليس بهدف إيذاء  
صديقتها، رهف أصبح لا يهمها أو يشغل بالها سوى الانتقام من سائر،  
وهذا هو مقصدها الأول والأخير الآن.

جلست معها وبدأتا حديثهما المعتاد عن العمل وعن الدراسة وعن سمر وخطيبها، كان حديثاً تقليدياً لا يشوبه أي اضطراب، حتى أنهما كانا يستمعان إلى أحد المقطوعات الرائعة لشجرة الأرز الخاصة بعالمنا العربي؛ السيدة الجميلة فيروز، فقد كانت أول أغنية يلحنها لها ابنها المراهق ذا الـ ١٧ عامًا.

«سألوني الناس عنك يا حبيبي

كتبوا المكاتيب وأخذها الهوى

بيعز عليّ غني يا حبيبي

لأول مرة ما بنكون سوا»

لفتت نظر رهف كلمات تلك الأغنية فتذكرت ما روته ميرا عنها؛ فقررت أن تُغير مجرى الحديث بسرد قصة تلك الأغنية على أمل:

- تعرفي قصة الأغنية دي يا أمل؟

- لأ، هي ليها قصة كمان؟!!

- آه، أغاني كتير ليها قصص حلوة أوي في كواليسها محدش بياخذ باله منها.

- وانتي مين اللي قال لك على كل دا بقى؟

- ميرا، خصوصاً إنها بتحب فيروز جدّاً، دايمًا تقول أنا بعيش في فيروز.

- احكي.



- سنة ١٩٧٢ (عاصي رحباني) جوز فيروز جاله نزييف في المخ وحالته كانت متدمرة ودخل المستشفى طبعاً، في نفس التوقيت كان في مسرحية تأليف (عاصي) و(منصور) رحباني وفيروز كانت بتلعب فيها دور، المهم إن منصور كتب كلمات الأغنية اللي فيروز هاتغنيها وتعمد إنه يكتبها بتعبر عن حزنها لأنه مش معاها في المسرحية، واللي لحنها ابنها زياد وكان عنده ١٧ سنه بس! متخيلة!

نظرت لها بتركيز واهتمام قائلة:

- كملي.

- المهم سبحانه الله الأغنية نجحت جداً، بس (عاصي) بعد ما بقى كويس زعل من الأغنية جداً وحس إنهم تاجروا بمرضه لدرجة إنه لغى المسرحية! بس رجعها تاني بعد ما لقي نجاحها أكبر من اللي كان قبل كدا، وهنا انتهت قصتها مع عاصي، حبت بعدين بقى تغنيها في حفلة بس كان عاصي مات.. وهي بتقول: « لأول مرة ما بنكون سوا! »؛ افكرت عاصي اللي تقريباً ما راحش من بالها أبداً؛ فنزلت دموعها وعطت قدام جمهورها العظيم!

أنهت رهف حديثها وكأنها تروي قصة لطفلتها الشقية الجميلة؛ فلمحت دمعتين تجريان على وجنيتها الورديتين في تأثرٍ شديد مما سمعت، مسحت دمعات أمل قائلة:

- مش للدرجة دي يعني!

لم تجبها أمل واكتفت بالنظر إلى الأزهار الموضوعة بعشوائية على الطاولة البيضاء الصغيرة في منتصف الشرفة وقد تعامدت الشمس عليها محتضناها في حنو.

إذاً أمل ليست بغير مبالية! دمعاتها توحى بأن مشاعرهما ما زالت حية، لم تفقدها بعد، لم تعد قادرة على التعبير.. التعبير عن احتياجها لمريم.. التعبير عن اشتياقها لسائر بشدة، دائماً خائفة من فقدانه، حاولت انتزاعه من قلبها ورميه بعيداً، لكنها لم تستطع، فكلما حفرت قلبها خرج منه أنين حبها الأعمى، تحترق روحها من جمال ضحكاته، ولدت معه مجدداً وها هي تفنى بفناء وجوده، إذ لم تكن اللا مبالاة فإنه الاكتئاب! الاكتئاب الذي حذر الطبيب والد أمل منه.

نعم فاللا مبالاة وعدم الاكتراث لشيء مجرد جزء من أعراض الاكتئاب، فقد فقدت الحماس أيضاً لفعل أي شيء، أصيبت بانعدام الأمل والقيمة، اعترتها قلة الحيلة لذلك أصبحت تلهو وتلعب أوقات، وتبكي في أوقات، وتسمع الموسيقى في أوقاتٍ أخرى، دائماً كانت تصف الموسيقى بأنها نبضها، تسري بجسدها كالدم أو الإشارات العصبية، أصبحت تلجأ لها كثيراً، باتت حالات أمل تستحق المراقبة!



- البقاء لله يا ميرا.

قالها نوح بعدما خرج من غرفة فريد مصطحباً معه الطبيب، نظرت له ميرا صامتةً لبرهة، ثم أجابته وهي تضغط على حروفها في هدوء:

- ينفع أدخل له دقيقتين!

- أكيد، ادخلي، دي آخر مرة تشوفيه.

تحركت ببطءٍ إلى أن وصلت لباب الغرفة، طرقته برقتها المعتادة عندما كانت تدخل مكتب فريد، لكن تلك المرة لم يأذن لها بالدخول.. ولم يمانع أيضاً، دخلت بتأني وتجنبت عيناها النظر إليه لدقائق، وإذ بها تتأمله.. لكنها وجدت أن وجهه قد ولى خلف الملاءة البيضاء.. تلك الملاءة اللعينة التي أخفت وجه رامز أيضاً عنها.

استعدي يا فتاة، فقد حان موعد الفراق مرةً أخرى، دقت تلك الكلمات طبول ذهنها مرةً أخرى، اقتربت منه أكثر ثم جلست على ذلك الكرسي الذي جلست عليه بالأمس، أزال الملاءة عن وجهه ببطء، فجأةً ثقل صدرها، شبكت يدها على قلبها وقالت محاولةً منع الحزن أن يباغتها:

- يا الله!

لم تشعر بذاتها إلا وهي ممسكةً يديه جالسةً أرضاً ودموعها كادت أن تغرق يد فريد! نعم فقد تذكرت كل لحظة عاصرتها معه، تذكرت ضحكها بجواره في المكتب مساء كل خميس، تذكرت مدحه لها وهي في الحادية عشر من عمرها عندما قامت بإعداد أول فنجان قهوة له، تذكرت سعيه لأن يحضر لها كل ما ترغب، احتضانه لها كلما استيقظت صارخة بسبب رؤيتها لحلم ما أفرعها، مخالباً الفراق بدأت تُمزقها مرةً أخرى، يجلد بها كرباج الوداع بدون شفقة، باتت تكره مراسم الوداع؛ فالذين تحبهم لا تودعهم.. في الحقيقة هم لا يفارقونها قط! إنها لحظات شبيهة بالصدق، كثيفة الفضول.. بالغة التوتر! تختزل فيها تلك التفاصيل عديمة الأهمية وتتعامل مع الروح بعد توجهها، يوماً بعد يوم تدرك أن الموت هو ذلك الفكر والحقيقة الوحيدة الراسخة في هذا الكون!



نعم ميرا تحبه، لا بل تعشقه، فهو والدها وصديقها وكل من تعرف في ذلك الكون الباهت، كان نوح واقفاً خلف الباب ولم يكذب يسمع كلمات ميرا إلا وقد انهار في البكاء هو الآخر، فبرغم كل ما قام به فريد إلا أنه سيظل صديق عمره الذي أفنى شبابه من أجله، نعم ف (نوح) لم يتزوج ولم يشغل حياته قط إلا من أجل شركات فريد وأعماله وابنته! فقد قضى نوح أغلب أوقاته الفارغة بصحبة الفتاة، كان وما زال لها عمًا بحق. دخل نوح الغرفة فوجد ميرا على تلك الحالة وقد انتابتها هيسستيريا من

البكاء مع عبارة: (وحشتني يا بابا، وحشتني..)

أمسك نوح بيدها فنهضت وهي في تلك الحالة، ربت نوح على كتفها مواسياً إياها، ثم غطى وجه فريد مرة أخرى واصطحبها للخارج لتهدأ قليلاً، جلسا على تلك الأريكة الذهبية الموضوعة أمام باب غرفة فريد في الطابق الأول من القصر.. بدأ نوح حديثه متوتراً من حالتها ومن القرار الذي ستهم باتخاذها في هذا الأمر:

- فريد ما قالش قبل ما يموت عايز يندفن فين يا ميرا.. لازم تاخدي قرار يا بنتي.

تنهدت ميرا بعمق، ثم أجابته في نهضةٍ حثيثة:

- حضرتك شايف إيه يا عمي!؟

- أنا شايف إنه لازم يندفن في مصر.. الإجراءات كتير آه.. بس مفيش غير كدا.

هزت رأسها إيجاباً فاستطرد نوح:

- لازم تكوني موجودة في الإجراءات كلها يا ميرا، انتي بنته والمسئولة!

نظرت له نظرة حادة ووردت بيأس:

- أنا هعمل لحضرتك توكيل وممكن تقوم بكل دا ورامي معاك،  
أنا عندي حاجة تانية مهمة وما تستناش.

أدرك نوح ما تقصده ميرا فوافقها على الفور، بعد نصف ساعة  
أمسك كل منهما هاتفه؛ فحدّث نوح رامي وسائر وأخبرهما بما حدث  
وأن عليهما الاستعداد للعودة إلى أرض الوطن.. بينما أرسلت ميرا لرهف  
رسالة نصية كالآتي:

«بابا مات يا رهف، ها يتدفن في مصر، طبقاً للإجراءات ها تاخذ  
لها حوالي يومين تقريباً؛ فأنا هعمل توكيل لمحامي وصاحب بابا علشان  
يقوم بكل حاجة ومعاه رامي، نسيت أقول لك إن ابن أخو بابا هو نفسه  
خطيب سمر أخت أمل، أنا هكون عندك النهاردة بليل، يا ريت عملي  
اللي اتفقنا عليه، وزى ما قلت لك روز عندك علشان أبعداها عن سائر،  
مش عايزاه يأذيها بأي شكل من أفعاله الحقيرة.. واما آجي ها حكي لك  
عن كل اللي حصل امبارح.. سلام»



قرأت رهف ما أرسلته لها ميرا، وبدأت ملامحها تتغير رويداً، لاحظت  
أمل التغيير الذي طرأ على رهف بعد قراءتها الرسالة فسألته مستنكرة:

- خيرا رهف حصل حاجة!

رفعت رهف رأسها قليلاً، ونظرت لها نظرة حادة مصاحبة لابتسامة  
خبيثة، ثم أجابته:

- ها قول لك كل حاجة.

ساعة كاملة من الحديث المتتابع، نعم فقد أخبرتها بما فعله سائر بها، أخبرتها بعلاقاته المشبوهة مع عاهرات المكسيك، خلعت ملابسها وعرضت لها آثار أظافر سائر على جسدها، نعم فقد أخبرتها أيضا بقتله لرامز، فأكبر عقاب له في الدنيا هو الفضيحة، أما عقاب الآخرة الذي سيناله لا يمكن وصفه حقًا!

زفرت آخر كلماتها قبل مغادرة منزل أمل:

- أنا عايزاكي تفوقني من وهم سائر اللي مُحْتَلِّك دا، دا مش لونك، إنتي ملاك وهو شيطان، لو في حاجة أحقر من كدا كنت وصفته بيها، إنتي جنة للي يحبك بجد وتحبيه، إنما هو جهنم، نار بتاكل كل اللي حواليتها، القسوة هي منهج حياته، انسيه بقى.  
انطلقت رهف بعد تلك الكلمات ولم تنتظر أي رد فعل من صديقتها، مضت لتخبر صافي بقدوم ميرا وطلبت منها الدعاء بأن يوفقهما الله فيما سيقومان به، فالقادم ليس بأسهل من الذي مضى على الإطلاق!

يومان من الاستعداد لاستقبال تابوت جثة فريد الخولي، قررت ميرا أنها لن تذهب إلى المطار قط في ذلك اليوم، في اليوم الثالث على وفاة فريد والأربعين على قتل رامز؛ قررت وبدون تردد أن ترتدي الأسود! ذلك اللون الذي ابتعدت عنه طوال الفترة الماضية، استيقظت في السادسة من صباح يوم مشمس، دخلت الشرفة لدقائق فداعت نسيمات الهواء شعراتها الناعمة.. ثم دخلت الغرفة مجددًا لتوقظ رهف وبدأت في ارتداء ملابسها، ارتدت ميرا فستانًا أسودًا وارتدت رهف بلوزة طويلة وصلت حد ركبتها، وضعت ذلك الحجاب الأسود الشفاف ذا النقوش السوداء على أطرافه، ثم همتا بوضع نظاراتهما السوداء الشمسية وخرجتا من الغرفة

على أتم الاستعداد لذلك اليوم البائس، فلأول مرة منذ ما فعله سائر برهف ستلتقي عيناها بعينه، ودعتها صافي بحرارةٍ وبكاءٍ شديد وكأن مشاعر الأمومة الخاصة بها أخبرتها بما سيدور بذلك اليوم.

وصلت الفتاتان إلى المقابر منتظرتين حضور نوح ورامي وسائر ونعش فريد، دقت الساعة الثامنة وكانوا قد وصلوا، نعم جميعهم وصلوا، ثلاثة رجال يحملون النعش وقد بدا أنهم شيوخ من ملابسهم وما يرددوه من آيات قرآنية، أما خلفهم فكان يسير نوح في المنتصف وعلى يمينه سائر؛ كان يرتدي بدلة سوداء قاتمة.. أما على يسار نوح فكان رامي يمشي بخطواتٍ هادئة وقد بدا على أنفه الاحمرار وكأنه كان يبكي!

انتهت مراسم الدفن وقد جفف الجميع دمعاتهم برفق، أما سائر.. ذلك المتحجر، فلم يذرف عبرة واحدة، كان يتأمل رهف التي كانت متجاهلة وجوده تمامًا بشكل آثار الرعب بوجوده، قاربت الساعة من الواحدة ظهرًا وقبل أن يمضواً من المقابر همس نوح بأذن ميرا قائلاً:

- في ظرف فريد الله يرحمه سايبه معايا، ولازم تقريره في أسرع وقت يا ميرا.

نظرت له ميرا بحدّةٍ قائلة:

- مش وقته يا عمي، بعدين.

حرك رأسه إيجابًا، ثم همس لرامي بأن يذهبوا فقد طال وجودهم بذلك المكان الذي لا يأتي من خلفه سوى ضيق الأنفاس فقط، سار نوح ورامي في المقدمة وخلفهما بحوالي متر سار سائر ببطءٍ شديد وكانت خلفه الفتاتين، لم يلبثوا دقائق وقد تعثر سائر في حجرٍ كبيرٍ على الأرض.. شروده من الانتباه إليه، سقط على وجهه وقد نرف أنفه إثر السقوط،

وقف بعد أن تسند على يدٍ وجدها ممدودة له، ولكنه بعد تنظيف ملابسه من ما كان عليها من تراب نظر حوله متأملاً فلم يجد أحداً ممن كانوا يسيرون خلفه أو أمامه.. لحظات من محاولات إيجاد أحد باءت بالفشل، وبدون مقدمات سمع صوتاً آتياً من خلفه وقد لحق به الصدى بسبب خلوّ المكان:

- أنا هنا يا سائر.

التفت سائر تجاه الصوت وبالفعل قد وجد من ظن به، إنها ميرا، زفر غاضباً:

- ميرا!

- أيوه ميرا.. ميرا اللي كدبت عليها كثير، ميرا اللي أبوها اللي اتدفن دلوقت كان شريكك.

قاطعها صارخاً:

- أنا ما كنتش شريك حد، أنا كنت بنفذ بس.

- اخرس يا سائر، ماتقاطعنيش.

اقتربت منه بعض الخطوات قائلة وقد سالت دمعاتها:

- ميرا اللي قتلت حبيبها في حضنها من غير أي رحمة لمجرد إنه خايف عليك!

تحولت نبرتها للمزيد من القسوة قائلةً:

- اللي اغتصبت صاحبها!

نظر لها وقد اتسعت حدقاته في صدمة، فلم يكن متوقع أن تبوح رهف بما حدث لها بمنزله، أكملت ميرا في غضبٍ وقد وجهت ذلك

السلاح في وجهه، نعم إنه نفس السلاح الميري الذي اخترقت رصاصاته  
رامز:

- لازم تعرف كل حاجة قبل ما أخلص عليك، عارف إن اللي كان  
بيوصل الريكودرات والفيديوهات لرامز هي روز اللي كل كام  
يوم في حضنك على سريرك القدر!  
لم يستطع سائر النطق من تلك الصفعات التي يتلقاها واحدة تلو  
الأخرى فأكملت ميرا:

- حسابك مع فريد الخولي خلص، بس حسابك معايا مخلصش  
يا سائر.. أنا هاخذ روحك بإيدي.. فاهم!  
لم يتحرك سائر من مكانه قط لدرجةٍ استغربتها الفتاة، لكنها سألته  
محاولةً فهم سر ثباته هذا:

- إنت ما هربتش مني ليه، واقف بتبص لي كدا ليه؟!  
قالتها وقد اشتد عنف صوتها وغضبها وما زالت موجهة ذلك المسدس  
تجاهه.

- علشان بحبك.



ساد الصمت للحظات وهي تنظر له غير قادرةٍ على استيعاب كلماته،  
زفرت مستنكرة:

- حب! إنت تعرف الحب؟! ليك عين بعد كل دا تقول حب!  
أشكال الحب اللي في الكون كله بريئة منك، إبليس ما بيعرفش  
يحب غير مصلحته، ما بيعبش غير الأنانية والوساخة وبس.

- لكن أنا بحبك يا ميرا، بحبك ومعنديش مانع ولا هتردد إني  
أموت على إيديكي.  
اقترب من ميرا أكثر وأمسك يديها واضعًا مقدمة المسدس على رأسه،  
وقال باكيًا وقد اغرورقت وجنتيه وملابسه بالدموع:  
- اضغطي.. اضغطي يا ميرا.

صرخت ميرا صرخةً عالية بعد أن سمعت صوت طلق عياري يخترق  
سائر، نظرت لرأسه فلم تجد آثار دماء، نعم هي لم تضغط على الزناد ولم  
يكن بنيتها الضغط عليه، شرع سائر في السقوط أرضًا بعد أن امتلأت  
ملابسه بالدماء وبدأت تظهر هوية القاتل، وحدث ما لم تكن تتوقعه ميرا!  
رأت أمل واقفة وقد ملأ السواد عينيها ويديها ترتعش؛ ممسكةً بمسدس  
وضحكاتهما قد ملأت المكان وكأنها انتصرت على أحد أعدائها.. كان  
منظرها مرعبًا إلى حد كبير، ألتك المرحلة قد وصلت؟! يا إلهي ما أقسى  
الزمن حين يفتك بقلوبنا ومن ثم أرواحنا وعقولنا.

سقط سائر فاقتربت أمل ونظرت كلتا الفتاتين له، ميرا تتأمل بسخريةٍ  
واحتقار لنهايته البشعة.. أمل تبتسم وتتسع ابتسامتها تدريجيًا إلى حد  
الفهقهة.. لم ينطق سائر بل ظل محددًا بأمل وميرا وانسحبت روحه ببطءٍ  
ويمينه ممسكة بطرف فستان ميرا! في تلك اللحظة كان كلاً من نوح  
ورهدف والشرطة محددقين بذلك المشهد غير مصدقين ما حدث بالمرّة،  
فقد فاجأ حضور أمل الجميع!



في صباح اليوم التالي والذي لم تغمض لأحد عين في فجره،  
رتبت رهف على كتف ميرا في رقة؛ فانتفضت ميرا وكأنها رأت كابوساً  
مرعباً، حقاً فما مرت به ميرا أقسى وأقوى من مجرد كابوس لعين ينتهي  
بالاستيقاظ.

قالت رهف وقد بدا على صوتها الإرهاق وحول عينيها انتشر اللون  
الداكن من قلة نومها وأرق الأيام الماضية:

- أستاذ نوح بره وعائزك ضروري، بيقول لازم يشوفك.

- حاضر.. هاغير هدومي واطلع له.

قالتها ميرا بصوتٍ متهدج لا يعتره سوى الفتور.. خرجت ميرا لترى  
الذي يريده نوح ولا يمكنه الانتظار بضع ساعات بسببه! جلست أمامه  
وقد طلب من رهف الانفراد بميرا قليلاً.. قال مبتسماً:

- لعنة سائر خلصت.

نظرت له بابتسامة هادئة تدل على الاطمئنان والارتياح قائلة:

- الحمد لله يا عمي.

أخرج من جيبه الأيمن ظرفاً أبيض ووضعه في يدها، ثم قال:

- كدا دي آخر حاجة سابها لك فريد معايا.. وكدا أقدر أستاذن

بقي، عايز أتمشى في اسكندرية شوية، وحشتني قوي.

نهض نوح، ثم أمسك بيمينها وقام بتقبيلها كما حدثه مسبقاً عن تلك

المشاهد في أفلام الخمسينات، ثم قال مبتسماً:

- يومك سعيد يا أميرتي.

احمرت وجنتيها خجلاً وضحكت بصوت خافت، ثم سحبت يدها

ببطءٍ وعلى الفور انصرف نوح من منزل رهف.

نظرت ميلا للظرف متأملا به بعض الوقت، ثم دخلت رهف تسألها عن محتواه، لكن ميلا أنكرت قراءتها للجواب، لم يكن بمقدور ميلا أن تقرأ بعض الكلمات؛ فكانت عيناها تؤلماها بشدة، أعطت رهف الظرف طالبة منها قراءته؛ فميلا لا تخفي شيئا عن رهف ولذلك لم تكثرث لأن تقرأه هي.. بدأت رهف قراءته ببطء.. خمس دقائق من القراءة المتواصلة للجواب الذي كان عبارة عن تعبير من فريد عن عشقه الشديد لميلا إلى أن وصلت إلى نهاية الجواب، توقفت رهف للحظات وعقد لسانها عن الحديث، احمرت عيناها وتبدل لونها وكأن أحداً قد دس سكين في ظهرها، نظرت ميلا لها متعجبة، ثم قالت مستنكرة:

- مالك يا بنتي؟ سكتي ليه؟ كملتي كملتي.

ما الذي يحدث لتلك الفتاة؟! سقط الجواب من يديها فالتقطته ميلا وهي تنظر لها عاقدة حاجبها غضبا وتعجباً مما يحدث. أكملت قراءته في هدوءٍ، وقد طرأ على صوتها التهدج والاضطراب هي الأخرى:

«من ححك تعرفي مين هي أمك، بس أرجوكي ما تزعليش مني يا بنتي إني داريت، كنت عايزك جمبي أنا بس وما حدش ياخذك مني، بس دلوقتي مش ها ينفع، أنا ماشي ومش راجع، إنني ليكي أخت في مصر أصغر منك بسنة، والدتك اسمها «صفية عيد عبد الرحمن»، يا ريت والله لو توصلي لها وماتسيبهاش، سامحيني يا بنتي.. سامحيني.»

انتهت ميلا من قراءة الجواب، وقد شردت هي الأخرى بكلمات والدها التي لم تتوقعها يوماً، أظهر لها شقيقة أيضاً في ذلك التوقيت؟! وأمها لم تمت بعد؟ ماذا عن حديث نوح بأنها فتاة يتيمة الأب والأم؟

أكان يكذب أم كان يجهل تلك الحقيقة هو الآخر؟ ما الذي حدث لرهف وما الذي أثار عاطفتها لهذا الحد؟ نعم إنها تبكي وقد صُدمت كما بدا على ملامحها! تلك التساؤلات تجمعت في ذهن ميرا إلى حد التكدر، أمسكت بكف رهف وسألتها بلطف:

- بتعطي لي؟ المفروض أنا اللي أعيط، فاهمة يعني إيه أمي

عايشة وليا أخت؟!!

قاطعته رهف بعنفٍ قائلةً:

- صفية عيد عبد الرحمن هي صافي يا ميرا، افهمي!

ضحكت ميرا ساخرةً من كلماتها، ثم ردت:

- هي آه زي ماما بس ماتهزريش في حاجة زي دي.

- مش بهزر، صفية عيد أمي، سمعت من فترة كبيرة إن كان ليا

أخت أكبر مني بس اتخطفت وهي عندها كام شهر وربنا رزقهم

بيا بعدها.. ساعتها ما قدروش يلاقوها والله أعلم إيه اللي حصل

لها.

- إنتي بتقولي إيه؟ اتجننتي يا رهف!

قالت رهف وقد ابتسمت وأمسكت بيدي ميرا:

- مش مجنونة لأ، إنتي أختي، إنتي أختي اللي بعدوها عني زمان،

إنتي يا ميرا.

شعور لا يسع أحد فهمه إلا من عاصره، خليط بين السعادة والصدمة

والتعجب من ما كُتب بأقدارهما، ظلت الفتاتان تبكيان بين أحضان

بعضهما، رهف تلمس وجه ميرا وكأنها تتأمل تفاصيل ملامح طفل حين

ولادته، وميرا تمسح على شعر أختها في غير تصديقٍ لما قرأته وما قالته

رهف، أفاقت الشقيقتان على صوت نسيج والدتهما التي كانت تتأمل ما يحدث وهي عند الباب؛ فمن شدة صدمة الفتاتين لم يلاحظ وجودها حتى! أسرعت ميرا تحتضنها وكأنها تراها للمرة الأولى، بالفعل كانت تلك المرة الأولى التي تراها فيها كوالدها وليست كوالدة رهف فقط! وأخيراً قد وجدت الأمان الذي افتقدته طوال حياتها، أمان حضن وعيون والدتها، يا لقسوة الحياة دون أم!



عاد رامى لسمر وروى لها كل ما حدث معه منذ سفره إلى الآن، بالطبع سنها البريء جعلها لا تكثرث لشيء سوى لحصول رامى على شركة كبيرة خارج مصر؛ فسيسمح له هذا بأن يأتي لها يومياً بالمجوهرات والملابس الباهظة الثمن، أما هو فلم يكن بأقل سعادة من خطيبته الصغيرة سمر. انتهى الزمن بأمل في إحدى المصححات العقلية؛ فقد أقر أحد الأطباء بأنها ليست بكامل قواها العقلية وتعاني من خلل في وظائف المخ أدى إلى شلل في الجهاز العصبي، يا لها من مسكينة! كانت تتحرك بطريقة جنونية، وتغني بلغة غير منتظمة أو مفهومة إلى أن فقدت عقلها. أما نوح فقد عاد إلى شركته بالمكسيك، نعم فقد تنازلت له ميرا عن كل ما تملكه في تلك البلدة، على الأرجح أن حياته ستبدأ الآن بالبحث عن من تشاركه سنوات عمره أو ربما أيامه المتبقية في هذا العالم! سامحت ميرا أباهما على كل ما فعل، حتى أنها أقنعت عقلها أن بإمكانها نسيان ما حدث.



يومٌ ماطرٍ والشمس تبدو كأنها تعانق المطر بعد اشتياق، قررت ميرا ارتداء ما اشتهدت من الملابس وزيارة قبر والدها فريد الخولي، وأيضاً قراءة بعض الآيات لتطمئن روحه هو ورامز، جلست ميرا أمام قبر فريد بعد زيارتها قبر رامز وحدثته قليلاً عن ما تشعر أو تُكن له.. وضعت بعض الأزهار الحمراء التي قد ابتاعتها وهي في طريقها للمقابر أمام القبر ودعت له بالمغفرة، نهضت ونظفت ملابسها مما عليها من تراب استعداداً للرحيل.. شابٌ يقف على بعد ثلاثة أمتارٍ منها يتأمل ما تفعله، يستمع إلى كلماتها مع والدها.. وقفت ترمق ملامحه جيداً التي استوقفتها قليلاً؛ فملامحه باتت مألوفة بالنسبة لعينيها، نعم تذكرته، إنه أحمد!

- إزيك يا ميرا.

- أحمد، صح؟

- بالظبط، أنا أحمد.

- أنا كويسة، بتعمل إيه هنا؟

- كنت بزور مريم، بقالي شوية هنا.

- أيوه افتكرت.

تأمل أحمد عينيها لدقائق وكأنما اشتاق لهما! اقترب منها قائلاً في

ابتسامةٍ بريئة:

- تعالي نخرج من المكان دا ونتمشى على الشط شوية، اشتقت

للبحر.

وافقت ميرا وبالفعل سحب يدها، أمسكها بحنانٍ وانصرفا متجهين

إلى الشاطئ.. شاطئ المعمورة!

